

# WANT

NIUSPEPA BILONG YUMI OL PAPUA NIUGINI STRET - 26 YIA NAU

32 pes                      Namba 1,150                      Wik i stat long Fonde, Julai 11, 1996                      50 toea



## Mama bilong Kasabwaibwaileta

Shirley Tauwaigu i ekt olsem mama bilong *Kasabwaibwaileta* long wanpela tieta pilai i stap nau long Mosbi. Ol lain long dispela pilai em ol eka bilong Milen Be provins. Photo: Ivan Bayagau. Lukim stori long pes 11.

# Klostu tru ol sekyuriti fos kisim Ona

**VERONICA HATUTASI**  
i raitim

BIKBOS bilong Bogenvil Revulusinari Ami (BRA), Francis Ona em klostu i hangamap long han bilong sekyuriti fos long ples Orami, klostu long Panguna long Julai 1.

Ol ripot i kam long Bogenvil i tok Ona i bin stap long Orami. Na i no save olsem ol sekyuriti fos bai patrol i go olsem long hap. Tasol kwik taim em i kisim sampela tokwin long ol spaiman bilong em.

Na tekov sampela minit bipo long ol PNG Difens Fos patrol i kamap na sekim ples.

Ripot i tok Ona i laki tru long ranawe bikos long gutpela wok bilong ol spaiman bilong em. Sapos nogat, dispela difens fos patrol bai kisim em stret.

Dispela nau i soim olsem Ona, man husat i go pas long

statim dispela trabel i stap laip yet.

Planti manmeri i bin tingting planti olsem Mista Ona i stap yet o i dai pinis.

Ples Orami i stap long Jaba wara pam stesin, klostu tasol long Panguna main. Na em i ples long papa bilong Ona. Mama bilong Ona i bilong ples Guava.

Ripot i tok Ona i bin go stap long ples Orami wantaim lain bilong papa bilong em, bihain long indai bilong pikinini man bilong em Steven, wantaim tripela arapela yangpela man husat em ol blut famili-stret bilong Ona.

Fopela ya i bin indai bihain long wanpela pait wantaim ol resisten paitman na sekyuriti fos klostu long olpela Bogenvil Kopa Limited bas depo long Lolohe long Jun 14.

Bihainim dispela indai, famili long sait bilong mama long ples

Guava i sutim tok long Ona na belkros i kamap. Na Ona i bin ranawe i go long ples bilong papa bilong em, Orami long sampela de. Na bihain em i ranawe bipo long difens fos patrol i kamap.

● Taim "Operation High Speed" i stat long Bogenvil tripela wik i go pinis, wanpela difens fos soldia i bin indai.

Ripot i kam long Arawa i tok soldia ya i bilong Milen Be provins.

Na em beis wantaim Enjiniarine-Betation long Igan Bareks, Lae.

PNGDF i no autim yet nem bilong dispela soldia. Bodi bilong soldia ya i bin kamap long Mosbi Jacksons ples balus long asde, Trinde Julai 10.

Soldia ya i dai long Tunde Julai 2 long moning, bihain long wanpela pait wantaim ol rebel paitman long Aropa ples balus.

I go moa long pes 2.

## Hevi bilong wara bai stap yet: Suao

**JOE KANEKANE** i raitim

Hevi bilong wara long Mosbi siti bai stap yet. Bikos Nesenel Kapitel Distrik Kornisen i rausim pinis olgeta teknisen na save-man i save wok wantaim wara, wanpela yunien opisal i tokaut olsem.

Interim sekreteri blong NCDC Wokas Yunien, Jeheke Suao i tok hevi bilong wara bai stap yet. Bikos ol wokman i save wokim meintenens, na putim marasin long wara na sekim ol mita em komisen i rausim pinis.

Mista Suao i tok olsem Gavana Bill Skate i mas putim bek dispela 200 wokman, we

em i bin rausim long las yia. Long wanem planti bilong ol i save gut tru long ol dispela kainkain wok.

Em i tok olsem em sore long pipel long siti husat i nogat wara. Na poinim pinga i go long gavana Skate.

"Gavana i mas tok klia long wanem kain nupela rot em i gat long stretim dispela hevi. Sapos em i nogat wanpela plen, em i mobeta long givim bek wok bilong dispela 200 wokman," Mista Suao i tok.

Em i tok siti bai bungim moa hevi. Bikos i nogat planti wokman long go raun long siti. Na stretim ol bagarap i wok long kamap long ol wara. Em i tok

wanpela gutpela eksampel em long Ista we kala bilong wara long siti i bin tanim i go braun. Na planti pipel i pret olsem wara i doti o mas i gat posin.

Em i tok as bilong dispela em i gat tupela man tasol husat i save was long Maunten Eriama wara stesin. Na dispela tupela wokman wantaim i bin go long lip.

Olsem na nogat wanpela man i bin stap long miksim ol marasin long wara. Mista Suao i tok tu olsem em i no wanbel long tingting bilong gavana long salim wok bilong wara long NCD i go long wanpela nupela kampani.

I go moa long pes 2.

■ Kanage i wok long Mosbi siti. Wanpela moning em i telpon i go long Wewak long toktok long wanpela perendo bilong em. Perendo ya i wanpela meri.

Kanage i ring na wanpela wanwok meri bilong perendo bilong em i ansaim telpon.

Na Kanage i askim long perendo bilong em.

Taim Kanage i askim long perendo bilong em, wanwok bilong perendo i tokim Kanage



### Bilong Wik

olsem: Inap yu holim liklik, mitupela i pasim yet ya.

Kanage i harim olsem na askim: Yutupela pasim wanem ya?

Wanwok bilong perendo i tokim Kanage: Na bai

wanem gen, em ya samting ya ol i kolim garas.

Kanage lap tasol na askim gen: Hamas yutupela pasim pinis?

Wanwok bilong perendo i wari liklik long dispela hap Tok Pisin bilong Kanage na askim: Yu laik save long wanem?

Lap i kilim Kanage tasol em i kaikaim tit na bekim: No, olsem yu tok long mi holim liklik na mi askim.

Mister Kanage  
MOSBI

**YUKI'S**  
**Steamships** **HARDWARE**

COLOR



# PLIS RIPOT

## MOSBI-Nesanel Kapitel:

Polis long Mosbi i holim pinis tupela saspek (man) long wanpela stilpasin we sampela man i bin stilim na ranawe wantaim moa long K800,000 long Air Niugini kago teminol.

Dispela stilpasin i bin kamap long las wik taim ol sekyuriti bilong Securimax sekyuriti kampani i karim mani bilong PNGBC beng we beng i bin laik salim i go long ol brens bilong en long Kainantu, Lae na Kokopo.

I kam inap long nau, polis i painim tasol K6,012, tupela hai pawa raifel- wanpela AR15 na wanpela M16 autometik raifel we ol stilman i yusim longmekim dispela stilpasin.

Polis ripot i tok ol polis i gat bilip olsem sampela bikman i stap olsem saspek bilong dispela stilpasin.

## LAE-Morobe:

Polis long Lae i wok long askim ol pipel long pablik long siti long givim ol infomesen long wanpela birua we wanpela ka i krungutim na kilim wanpela longlong man long las wiken.

Bikbos bilong polis long Lae siti, Tony Wagambie, i tok wanpela ka i bin krungutim dispela man long Mifordhaven rot long las wik Sarere moning.

Em i tok taim draiva bilong dispela ka i kamapim dispela birua, em i no bin stop. Em i go het long draiv na i go.

Mist Wagambie i tok maski sapos daiman i bin asua, bai mo agutpela sapos draiva i bin stop na sekap na givim ripot i go long polis.

Long wankain taim tu long Lae, Mista Wagambie i tokaut long dai bilong wanpela man bihain long toktok kros na pait wantaim narapela man.

Polis ripot i tok olsem man ya i bin dai bihain long ol i paitim em wantaim wanpela hevipele samting bihain long wanpela tok kros long wanpela haus long Sarere moning las wik.


## WEWAK-Is Sepik:

Polis ripot i tok olsem wanpela man i bin bagarapim wanpela yangpela meri taim meri ya i wok long bungim paiawut long Mengar nambis long Wewak. Man ya i bin holim wanpela naip i sap long pretim meri ya na bagarapim em.

Provinsal Polis Komanda, Giossi Labi, i tok meri ya i save long dispela man na ol polis i wok long painim em nau long holim pasim em.

Mista Labi i tok tu olsem ol stilman i bin brukim wanpela stua long Wewak taun na stilim wantaim ol arapela samting long stua we i kos moa long K10,000. Sief Inspekta Labi i tok moa long 20 man i holim tupela sotgan na i go insait long Tang Mow Trading.

Na pretim ol wokmanmeri na karim 4-pela kes rejista we i bin gat K2,500 long ol. Ol stilman ya i kisim tu ol katen sigaret na wanpela kamera i kos moa long K2,000.



**Plis fos kisim moa trening yet** □ Olgeta plisman i bin bung long wanpela woksop bilong ol supavaisa long Madang. Ol i kisim moa trening long wok bilong ol long lukautim lo na oda long kantri.

# 11-pela pipel indai long wan wik tasol

PLIS Komisina Robert Nenta i askim nau ol manmeri long Mosbi siti long lukaut gut taim ol i go aut long nait. Em i mekim dispela toktok bihainim ripot bilong planti man i dai long wanpela wik tasol.

Long dispela wik plis i kisim ripot bilong 11-pela indai olgeta. Na holim pasim na sasim pinis 26 man olgeta long dispela indai.

Na 5-pela bilong ol dispela indai i bin kamap long Mosbi siti. Na tripela indai i kamap bihain long ol man i spak na pait.

Wanpela man husat i gat 19 krismas em plis i painim bodi bilong em beksait long sampela haus long Lepwing Draiv, Godens long las Tunde moning.

Plis i ripot olsem dispela boi i bilong Bundi long Madang.

I gat ripot olsem boi ya i bin spak wantaim sampela poroman.

Na pait wantaim sampela lain ausait long taka boks stua

bilong wanpela Wabag man.

Long moning sampela meri i painim bodi bilong boi ya.

Plis i ripot olsem bodi bilong boi ya i gat planti mak bilong naip i katim.

"Mi askim yupela olgeta long lukaut gut taim yupela go aut long nait long dring o pati. Bikos planti pati em pait i save kamap wantaim birua," Mista Nenta i tok.

## 39 stil pasin kamap

Plis i ripot tu olsem 39 bikpela stil pasin i bin kamap long las wik, we ol raskol i yusim strongpela samting bilong pait olsem gan na pistol.

Long ol dispela stil pasin, 21 i bin kamap long Mosbi siti.

Wanpela bilong ol dispela stil pasin long Mosbi i bin kamap

long Air Niugini ples balus opis bilong kisim na salim ol bikpela kago.

I gat ripot olsem namba bilong mani i lus long stil pasin ya i kamap klostu long K800,000.

## 31 man bagarapim 12-pela meri

Long Hailans rijon, ripot bilong ol man i bagarapim meri i kamap bikpela nau.

Plis i ripot olsem i gat ol ripot bilong 31 man i bagarapim 12-pela meri.

Taim dispela ripot i kam aut long Mande Julai 8, plis i no holim pasim na sasim yet ol dispela man.

Mista Nenta i askim nau ol meri long Hailans rijon long lukaut gut taim ol i go aut.

Na tu long taim ol i laik go long gaden.

## Klostu tru ol sekyuriti fos kisim Ona

### i kam long pes 1.

Ripot i tok stat long dispela wik Tunde, pait i go het yet namel long ol sekyuriti fos na BRA. Ol sekyuriti fos i bin go sindaun long Aropa long dispela wik Mande tasol.

Wanpela ripot i kam long AAP waia nius sevis i autim toktok bilong BRA rebel komanda, Sam Kauona olsem BRA i bin kamapim bagarap long tripela PNG Difens Fos soldia long Aropa ples balus. Na soldia bilong Milen Be em wanpela bilong ol tripela soldia husat i kisim bagarap.

Mista Kauona i tok pait i bin stat long moning yet taim ol rebel paitman i paia i go long ol sekyuriti fos long Aropa long samting olsem 30 minit i lusim 7 klok long Mande moning. Dispela em long taim ol sekyuriti fos i go sua long beis long hap.

Mista Kauona i tok tu olsem bodi bilong Milen Be soldia i bin slip i stap long tamak bilong ples balus long 9-pela aua olgeta bipo long ol arapela sekyuriti fos memba i kisim.

Mista Kauona i tok moa olsem sekyurit fos i no mov i go insait lusim Aropa na nambis eria yet. Bikos ol BRA paitman tu i strong na sut bek long sekyuriti fos.

Ripot i tok tu olsem 250 moa soldia bilong Murray Bareks nau i kem long Aropa ples balus.

## Hevi bilong wara bai stap yet: Suao

### i kam long pes 1

Bikos i gat Wara Bod i stap pinis long mekim dispela wok.

Em i tok Wara Bod i soim pinis long ol provins olsem em inap long mekim olgeta wok bilong saplaim wara.

Wanpela nupela kampani JC KRTA bai go pas long saplaim wara long siti. Tasol kampani no inap lukluk long ol kain hevi olsem bilong skelim bilong wara, ol paip i bruk, kainkain paip i stilim wara saplai, na bilong wanem as na wara i no kam strong.

# WANTOK

All departments, Phone: 325 2500 - Fax: 325 2579  
P.O. Box 1982, Boroko, NCD, Papua New Guinea

Published Weekly, Thursday, for  
**Word Publishing Company Pty. Ltd.**

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Pty Ltd.

Acting General Manager and Group Editor in Chief: Anna Solomon

Advertising Manager: James DeLisle

Editor of Wantok: Leo Waiwa

Advertising Deadlines:  
Display Bookings and Camera ready copy: Tuesday midday.  
Classified Advertising: Wednesday 2pm.

Papers distributed by air throughout PNG.

Available by airmail subscription within Papua New Guinea and overseas.

Australia and New Zealand Representatives: Tonkin Media Pty. Ltd. P.O. Box 101, Avoca Beach, NSW, 2251 Australia  
Sydney, James Tonkin, (043) 851746, Melbourne, Glen Smith, (03) 8072311

# PNG Groas Asosiesen laikim gavman sevis go long gutpela Bogenvil eria

PAPUA Niugini Groas Asosiesen i singaut strong long nesanel gavman long larim ol sevis i go long ol eria long Bogenvil we i nogat moa trabel.

Presiden bilong asosiesen, Mike Manning i bin mekim dispela singaut long wanpela bung bilong asosiesen, em i bin kamap long Kokopo, Is Nu Briten provins long dispela wik.

Em i mekim dispela singaut bihainim askim bilong sampela bisnisman meri long Tinputz eria bilong Bogenvil ailan, husat i memba bilong Liklik Bisnisman na Famas

## VERONICA HATUTASI i raitim

Asosiesen long Tinputz.

Mausman bilong asosiesen, Karolus Ketsimur i tok bikpela tingting bilong grup bilong em i go long Kokopo long Is Nu Briten em long strongim ol papa bilong ol sip long larim sip bilong ol i go long Tinputz, na ol arapela hap moa insait long bikples Bogenvil we ol sekyuriti fos i makim olsem ol seif eria. Bikos stat yet long 1994, nogat sip i go long eria bilong ol.

Olsem na nau i gat moa

long planti kakao na kopra we ol pipel i redim pinis long salim. Taso nogat sip. Na ol kakao i stap nating long hap.

Mista Ketsimur i tok askim bilong asosiesen bilong em i kisim sapot bilong sekyuriti fos long ol gavman sevis i go insait long ol seif eria long bikples Bogenvil.

Mista Manning i tok aosiesen bilong em bai tok-tok wantaim ol siping kampani long ogenaisim wanpela bung wantaim ol, ol Bogenvil groa na ol gavman bodi long Buka. Em bin tok asosiesen i save long planti ton kopra na kakao i sindaun na wetim sip

i stap long olgeta hap long Bogenvil.

Long wanpela bung bilong ol PNG groa na ol Tinputz fama long Kokopo, Mista Ketsimur i tok asosiesen bilong em i no askim long kisim helpim. Tasol ol i laikim bai ol sip i go long eria bilong ol. Na ol pipel i ken kisim ol sevis gen.

Mista Manning i tok asosiesen i luksave long laik bilong ol hol sel long Lae na Rabaul husat i laik saplaim kago i go long Bogenvil. Na tu long ol i kisim ol kakao na kopra long ailan we ol pipel i ken kisim mani long en.

Word Publishing Company Pty Ltd is owned by the four major churches of Papua New Guinea: Catholic 55%, Lutheran 25%, Anglican 10% and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms of acceptance are available at Word Publishing Company Pty. Ltd., and are set out in full on the reverse side of its official Display Advertising Booking Form.



**WANTOK**

NIUSPEPA BILONG PAPUA NIUGINI STRET

# NEC oraitim pinis olgeta provinsal edministresen straksa

## Luksave na mas givim

LONG dispela wik, Kabinet i holim bung bilong en long Simbu insait long Simbu provins. Namba wan bung i bin kamap long Kavieng long Nu Ailan provins na namba tu kibung i bin kamap long Kerema long Galp provins.

Astingting na Kabinet i go aut long ol provins na holim kibung bilong en em long luksave long sindaun, hevi na wari bilong ol pipel.

Dispela em i wanpela gutpela tingting na samting Kabinet i mekim. Bikos dispela bai givim kliapela tingting long en long taim bilong wokim disisen long bringim sevis na developmen i go aut long ol provins-ol sevia na developmen we bai senisim na stretim sindaun bilong ol pipel.

Gavman i bilong ol pipel. Olsem na i moa gutpela olsem gavman i mas go aut long ol ruel eria na sindaun na paitim toktok wantaim ol pipel. Na kisim tingting bilong ol pipel long wanem kain sevis na developmen ol i nidim o i gutpela long eria bilong ol.

Gavman i noken stap long Mosbi tasol na toktok na mekim ol disisen long givim sevis na kamapim developmen. Na askim ol pipel long kisim na lukautim ol dispela samting. I moa gutpela long luksave long hevi na bihain wokim disisen na givim: o kamapim samting. Dispela bai mekim ol pipel i amamas bikos ol i kisim sevis o developmen ol i nidim o laikim long en.

Tasol bikpela samting i olsem sapos gavman i go aut na luksave long ol hevi bilong ol pipel, gavman i mas kam bek long Mosbi na wokim ol gutpela na stretpela disisen. Gavman i noken go aut long provins na toktok long helpim ol helpim na taim ol pipel i askim gavman, gavman i tanim bek na tok "nogat mani."

Sapos i nogat mani, watpo na gavman i go aut na tokaut long helpim ol pipel? Sapos nogat, wanem taim bai gavman i stop long tok olsem i nogat mani. Mani kantri i kisim long maining, loging na ol arapela bikpela prosek i go we?

Arapela samting i olsem Kabinet i noken go aut long provins na luksave long hevi bilong ol pipel na kam bek na giaman olsem em i no save long ol hevi i stap long provins em i holim kibung bilong en. Sapos Kabinet i gat dispela kain pasin, mobeta em i mas stop long go aut long provins na holim kibung bilong en.

NESENEL Eksekutiv Kaunsil (NEC) i oraitim pinis nupela provinsal edministretiv straksa bilong olgeta provins we i kam anint long nupela rifom sistem.

Na long nau yet, Dipatmen bilong Pesenel Menesmen (Pablik Sevis) i wok long helpim wanwan provins long stretim ol pepawok na ol arapela samting long edvataisim ol posisen bilong wanwan provinsal edministresen.

Wanpela sinia opisa long Dipatmen bilong Praim Minista i tokaut olsem taim olgeta pepawok na ol arapela samting i stret, olgeta opisa long

wanwan provinsal edministresen long wanwan divisen bai kam aninit long lukaut bilong ol nesenel dipatmen.

### Potnait pe

Dispela i min olsem, dispela sinia opisa husat i les long Wantok long autim nem bilong em i tok, nesenel gavman bai lukautim na baim potnait pe bilong olgeta opis long ol provinsal edministresen.

Long bipo aninit long olpela sistem bilong provinsal gavman, wanwan provins i gat ol

provinsal pablik sevan na ol nesenel pablik sevan. Ol provinsal pablik sevan em ol opisa we provinsal gavman i save lukautim na baim ol. Na ol nesenel pablik sevan em ol opisa we nesenel gavman i save baim ol.

Aninit long rifom sistem, olgeta pablik sevan long wanwan provinsal edministresen bai kam aninit long wanpela nesenel pablik sevis tasol. Dispela i min olsem bai no moa ol nesenel na provinsal pablik sevan long ol provinsal edministresen levul.

Opisa ya i tok potnait pe bilong ol opisa husat bai holim posisen olsem menesa long wanwan provinsal edministresen, bai kisim tripela taim moa long potnait mani ol i bin kisim aninit long olpela sistem.

Dispela i min olsem, opisa ya i tok, gavman bai spenim samting olsem o moa long K200 milien o K300 milien long wanwan yia long ranim rifom sistem.

Em i tok bikpela mak bilong dispela mani bai go long potnait pe bilong ol opisa long wanwan yia.

# Biknem Sepik raskolman senisim laip

## FUZO PAUL i raitim

LAS wik Fonde, Julai 4, 1996, moa long 1000 yut insait long Is Sepik provins i bin bung ausait long geit bilong Boram haus kalabus long lukim, bungim na welkamim wanpela biknem raskolman insait long Mamose rijon na tu insait long kantri i pinis long kalabus na kam ausait.

Nem bilong dispela biknem raskolman ya em Steven Warapen, 30 krismas, bilong ples Urip long Dagua sab-distrik insait long Is Sepik provins.

Tasol bikpela samting tru long laip bilong Steven Warapen na tu long ol wainlain na poroman bilong em i olsem bihain long 19. krismas long mekim ol raskol pasin na tu spenim planti yia insait long banis (haus kalabus), em i pinis na kam ausait olsem wanpela nupela man. Em i no moa olsem Steven Warapen bilong bipo. Nogat. Em i pinis long haus kalabus na kam ausait olsem nupela Steven Warapen.

## Senisim laip

Watpo na dispela biknem raskolman i pinis long kalabus na kam ausait olsem nupela man?

Bekim bilong dispela askim i isi. Bikos Steven Warapen i senisim laip o tanim bel na lusim olgeta pasin nogut na bikhet pasin. Na i kisim bikpela Jisas Kraus i go insait long laip bilong em na kamap wanpela Kristen.

Mista Warapen i wanpela man husat i statim o fomim wanpela biknem raskol geng ol i kolim "585" long Lae, Morobe provins, long 1970.

Geit bilong Boram haus kalabus i bin

pulap tru. Ol yut i kam olsem long hap bilong Angoram distrik, Maprik distrik, Yangoru, Kubalia, wes kos na tu insait long Wewak taun yet na bung long geit bilong haus kalabus long welkamim Mista Warapen.

## Kalabus

Mista Warapen i lusim haus kalabus na wokabaut i kam ausait wantaim gutpela helt na bilip em i gat long em yet olsem wanpela trupela Kristen.

Taim em i kam ausait, pater bilong Boram haus kalabus, ol yut na sampela gavman opisal i bungim em na welkamim em. Bihain ol i putim em long wanpela ka na kisim em i go raun long Wewak taun.

I bin wanpela gutpela taim tru. Ol yut i pulap long ol ka na kisim Mista Warapen i go raun long Wewak taun na singaut: Welkam hom Steven Warapen. Bikos em i bin spenim longpela taim insait long haus kalabus na tu senisim laip na kamap wanpela Kristen.

Bihain long dispela, ol yut i go bung long Wewak volibal gran long welkamim olpela lida nogut bilong ol tasol nau em i Kristen brata bilong ol. Ol gavman representativ tu i bin stap long welkamim em

Wanpela sinia gavman opis, Mich el Kasi bilong Hawain long wes kos eria, i makim gavman na welkamim Warapen long ples, provins, komyuniti na sosaiti.

Taim em i welkamim Warapen, Mista Kasi i putim wanpela bikpela askim i go long ol pipel bilong Is Sepik na tu kantri long kisim bek ol lain olsem Warapen i go insait long komyuniti na sosaiti. Na i no long lukim ol olsem ol man nogut.

Bihain long dispela ol yut na gavman

opisa i kisim Mista Warapen i go antap long win haus bilong Wewak Hotel long Wewak Hil we rihebilitesen opis i redi liklik kaikai long welkamim em. Long win haus bilong Wewak Hotel, ol i kaikai na planti yut i harim Mista Warapen i toktok long ol.

Em i tokim ol olsem i nogat moa ol raskol geng long Boram haus kalabus. Bikos em i tok olsem olgeta raskol geng long Boram haus kalabus i kam bung wantaim na joinim han na kamapim belisi na wanbel namel long ol yet.

Olgeta raskol geng lida husat i stap long Boram haus kalabus i sekan long Julai 4, 1996 na kamapim belisi na wanbel namel long ol yet na mekim dispela de i kamap de bilong ol yut.

## Bihainim ol lida

Mista Warapen i askim ol yut ausait long haus kalabus long i noken pait egens ol yet. Tasol i mas bihainim ol lida bilong ol na kamapim belisi na wanbel namel long ol yet na wokhat long kamapim laip we i gat gutpela mining long sosaiti.

Em i salensim ol long putim daun ol sotgan na katres bilong ol. Na karim ol spet, savol, naip na tamiok long dikim graun bilong ol long kisim gutpela na trupela laip.

Ol yut insait long Is Sepik provins i kamapim tokorait pinis long holim wanpela pablik forum (bung) we ol bai bungim na toktok wantaim olgeta nesenel memba bilong provins long ol wari ol i gat na ol hevi ol i wok long bungim.

Ol bai holim dispela pablik forum long Prins Charles oval. Ol i tok ol bai holim forum ya bihain long samting olsem tupela wik.

**WANTOK**

NIUSPEPA BILONG OL PNG STRET

P O Box 1982 BOROKO  
Telepon namba: 3252500  
Feks namba: 3252579

**PE BILONG WANPELA YIA 52 NIUSPEPA**

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00





# YUMI GO WE?

## 1997 Nesenel Ileksen Kempen

### 2. Nesenel ileksen em wanem samting?

Nesenel ileksen em i bikpela ileksen tru bilong kantri. Em i save karamapim olgeta hap bilong Papua Niugini long wankain taim. Long dispela ileksen yumi save votim ol memba bilong yumi i go long nesenel palamen long bikpela siti-Mosbi.

Long palamen ol memba i save bung, paitim toktok na bihain ol i kamapim gavman long ronim kantri bilong yumi, PNG.

### 3. Vot em wanem samting?

Vot bilong yu em i olsem mak i piksa bilong yu yet. Vot bilong yu em YU stret. Em i olsem iaip bilong yu yet. Yu no inap long salim vot bilong yu long wanpela K2. sipsip katen o long SP botol bia. Sapos yu salim vot bilong yu long tok gris bilong ol kandidat orait, yu mas save olsem yu salim iaip bilong yu wantaim.

Na tu wanpela gutpela pasin em i olsem, vot bilong yumi em i wanpela ki bilong strongim demokratik gavman bilong PNG. Yumi olgeta manmeri long PNG i mas mekim dispela kain sistem bilong gavman i mas kamap strong long kantri. Planti kantri long hap long Afrika i lusim demokratik gavman. Na nau ol i stap long kontrol o lukaut bilong ol plis na ami. Ol pipel bilong dispela hap bilong graun i son na wari nogut tru. I nogut fidadom bilong ol.

### 4. Lidasip em wanem samting?

Taim yumi toktok lidasip, i gat tupela samting - lida na ol pipel. Lida i stap bikos ol pipel i stap. Sapos ol pipel i no stap, ol lida i no inap stap. Na tu ol pipel i nidim ol lida long go pas long toktok, oge-naisim ol wok na stiam ol manmeri long gutpela tingting. Astingting bilong lidasip em dispela wok bung (relesensip) bilong lida wantaim ol pipel.

### 5. Husat em i lida tru?

Ol lida em ol manmeri husat i save long ol pipel, na ol pipel tu i save long ol. Ol trupela lida i save pas wantaim pipel bilong ol, na save stap wantaim ol long olgeta taim.

Husat man o meri em i lida tru, em bai oltaim wari long ol pipel bilong em na mekim olgeta samting long strong bilong em long helpim ol. Ol gutpela lida i save tok tru. Ol i no save tingting long ol yet tumas. Ol i save givim taim na hatwok bilong ol long helpim ol arapela manmeri.

Sapos wanpela man o meri i lida tru, em bai kaikai wantaim ol pipel, sindaun amamas na pulim stori. Long taim nogut em bai sambai tasol long karim hevi na pen wantaim ol pipel bilong em.

Ol gutpela lida i save kisim tingting bilong ol pipel bilong ol na i save paitim toktok inap long olgeta i wanbel long wanpela tingting. Taim em i wokim disisin em i save pas wantaim laik na tingting bilong ol pipel bilong em. Ol gutpela lida i save go pas long gutpela na stretpela pasin. Yumi gat wanem kain lida long PNG?

Hammas taim yumi save bung na toktok wantaim ol lida bilong yumi. Yumi save sindaun na serim kaikai long wanpela plet? Ol tu i save kisim tingting bilong yumi long ronim komyunit, provins na kantri o nogat? Sapos nogat bilong wanem?

Hammas lida bilong yumi i save soim pes long oles. Planti pipel long bus eria long PNG i tok ol i no save lukim nesenel memba bilong ol. Planti bilong ol dispela kain ples ol i save lukim memba bilong ol long wanpela taim insait long 5-pela yia. Na dispela em long taim bilong ileksen. Panti memba i save tokim ol pipel olsem ol i save wokhat long kainkain wok long Mosbi. Na i no gat taim long lukim ol. Na yu ting wanem? Ol makim ol yet long Palamen o ol makim ol pipel.

• Dispela em hap rit bilong wanpela tok pisin buk "YUMI GO WE? 1997 Nesenel Ileksen" em Katolik Komisen bilong Jastis, Pis na Dvelopmen (CCJPD) i bin putim aut long las wik, Trinde Julai 3. CCJPD i no sapotim wanpela politisian, gavman o oposisen, nogat. Em i laik skulim tasol ol pipel long redi na votim gutpela gavman long 1997 nesenel ileksen insait long kempen ya. **Wantok** niuspepa i sapotim dispela gutpela wok bilong komisen. Na bai putim hap rit bilong dispela buk, em bai kam aut olgeta wik long dispela pes long niuspepa.

# Ol ripot i lukluk long raun bilong Praim Minista Sir Julius Chan i go long Sauten Hailans provins long las wik.

# Nipa helt senta i kamap rurel hospital

LAS WIK Fraide i bin wanpela de bilong amamas long Nipa eria insait long Sauten Hailans provins taim Praim Minista Sir Julius Chan i tokaut olsem Nipa helt senta i kamap olsem rurel hospital.

### JAMES KILA i raitim

Em i tokim ol olsem dispela rurel hospital bai i ken givim ol sans long mekim kamap ol mak bilong helt we i bagarap i kamap gut, taim wanpela medikol wokman bai i stap olgeta long hospital na mekim wok.

Sir Julius i tokim ol pipel olsem, i gat dokta long hospital bai i ken bringim planti gutpela samting. Tasol wanpela bikpela samting em long mekim gut, bringim ap kwaliti bilong praimer helt i go long ol pipel.

"Ol mama bilong yumi i bai i laikim planti samting, na nau ol i ken kisim moa helt na medikol skul. Planti ol sevis i stap long halivim ol na ol pikinini bilong ol," Sir Julius i tok.

Em i tok olsem dispela em i wanpela gutpela tingting tru long mekim dispela helt senta i go kamap olsem rurel helt senta. Bipo dispela helt senta i save halivim moa long 25,000 pipel insait long dispela eria.

Planti ol samting i go bikpela na gutpela nau, olsem na dispela namba o askim i kam long pipel bai i

mekim helt sevis long hap i go antap moa.

Praim minista, Sir Julius i tok amamas long Sauten Hailans provinsal Gavman long kamap wantaim dispela disisen. Em i tok ol i kamap wantaim wanpela gutpela wok tru long bringim dispela bikpela sevis bilong helt i go long rait ples.

Em i bin askim ol pipel bilong Nipa-Kutubu long lukautim gutpela dispela rurel hospital wantaim laip bilong ol. I tru olsem dispela rurel hospital i makim laip bilong ol. Em i bilong givim moa helt sevis we ol pipel i save nidim tru bipo.

# Provinsal rifom bringim gavman klostu long pipel



• Sir Julius i katim rop taim em i opim nupela lokal level kaunsil semba bilong Nembi pleto long Sauten Hailans *Poto: Pou Toivita.*

PRAIM Minista Sir Julius i tok provinsal rifom i ken bringim gavman i go klostu long ol pipel.

Em i bin givim dispela toktok taim em i opim Nembi Pletoua Lokal-level gavman kaunsil semba long Sauten Hailans provins.

Sir Julius i tok anit long nupela provinsal gavman rifom long nau, olgeta provinsal gavman i mas mekim ol eria bilong ol olsem lokal-level gavman kaunsil long mekim na ol sevis i ken go long olgeta pipel.

Sauten Hailans provinsal gavman i bin putim K246,000 i go long wokim dispela nupela kaunsil semba.

Taim dispela semba na opis kompleks pinis wantaim haus bilong ol wokman. Dispela i ken halivim wok bilong ol opisa na ol kaunsela husat i wok ino gutpela ples tumas.

Sir Julius i tok long Julai 22, Provinsal Gavman Rifom bai i kamap wan yia nau. Anit long dispela rifom, memba bilong ol asem-bli, memba bilong nesenel palamen, memba bilong olpela provinsal gavman na memba bilong ol lokal gavman bai i kamap ful memba bilong provinsal asembli.

# Nipa Haiwe patrol bes gat nupela opis nau

PRAIM Minista Sir Julius i tok ol pipel i mas bihainim ol plisman long bringim ol trabelman i go long han bilong lo.

Em i tok ol pipel i noken larim ol trabelman i kontrolim laip bilong ol.

Sir Julius i bin givim toktok bilong em taim em opim nupela opis bilong Nipa Haiwe Patrol Bes long Sauten Hailans provins.

Dispela nupela i bin kamap anit long mani provinsal gavman i givim em K100,000.

Sir Julius i tokim ol pipel husat i bin kamap long dispela taim olsem dispela Nipa Haiwe Patrol bes i bin soim strong bilong em pinis. Em i save karimaut gutpela wok long lukautim gutpela ron bilong ol PMV kar na ol pipel husat i save raun i go-kam namel long Mendi taun na Tari. Dispela em i no wanpela liklik wok taim yu lukim 100 kilomita rot i stap.

Bipo long dispela haiwe patrol bes i bin stap, i bin gat planti trabel i save kamap long dispela han rot. I bin gat planti ripot long ol trabelman i hensapim ol PMV na stilim ol samting long ol manmeri.

Tupela ples we ol polis i painimaut pinis we planti trabel i save kamap em long Ambua-gep na rot bung bilong Poroma/Kutubu.

Praim minista i to olsem taim dispela polis haiwe patrol bes i kamap namba bilong trabel long dispela hap i go daun tru. Ol pipel i no poret moa long raun na mekim wok bisnis long dispela han rot.

Sir Julius i tok dispela olgeta wok i no bin kamap wantaim sampela kain hevi. I bin gat sampela dai tu i bin stap. Wanpela plisman i bin dai long 1994 taim ol raskol i bin sutim em long gan. Dispela em i wanpela bikpela trabel bikos plisman ya i bin dai taim em i bin mekim wok bilong em.





# Ol Sandaun asembli memba askim long provinsal baset

OL memba bilong Sandaun (Wes Sepik) Interim Provinsal Asembli i askim nau Sandaun gavman long tokaut long ol pipel sapos het opis long Waigani long Mosbi oraitim pinis provinsal baset.

Ol i tok Sandaun i putim wantaim o redim provinsal baset bilong en long klostu long pinis bilong las yia. Tasol i kam inap long pinis bilong las mun, provinsal baset i no kism yet tokorait bilong Waigani. Maski Sandaun i bringim pinis baset i go long kism tokorait moa long tupela o tripela taim.

Bihainim dispela askim bilong ol provinsal interim asembli memba, memba bilong Oksapmin, Ulivian Ameneng, i askim Gavana John Tekwie long tokaut gut long ol pipel bikos ol pipel i no kism yet stretpela toktok.

Em i tok ol pipel i wok long stap wantaim hevi na tu i wok long wet longpela taim tumas long lukim olsem baset bilong provins i kism tokorait i kam long Waigani.

Em i tok tupela bikpela sosel sevis we ol pipel i wok long bungim hevi long nau yet em helt na edukesen.

## FELIX RAMRAM i raitim

Mista Ameneng i tok baset bilong provins i kism longpela taim tumas long kism tokorait. Dispela i mekim ol pipel insait long ol distrik na ruel eria i bungim hevi bikos ol sevis bilong gavman i no go kamap long ol.

Memba bilong Aitape wes kos, Michael Sakelu, i tok Waigani i tok long salim provinsal mani plen (baset) i go bek long ol opisa na gavman long skelim gut baset. Bikos em i tok Sandaun gavmani nogat wanpela provinsal plen i stap long mekim olgeta wok i ken ron bihainim dispela plen aninit long rifom sistem.

"Sampela provins i go het pinis wantaim ol wok na plen bilong rifom sistem. Ol arapela provins, olsem Sandaun yet, i no mekim wanpela samting-ating as tru i bikos provins i nogat gutpela provinsal plen," Mista Sakelu i tok.

Gavana Tekwie i tok provinsal interim asembli olsem strongpela bilip bilong em i olsem olgeta provinsal na nesenel memba i mas sambai long karim hevi.

Em i tok asua i no stap long Provinsal Eksekutiv Kaunsil (PEC). Asua i stap long lokol edministresen long provins. Ol opisa i kism longpela taim tumas long redim baset bilong provins.

Wanpela bikpela samting Gavana Tekwie i tok i wok long holim bek baset long kism tokorait em ol opisa i no luksave na rausim K2.752 milien bilong Ruel Eksen Program (RAP) na putim i go stap long arere.

Em i tok ol opisa i putim dispela mani i go insait wantaim "prinsipal baset" we gavman i wok long wetim ol opisa long stretim.

Arapela samting em i tok i olsem aninit long rifom sistem, nesenel gavman i givim sampela samting na sevis olsem polis fos, sios helt sevis na edukesen i go long provins long lukautim.

Em i sutim tok i go tu long Fainens diaptmen long Mosbi long i no stretim ol yet. Na tu mekim gutpela wok long helpim ol arapela provins taim ol i bungim taim nogut long nogat saveman bilong mani i stap.

## Nupela Tok Pisin

Kontribusen-mani o ol arapela samting olsem klos na kaikai sampela lain i bungim wantaim long givim i go long arapela lain.

Daireksen-long givim gutpela na kliapela toktok o tingting long mekim mekim ol samting.

Sabsidi-helpim mani gavman i givim. Eksampel-gavman i givim skul sabsidi mani long ol papamama.

Edvaisa-man o meri bilong givim tingting Haia-antap moa, eksampel-haia edukesen i min olsem levul bilong

skul o edukesen we i antap moa long ol arapela.

Saspek-wanpela man o meri we polis i gat bilip i mekim rong.

Eksampel-polis i holim pasim wanpela saspek bilong stilpasin.

Bilding-haus o opis

Lika- kainkain bia

Treseri-bipo long olpela provinsal gavman sistem, opis bilong bosim mani

long ol provins ol i kolim fainens opis. Aninit long rifom sistem ol i kolim treseri.

Representativ-mausman o mausmeri Oval-pilaigraun

# Kalasin na Alok askim 18 opisa long soim piksa

## BEN TAUMAI i raitim

MADANG edministreta, Clant Alok, na Provinsal Polis Komanda, Sief Inspekta Robert Kalsim, i askim ol opisa bilong Polis na Korektiv Institusen Sevis (CIS) long Madang long yusim wanem samting ol i bin kism na lainim wanpela supavisen kos.

Dspela kos i bin stap inap long tupela wik.


Edministreta Alok na Sief Inspekta Kalasin i tokim dispela 18 opisa long noken haitim ol samting ol i kism na lainim long woksop. Bikos dispela i save kamap long planti pipel bihain long ol i kism kos na lainim ol samting long helpim ol long mekim wok bilong ol.

Tupela bikman ya i askim ol 18 opisa ya taim tupela i givim toktok long ol long pinis bilong dispela tupela wik kos. Sampela sinia opisa bilong tupela oganaisesen bilong ol opisa ya (Polis na CIS), husat i kamap na stap insait long bung bilong pinis bilong kos em Komanda bilong Madang haus kalabus-David Kambe, Inspekta Steven Kamea, Inspekta Joseph Noah, Inspekta James Kupi, Inspekta Tatenga na AusAID edvaisa Chris Coll.

"Yupela i mas amamas long yupela yet olsem ol polisman na polismeri o ol CIS opisa long wanem samting yupela i mekim. Na tu yupela i mas putim i go insait long wok bilong yupela ol samting yupela i lainim long kos yupela i kism", edministreta Alok i tokim ol dispela 18 CIS na polis opisa.

Sief Inspekta Kalasin i tokim ol sinia NCO olsem ol wokmanmeri bilong ol bai lukim ol olsem ol seksene het. Dispela i min olsem ol i mas mekim wok long gutpela na stretpela rot na pasin long soim gutpela piksa.

"Taim yupela i go aut bihain long dispela kos na bung na mekim wok bilong yupela, yupela bai bungim planti samting na hevi. Sampela bilong ol dispela samting yupela i gat save. Tasol yupela i mas yusim ol samting yupela i lainim long kos long winim ol dispela hevi," Sief Inspekta Kalasin i tokim dispela 18 opisa.



□ Edministreta Alok i katim kek long bung bilong pinis bilong kos.

Sajen Paul Mabe bilong Momase Trening Senta long Lae i tok astingting na ol i holim dispela woksop em long givim gutpela save na luksave long ol NCO long karim aut wok bilong ol.

Sajen Mabe i tok dispela em i namba wan taim long wanpela kain kos olsem i kamap long Madang. Na em i gat bikpela amamas long ranim kain kos olsem long helpim ol NCO long mekim wok bilong ol.

Em i kism helpim i kam long Inspekta Kamea na Inspekta Noah long ranim dispela tupela wik kos.

Komanda Kambe i tok dispela em i namba wan taim long Madang polis i helpim CIS. Na em i gat bikpela amamas long dispela na i givim tenkyu i go long AusAID edvaisa, Chris Coll, long lukim olsem dispela woksop i kamap long Madang.

Em i givim tenkyu i go long Komanda Kalasin long gutpela wokbung namel long polis na CIS. Na i askim long dispela wokbung i mas stap na go het yet.

# Gumine bai holim bai-ileksen

OL pipel bilong Gumine insait long Simbu provins i no long-taim bai makim nupela memba bilong ol long nesenel palamen taim bai-ileksen bilong Gumine ilektoret i kamap.

Dispela i bihainim disisen bilong wanpela lidasip traibunel long Julai 2 dispela yia long rausim memba bilong ol, John Nilkare, long 25 sas bilong yusim krangi pablik mani.

Wok i stap nau long han bilong Iktoral Komisn long stretim pepawok na tokaut long taim bilong holim dispela bai-ileksen.

Long las wik Fonde, Julai 4, 1996, Gavana Jenerel Sir Wiwa Korowi i sainim ol pepawok bilong rausim Mista Nilkare olsem nesenel

memba bilong Gumine long palamen.

Bihainim disisen na askim bilong lidasip traibunel long em i mas pinis long stap olsem nesenel memba bilong Gumine long palamen, Mista Nilkare i tokaut olsem em bai apil long dispela disisen.

Wanpela bikpela samting i olsem taim ol i rausim Mista Nilkare long nesenel palamen, em bai no inap holim wanpela pablik opis insait long arapela tripela yia. Na tu dispela i min olsem em bai no inap resisi long ileksen long Gumine ilektoret long arapela yia (1997).

Long Jun 27 long dispela yia, wanpela lidasip traibunel we Nesenel Kot Jas Robert Woods i go pas olsem siaman na tupela sinia Distrik Kot

majistret, Sere Seneka na Richard Koronai olsem memba, i painim Mista Nilkare i asua o brukim lo long yusim krangi pablik mani.

Ombudsman Komisn i sasim Mista Nilkare long 30 asua olgeta long yusim krangi pablik mani. Tasol traibunel i skelim dispela 30 asua na rausim 6-pela na sasim Mista Nilkare long 25 bilong dispela 30 sas.

Dispela 25 sas traibunel i sasim Mista Nilkare long yusim krangi pablik mani i kam aninit long Maina Transpot Program Fan, Ruel Transpot Asisten na Les Dvelop Eria Program Fan, Lokol Gavman Tait gran na ol arapela samting.

# Maski hatwok i lus, plen i go het

Long las wik, Wantok i tok olsem dispela haus long pote ya we i gat tupela klasrum i bin paia taim sampela man i kukim.

Wantok i bin tok tu olsem ol papamama na opisal bilong dispela nupela skul ol i kolim Sen Peter Torot long Kreer Haits insait long Wewak taun, Is Sepik provins, i sapos long opi skul ya long las wik Sande, Julai 7, long bikde bilong Santu Peter Torot. Tasol bikos tupela klasrum yai paia, toktok i no klia sapos ol papamama na skul opisal bai go het na opim skul.

Long dispela wik, Wantok i kism ripot olsem maskim tupela klasrum ya i paia, ol papamama na skul opisal i go het wantaim plen bilong ol.

Ol i bung long sait bilong tupela klasrum i paia long en na holim



bikpela bung na opim skul.

Planti papamama i bin kamap na stap insait long dispela bung. I bin i gat sampela tumbuna singsing grup i danis. Tasol wanpela samting we i

mekim bungim bilong opim skul i no luk gutpela tumas i olsem tupela klasrum ya i no stap long soim olsem ol i opim skul.


Dispela i brukim bel na tingting bilong planti papamama na ol

arapela pipel husat i bung.

I gat luksave i stap olsem i nogat wanpela stretpela toktok i kamap yet long husat i kukim tupela klasrum ya na bilong wanem as tru.



# Yu mas baim long 15t tasol!



# 15t tasol!



# 10t tasol!

Sapos ol i askim moa... go long narapela stoa!

## TU MINIT TINGTING


# HARIM!

LONG taim Jisas i tok piksa long fama i tromoi wit long gaden, em i pinisim tok olsem: "Man i gat yau, em i mas harim dispela tok." (L 8:8) Tasol Jisas i lukim ol disaipel i no klia long mining bilong tok piksa bilong em. Olsem na em yet i tok klia. (L 8:11-15)

Yumi inap lukim eksampel bilong dispela stori bilong Jisas long taim yumi go lotu long wiken. Tok bilong God i kamaut long maus bilong spika olsem ol sid wanpela fama i tromoim long gaden bilong em. Tasol em i pundaun long wanem kain graun? Yumi yet i dispela graun.

Ating sampela bilong yumi i strong olsem wanpela ston. Sid i pundaun antap long ston, tasol em i no inap go insait. Ston i strong tumas. Ating yumi tu i wankain. Yumi no laikim tok i kamap nau long yau bilong yumi. Ating tok ya i sutim yumi stret na yumi no laik. Ating yumi no sindaun olsem ol gutpela Kristen. Yumi manmeri bilong sin. Yumi save pinis tasol yumi no laik senisim laip bilong yumi. Olsem Sen Augustin i bin pre: "God Papa, mi laik kamap holi-tasol i no yet. Mi yangpela yet na mi laik pinisim laik pastaim. Bihain mi lapun pinis, orait, bai mi tanim bel." Ating yumi gat wankain tingting, laka?

Na i gat narapela kain Kristen. Yau bilong em i op, tasol sid bilong tok bilong God i pundaun antap long graun i no daun liklik. Em i olsem das tasol. Kain Kristen ya i save putim yau long tok bilong olgeta lotu tasol em i no bihainim wanpela. Tok i no gat rop i go daun insait long bel bilong dis-



FRANK MIHALIC i raitim

pela man/meri.

Olsem Jisas yet i tok: dispela kain Kristen i welkamim Gutnius wantaim amamas long taim em i harim namba wan taim. Tasol isi isi na bilip bilong em i ranawe olsem wara. Ating sampela tisa nogut i stiaim em kranki. Ating sampela bisnisman i skulim em long trik pasin. Ating em i laik winim bikipela mani hariap na olsem em i katim kona. Isi isi em i pasim yau long Gutnius.

Em i olsem sampela pipel bilong kantri Laplan. Wanpela saveman i bin kam na i laik skulim ol fri long pasin bilong wokim gutpela haus. Ol i bung long ples bilong miting tasol ol i no laik go insait long haus. Nau spika i kam ausait na i askim ol bilong wanem na ol i no laik kam insait. Na wanpela yangpela man i tok: "Ol pipel i laik

save bai ol i kisim hamas pe long harim toktok bilong yu." Na spika i kirap nogut na i tok, "Wanem! Mi mas baim ol long harim toktok bilong em? Em i wanem kain kranki tingting?"

Na yangpela man i bekim tok: "Long tingting bilong mipela, pasin bilong toktok toktok, em i samting nating. Tasol pasin bilong putim yau long planti toktok, em i hatwok. Orait, nau yu peim hamas?"

I tru, pasin bilong putim yau em i hatwok. Tasol planti pipel i mekim gut long wanem, bel bilong ol i olsem gaden i gat gutpela graun. Bel bilong ol i op long harim tok bilong God, maski em i kamap long wanem hap. Long olgeta moningtaim inap long 5-pela minit samting, ol dispela kain pipel i save putim yau long tok stia bilong God long dispela de. Ol i olsem pailot i kisim toksave long tawa bilong ples balus bipo em i tekov.

Olgeta de i olsem wanpela hap diwai nating: Saveman bilong sapim diwai em inap wokim naispela kaving long en. Wanpela liklik boi i lukim man ya i wok na em i askim em, "Papa, yu painim we dispela pes insait long dispela hap diwai?"

Na man ya i tok, "Mi no painim, mi yet mi sapim."

Olgeta de i olsem hap diwai nating, em i no gat pes bilong em yet. Nogat. Yumi yet i mas wokim pes. Yumi mas larim God i wokim wanpela naispela kaving long dispela de bilong yumi. Yumi mas putim yau long em tasol na bihainim tok stia bilong em.

## Ol Katolik tingim namba wan krismas bilong Blesed Peter ToRot


### VERONICA HATU-TASI i raitim

LAS wiken Sande long Julai 7, Katolik Sios long PNG i bin amamasim namba wan anivesari o krismas bilong Blesed Peter ToRot.

Dispela em i bihainim de we hetman bilong Katolik Sios long wol, Pop John Paul 2 i bin makim long las yia, taim em bin kam long luksave na holim lotu bilong dispela Tolai Katekis olsem de bilong tingim Blesed Peter ToRot.

Ol soldia bilong Japan i bin kilim Peter ToRot long Rabaul moa long 50 yia i go pinis. Dispela em long Wol Woa 2 taim em i wok olsem wanpela Katolik katekis namel long ol pipel long ples bilong em Rakunai, na ol arapela ples i stap klostu long Rakunai.

Na long mun Janueri long las yia (1995), hetman bilong Katolik sios long graun i bin kam long PNG long mekim bikipela lotu bilong Blesed Peter ToRot. Na Peter ToRot i kamap olsem namba wan man long PNG na



• Blesed Peter ToRot.

Pasifik rijon long kisim kain bikipela namba long Katolik sios.

Las wik wanwan Katolik peris insait long Mosbi i bin gat spesel lotu bilong tingim namba wan krismas bilong Blesed Peter ToRot.

Long Waigani na Hohola peris, wanpela grup i bin putim kamap pilai drama long laip bilong Peter ToRot.

Sista Joy long Katolik Asdaiosis opis i tok olsem long Waigani peris, ol bin putim

kamap pat wan o namba wan hap bilong pilai we i stori long laip bilong Peter ToRot. Dispela em long Sande moning.

Na long apinun, ol bin putim kamap namba tu hap long pilai drama long Hohola peris. Na long dispela wik Sande, ol bai putim kamap pilai long Holi Rosari peris long 6 Mail.

Pater Michael Igo i bin go pas long lotu bilong tingim namba wan krismas bilong

Blesed Peter ToRot long Santu Joseph's Katolik Sios long Is Boroko.

Long dispela taim tu, ol bin putim aut Blesed Peter ToRot Faundesen.

Gavana bilong Is Sepik, Sir Michael Somare long dispela taim i bin tok strong long Katolik Sios insait long PNG long sapotim dispela faundesen. Bikos long dispela taim, bikipela hap sapot i wok long kam long ol ausait kantri.

Sir Michael i tok em i sapotim faundesen bikos em i sanap long strongim bilip bilong ol Katolik manmeri na pikinini. Na tu i sapotim wok bilong ol sios woka. Papa bilong PNG i tok dispela faundesen i bilong mekim ol PNG i stap insait long wok bilong sios.

### Presesio kamap long Is Nu Briten

Long ples Rakunai yet insait long Is Nu Briten (asples bilong Blesed Peter ToRot), moa long 4,000 Katolik pipel i bin bung wantaim. Na stap insait long bikipela lotu bilong amamasim bikde long pikinini bilong ol.



## Turubu Katolik peris gat tripela as long amamas

SANTU Peter Channel peris long Turubu, ausait long Wewak, Is Sepik provins i bin holim bikipela lotu na amamas stret long Sande Jun 16, 1996.

Na moa long 1,000 manmeri na pikinini i bin kam long ol ples klostu. Na amamasim tripela samting.

Namba wan em long amamasim fis de bilong Santu Peter, husat em peris i kism nem bilong em. Namba tu em long tingim 100 yia bilong Katolik sios i stap insait long Papua Niugini. Na namba tri em long 65 yia bilong Katolik sios i go insait long Turubu peris.

Pater Henry Soe'llrer na Cherobin i bin go pas long dispela lotu.

Long taim bilong lotu, ol Kep Yut na planti arapela manmeri i bringim tupela pater long singsing tumbuna ol

i kolim Tangbal. Na yut bilong Bungain i bringim Baibel. Na yut bilong Taul Sinapla i bringim ofa i go antap long alta.

Haus lotu i bin pulap nogut tru long ol Katolik manmeri na pikinini.

Ol Katolik manmeri i kam long ol eria olsem Sera, Namarep, Kamasau na insait ples bilong Turubu eria i bin kamap long dispela lotu.

Bihain long lotu, kankain samting i bin kamap olsem plai drama, musik na danis, tumbuna singsing na sampela moa.

I bin gat tupela singsing grup i kamap na meknais long peris wantaim bilas bilong ol. Ol pipel bilong Kep Turubu i kamap wantaim singsing Dan Waron. Na ol pipel bilong Bungain i kamap wantaim singsing Woma.

## Kristen Pres helpim plis long Madang

OL plisman long Madang i bin kism helpim wantaim sampela pepa na ol samting olsem bilong mekim wok i kam long Kristen Pres long pinis bilong las mun, Julai. Kos bilong ol dispela samting em K600.

Kristen Pres em Evanjelikel Lutheran Sios bilong Papua Niugini i papa long en. Na save saplaim ol lotu samting olsem buk. Kristen Pres save saplaim tu ol arapela samting olsem pen, pensel, buk, folda na sampela moa.

Na em i givim dispela helpim long plis, bihainim wanpela askim bilong Kriminal Investigesen Yunit (CID), Madang. Dispela askim i kam long plisman husat i bosim CID, Steven Kamea.

Inspekta Kamea i bin tingting long askim ol bisnis long saplaim ol wok samting olsem pepa bilong taipim ripot, pepa bilong rait, na folda, bihainim tokorait i kam long provinsal plis komanda, Sief Inspekta Robert Kalasim. CID Yunit i laikim hariap ol pepa samting long pinisim hariap ripot bilong ol bikipela Nesenel Kot ripot bipo long pinis bilong dispela mun, Julai.

Inspekta Kamea i amamas tru. Na tenkim Kristen Pres long dispela helpim. Em i tok wantaim ol dispela pepa na folda, ol wokman meri bai wok hariap nau long pinisim olgeta ripot bilong bipo long mun Julai i pinis.



• **Provinsal plis komanda bilong Madang, Robert Kalasim wantaim Inspekta Steven Kamea na Dennis Brown bilong Kristen Pres na ol arapela plisman i soim ol pepa na folda em Kristen Pres i givim.**

## Fiji mejistret sutim tok long Metodis sios long raskol pasin

SIEF mejistret bilong Fiji, Sekove Nagiolevu i bin sutim strongpela tok i go long Metodis Sios long Fiji long ol hevi bilong lo na oda i kamap bikipela nau long hap.


Mejistret Nagiolevu i bin mekim dispela toktok long las wik. Dispela em long wanpela Baibel wik program we i bin kamap long

Yunivesiti ov Saut Pasifik long biksiti bilong Fiji, Suva.

Em i tok planti man husat i mekim raskol pasin long Fiji em ol memba bilong Metodis Sios. Na dispela i putim bikipela askim long wanem samting Metodis Sios i mekim nau long helpim daunim ol dispela hevi.

Em i tok famili laip long Fiji, moa yet, dispela bilong ol asples Fiji, i wok long bungim bikipela hevi. Long wanem ol papamama i no givim gupela toktok i go long pikinini bilong ol. Na kikbek bilong dispela em planti yangpela man nau i wok long brukim lo na oda.

# Katolik komisen skulim pipel long votim gutpela gavman



• **Ilektrel Komisina Reuben Kaiulo (long Iephan) i kism dispela kempen buk long tokpisin, we i skulim ol pipel long votim gutpela stretpela lida long 1997 nesenel ileksen. Man husat i givim dispela buk long Mista Kaiulo em opisa bilong Katolik Komisen bilong Jastis, Pis na Dvelopmen, husat i go pas long kempen ya.**

Poto: Ivan Bayagau.

KATOLIK Komisen bilong Jastis, Pis na Dvelopmen (CCJPD) i statim pinis wanpela aweanes program bilong skulim ol pipel long votim ol stretpela lida long 1997 ileksen. Dispela program i bin stat long las wik.

Ileksen bai kamap long mun Julai, 1997.

Astingting long dispela aweanes program em long skruim save bilong ol grasrut na ol arapela pipel bilong kantri long bihainim ol stretpela rot, na tu long abrusim rot we sampela kendidet i ken mekim long paulim ol long pulim vot.

I gat wanpela liklik buk we i stori long tokpisin wantaim sampela drawing o katum we i tokim ol pipel long luksave long rait bilong ol olsem ol pipel bilong PNG. Na yusim dispela rait long ileksen taim. Na votim gutpela gavman.

Peter Maime bilong CCJPD i tok klia olsem long ol arapela ileksen bipo, planti lida i save paulim tingting bilong ol pipel long givim vot long ol. Ol i save givim ol mani na ol arapela samting moa bilong grisim ol man.

Olsem na dispela aweanes we komisen i karimaut long olgeta hap bilong kantri i bilong kliam tingting bilong ol pipel. Na ol bai abrusim ol gris tok-tok na save long gutpela rot bilong bihainim long taim bilong ileksen.

"Mipela i laik skulim ol pipel na ol bai i save long rait bilong ol. Ol lida na wanwan man i mas soim rispek long rait na fridom bilong wanpela na narapela. Na tu o lida i noken

Em i tok tu olsem ol meri i laikim ol gutpela Kristen lida husat i luksave long God.

Miriam i tok taim wanpela lida i laik bihainim stretpela rot, em i save stap bikos long ol kain toktok we ol arapela lida i tromoi i go antap long en. Olsem na em i bin singautim strong ol lida long bihainim dispela bilip we ol pipel husat i votim ol i putim i go antap long ol.

Bosman bilong Ilektrel Komisen, Reuben Kaiulo i bin tok amamas long CCJPD long putim aut dispela aweanes program. Long wanem dispela bai skulim gut ol pipel long rot bilong nesenel ileksen. Na tokaut olsem opis bilong em bai helpim ol kain grup olsem.

"Bikipela pret bilong mipela em ol gan, pistol na ol masket samtingem ol pipel i ken yusim, "Mista Kaiulo i tok. "I gan samting i stap long olgeta hap. Ol i stap long han bilong ol politisen na ol sapota bilong ol."

Tasol i mas gat rot long lukautim o stapim ol pipel yusim gan bipo long ileksen i kamap long neks yia.

Komisen wantaim wokbung bilong em long Katolik Sios na ol daosis bai karimaut dispela aweanes long olgeta hap bilong PNG. I gat pinis ol ileksen posta na piksa wantaim tu wanpela vidio piksa we i soim paul pasin hia long kantri em ol lida i save mekim. Dispela em i hap aweanes wok bilong komisen.

### VERONICA HATUTASI i raitim

pasim tok long baim ol man wantaim mani na ol arapela samting long winim vot," Mista Maime i tok.

Mista Maime i tok moa olsem ol pipel i gat rait long gat ol gutpela na strongpela lida wantaim gutpela gavman, we bai sanap makim maus na laik bilong ol. Na long wankain taim tu, ol i gat rait long lukim olsem dispela kain gavman i wok gut na stap.

Bos bilong Ombudmen Komisen, Simon Pentanu i bin tok olsem Papua Niugini i gat planti lida i

stap. Tasol bikipela askim em sapos dispela ol dispela lida bai go pas gut long ol pipel bilong dispela kantri.

"Sapos yumi pilim olsem ol lida i no mekim gutpela wok tumas, watpo na yumi go het na votim ol?" Mista Pentanu i askim olsem.

Wanpela meri lida, Miriam Mio-he husat i wok long Invesmen Promosen Atoriti i bin toktok long ol hevi we ol meri long kantri i bungim tude. Na askim ol lida long luksave na helpim hevi insait long wanwan famili.

**SOME PEOPLE DON'T TAKE STUDYING BY MAIL SERIOUSLY**

Some people believe that you cannot get a good education through distance education. Some people believe that, because you are getting your education through a correspondence school, you don't have to work for your diploma or your degree. Some people confuse "phony degree mills" with legitimate distance-education schools. If you are one of these people, don't read any further.

ICS is looking for people who take their education SERIOUSLY, whether attending a traditional college or studying by mail. We are looking for people who will apply themselves and work hard to get the full value of the training that ICS offers. Diplomas and Degrees are issued upon successful completion of a program accredited by the Distance Education and Training Council... your guarantee of a quality education. If you take your education seriously and want to train for a new career or improve your job skills for advancement in your present job, ICS may have the right career training for you. Choose from 55 career programs listed below. Select the one career field you would like to train for and indicate that choice in the coupon below. Cut out this ad and mail it to ICS TODAY. We will send you a detailed program outline and tuition schedule by return Airmail. There is no obligation.

**SEND FOR FREE FACTS—NO OBLIGATION**

**ICS LEARNING SYSTEMS** International Correspondence Schools, Dept. TTS86  
Box 1900, Scranton, PA 18501-1900 U.S.A.

http: www.icslern.com CAREER DIPLOMA PROGRAMS

<p><i>The World's Recognized Leader in Home-Study Training for More Than 100 Years.</i></p> <p><b>ASSOCIATE IN SPECIALIZED BUSINESS DEGREE PROGRAMS</b></p> <p>60 Business Management 61 Accounting 80 Business Management with option in Marketing 81 Business Management with option in Finance 64 Applied Computer Science 68 Hospitality Management</p> <p><b>ASSOCIATE IN SPECIALIZED TECHNOLOGY DEGREE PROGRAMS</b></p> <p>67 Electronics Technology 63 Civil Engineering Tech. 62 Mechanical Engineering Tech. 65 Electrical Engineering Tech. 66 Industrial Engineering Tech.</p> <p><b>Get FREE Information—MAIL ENTIRE AD TODAY OR FAX TO 717-343-8462</b></p> <p>Write the number of the one career that interests you _____</p> <p>MR / MRS / MISS _____ AGE _____</p> <p>ADDRESS _____</p> <p>CITY _____ POSTAL CODE _____</p> <p>COUNTRY _____ PHONE _____</p>	<p>01 Computer Programming in BASIC 07 U.S. High School Diploma 02 Electronics 05 Hotel/Restaurant Management 13 Professional Secretary 35 Travel Agent 14 Air Conditioning &amp; Refrigeration 32 Art 59 Catering/Gourmet Cooking 23 Medical Office Assistant 51 Fashion Merchandising 33 Motorcycle Repair 52 Surveying &amp; Mapping 22 Wildlife/Forestry Conservation 47 Animal Care Specialist 89 Small Engine Repair 08 Legal Assistant 48 Computer-Assisted Bookkeeping 42 Dressmaking &amp; Design 87 TV/VCR Repair 04 Auto Mechanics 12 Interior Decorating 18 Bookkeeping</p> <p>06 Electrician 03 Child Day Care 38 PC Specialist 29 Police Sciences 10 Private Security Officer 55 Diesel Mechanics 94 Fitness &amp; Nutrition 85 Drafting 41 Journalism/Short Story Writing 40 Photography 70 Computer-Assisted Small Business Mgmt. 79 Electronics Technician 25 Gun Pro 27 PC Repair 26 Teacher Aide 30 Floral Design 39 Medical Transcriptionist 15 Home Inspector 24 Dental Office Assistant 31 Locksmithing 72 Appliance Repair</p>
--	---

**ICS ACCREDITATIONS AND APPROVALS**

ICS is an accredited member of the Distance Education and Training Council in Washington D.C. and is licensed by the Pennsylvania State Board of Private Licensed Schools. ICS Learning Systems has been reviewed and approved as a Certified Provider of continuing education and training programs by the International Association for Continuing Education and Training.



# Lewin famili bilong Australia tingim Madang haus sik

**BEN TAUMAI i raitim**

YU ting wanem long wanpela man o meri long arapela kantri i kam na wok hia long Papua Niugini long sampela yia. Na bihain i pinia na go bek long kantri bilong em na i dai.

Tasol ol lain bilong dispela man o meri i tingim yet wanem hap em i bin wok na i givim sampela samting i go long dispela kantri long soim olsem ol i tingim yet dispela kantri bikos em wanpela lain bilong ol i bin wok long hap.

Dispela kain samting o pasin i bin kamap long Madang provins klostu long pinis bilong las mun. Dispela em taim famili bilong olupela pisioterapis bilong Madang Jenerel Hausik, Debbie Lewin, i givim wanpela kain masin ol i kolim Ultra Sound Masin i go long Madang hausik.

Menesa bilong Australia Voluntia Asosiesen long Kwinslan long Australia, Jenny Davidson, klostu long pinis bilong las mun i bin kam long PNG long stap insait long wanpela miting long Goroka long Isten Hailans provins.

Taim Mis Davidson i laik kam long PNG, famili bilong leit Lewin i askim em long kisim dispela masin i kam wantaim em. Na bihain long miting bilong em long Goroka, em i ken go daun long Madang na givim masin ya i go long Madang hausik.

Mis Davidson i yesa long askim bilong famili bilong leit Lewin na kisim dispela masin i kam wantaim em. ] Bihain long miting long

Goroka, em i kisim balus na kisim dispela masin i go daun long Madang na givim i go long siaman bilong bod bilong Madang Hausik, Al Leong.

Taim em i givim dispela masin i go long Mista Leong, Mis Davidson i tok famili bilong leit Lewin i donetim ol samting i go long olgeta hausik insait long wol we em (Lewin) i bin wok pastaim long em i dai.

Leit Debbie Lewin i bin dai long stat bilong dispela yia long Afrika taim wanpela bikpela spaida i kaikaim em.

Em i wok long Madang long 1991 na 1992.

Mis Davidson i tok olsem Debbie Lewin i bin wanpela gutpela na smatpela meri husat i save wokhat. Na tu i save givim fri taim bilong em i go long wok bilong em long helpim ol sikman na meri.

Taim em i kisim dispela masin long Mis Davidson, Mista Leong i tok emi bin lukim Debbie Lewin olsem wanpela meri bilong wokhat.

Na tu i save mekim wok long lukim olsem wok bilong em i karim gutpela kaikai.

Mista Leong i tok em i kalap nogut long kisim nius olsem Debbie Lewin i lusim laip bilong em.

"Em i bin wanpela meri bilong wokhat tru na i save givim taim bilong em yet long wok bilong em wantaim ol sikman na meri na pikinini.

Em i bin givim tu planti taim long trenim ol wokmanmeri long promotim rihebiltesen insait long ol distrik", Sista Judith Aupae,



□ Mis Davidson i givim dispela Ultra Sound masin i go long Mista Leong. Sanap long lephan em Dokta H. Taitarea Sief Eksekutiv Opisa (CEO) bilong haus sik.

wanpela sista husat i bin wok moa klostu wantaim Debbie Lewin i tok.

Dispela masin we famili bilong Debbie Lewin i givim em masin Lewin i bin yusim pastaim long em i lusim laip bilong em.

Madang hausik bai yusim dispela masin long patolosi seksen.

Mista Leong i tok ol bai putim wanpela mak long hausik long soim wok Debbie Lewin i bin mekim long hausik.

Na Mista Leong i askim Mis Davidson long tokim famili bilong Lewin olsem Madang Jenerel Hausik bai givim luksave long wok bilong Debbie Lewin.

## Ol lida mas kisim mekimsave tu

LIDASIP traibunel i tok olsem Mema bilong Gumine, John Nilkare, i mekim planti rong pasin taim em i bin stap olsem minista. Mi tok amamas long Ombudsmen Komisnin na ol loya husat i wokim wok painimaut long kamapim dispela.

Sapos i no bin i gat dispela wok painimaut, nogat wanpela man bai save long ol dispela rong.

Wok bilong Lidasiip Traibunel i pinis nau. Ol i tokaut long rong bilong lida na ol i ken tokaut long sampela rot bilong stretim dispela rong. Tasol ol yet i no inap mekimsave long dispela lida.

Palamen o praim minista yet i mas kisim toktok bilong Lidasiip Traibunel na askim Gavana General long givim mekimsave long dispela lida nau.

Mani em kot i tok Mista Nilkare i bin yusim nem na opis bilong em long yusim long pasin i no stret, em klostu K690,000. Planti bilong ol dispela rong i bin kamap long 1992. Klostu 5-pela yia nau na traibunel i kamap.

Longpela taim tru. Long las palamen wankain pasin i bin kamap long deputi praim minista long dispela taim, Ted Diro. Praim Minista, Rabbie Namaliu, i askim Gavana Jenerel, Sir Serei Eri, long rausim Mista Diro.

Tasol Sir Serei i no laik rausim Mista Diro. Nau Mista Namaliu i askim Kwin long

**OPIM AI**  
wantaim  
**JOE KAU**



rausim Sir Serei olsem gavana general. Taim askim bilong Praim Minista Namaliu i go yet long Kwin, Sir Serei yet i risain.

Planti askim i bin kamap long bilong wanem na Sir Serei i no laik rausim Mista Diro.

Planti bekim i kamap. Tasol wanpela we i kamap klia em bikos Sir Serei em i pren bilong

Mista Diro na tupela i bin stap long wanpela pati. Mi no ting wankain pasin bai kamap nau long Mista Nilkare.

Ating sapos praim minista i askim Sir Wiwa, em i mas painim tokorait long rausim Mista Nilkare.

Na olsem wanem long ol arapela memba o minista husat i mekim wankain pasim olsem Mista Nilkare. Tasol Ombudsmen Komisnin i na wokim wanpela wok painimaut? Ating rong em sampela bilong ol i mekim i winim ol rong em Mista Nilkare i mekim?

Ombudsmen Komisnin i no inap mekim wanpela wok painimaut inap long taim ol i kisim wanpela komplei. Sampela taim ol yet tu i ken mekim wok painimaut sapos ol i harim olsem i gat ol dispela rong pasin i kamap.

Olsem na tingting gut long nesenele ileksen bai kamap neks yia. Yumi mas makim ol lida husat bai tingim ol pipel. Yumi mas makim ol lida husat i ken yusim nem na opis bilong ol long helpim ol pipel.

## Noken bagarapim ol samting long Wewak taun

LONG Jun 28 long dispela yia, mi bin lusim Mosbi na i go long Wewak. Mi go stap na long apinun wanpela perendo bilong mi i kisim mi na mitupela i limlimbur i go antap long Kreer Haits long apinun.

Mitupela i go antap long Kreer Haits na em i soim mi long wanpela nupela komyuniti skul. Dispela nupela komyuniti skul i gat wanpela haus. Dispela haus i gat tupela klasrum.

Perendo ya i tokim mi olsem nem bilong dispela komyuniti skul em Sen Peter Torot.

Em i tokim mi olsem dispela komyuniti skul em i hap bilong Sen Mary's Komyuniti Skul.

Mitupela limlimbur i go tudak na mitupela i go long haus bilong wanpela wantok Sepik. Wantok ya em i wanpela loya.

Mitupela i sindaun kaikai buai na tro-moi Tok Pisin i go i kam na sampela yangpela boi i kam na tokim mipela olsem sampela manki i kukim komyuniti skul.

Em nau perendo bilong mi ya i askim ol manki ya long wanem komyuniti skul. Na wanpela bilong ol dispela yangpela manki i tok Sen Peter Torot.

"Se, nau tasol long apinun mi wantaim perendo ya i raun i go olsem na em i tokim mi long dispela skul ya. Na nau yupela tokim mi olsem sampela lain i kukim dispela haus we i gat tupela klasrum," mi tokim ol wantok we mipela i tok long stori wantaim.

Mi ting olsem i no trupela. Long Sarere moning mi wantaim perendo ya i go na kalap nogut olsem haus i paia olgeta na ol kapa i slip sofe long graun.

Tru tumas, em Sepik ya, hau bai yu save. Bikos Sepik i pulap long kankain manmeri-ain manmeri, bisnis manmeri, saveman na savemeri, politisen na planti moa.

Nogat wanpela bai daunim em yet. Nogat. Olgeta i wankain tasol na i save olgeta samting.

Tasol wanpela askim i mas stap olsem: Watpo bagarapim ol sevis bilong gavman olsem haus sik, skul, opis na ol arapela samting?

I no ol gavman sevis tasol. Ol arapela sevis tu we ol praivet sekta i putim kamap long givim helpim. Pasin bilong

**TOKPISIN**  
**TASOL**  
wantaim  
**GODFRIED YASSAFAR**

bagarapim ol samting bai no inap kamapim wanpela gutpela samting long komyuniti. Bai nogat ya-kabuk mule stret.

Ol pipel bilong Is Sepik i save tok provins bilong ol i bagarap-bikpela tru em Wewak taun.

I gutpela olsem ol i mas askim ol yet: Husat i bagarapim taun?

Sapos ol i opim ai bilong ol na lukluk gut na tu klinim tingting bilong ol na tingting stret, ol bai luksave olsem ol yet i bagarapim taun bilong ol.

I no ol lain long ol arapela provins. Nogat. Ol Sepik yet i bagarapim taun bilong ol.

Wanpela bikpela asua i stap long ol Sepik em ol i no save long lukautim ol samting na sevis gavman i givim ol. Save bilong ol long lukautim ol samting na sevis i liklik tumas. Na save bilong ol long bagarapim ol samting na sevis i moa moa yet.

Olgeta yia gavman i traिम long stretim taun, ol i go het long bagarapim. Ol askim bilong gavman na ol arapela atoriti long ol pipel long lukautim taun i go popaia nating. Gavman na ol arapela atoriti i no kisim gutpela ansa long askim bilong ol.

Nau Wewak taun i go bagarap olgeta. Ating planti Sepik bai egensim mi long tok olsem. Tasol planti arapela bai wanbel long dispela hap tok long taun i bagarap.

Wewak taun i no moa luk olsem wanpela taun. Tasol i luk moa olsem wanpela olupela gavman distrik. Planti gavman opis i luk nogut. Bikpela bus na gras i pulap long ol sait bilong rot. Ol pipia i pulap long ol kona bilong taun. Planti gavman haus i kamap olsem ol haus bilong ples.


Tasol yet ol pipel i wok long tok olsem taun bilong ol i orait. I nogat bikpela hevi bilong lo na oda. Ol samting na wol ron gut.

Mobeta gavman bilong Gavana Somare i mas wokbung nau wantaim ol arapela atoriti na praivet sekta long stretim Wewak taun.

Em i taim nau ol i mas tingting long stretim taun. Dispela i min olsem ol i mas putim wok politik long arere na sindaun na paitim toktok long stretim taun.



# SUPREME GUTPELA PRAIS



# YU GAT PINIS!



## Islands Business pablisa winim top Fiji Media awod

PABLISA bilong *Islands Business Magazine*, Robert Keith-Reid i kisim top namba olsem niusman bilong yia long Fiji Media Awod long las wik Sarere. Prais bilong Keith-Reid em long go trening wok wantaim wanpela niuspepa long Ostrelia.

Keith-Reid i kisim tu niuspepa na megesin disain awod long nem bilong *Islands Business*, *Fiji Times* i ripot olsem.

Review Magazine pablisa Yashwant Gauder na sinia ripota bilong em, Josefa Nata i kisim gutpela tok amamas olsem ol top niusman meri bilong yia. Na Shailendra Sing bilong *Review* winim spot niusman bilong yia awod.


*Fiji Times* i winim 6-pela prais olgeta long Media Awod nait, we i winim ol arapela nius ogepaisesen. I gat 25 prais o awod olgeta.

Deputi sief of staf bilong *Fiji Times*, Yunus Rashid winim megesin niusman awod bilong yia. Riyaz Khaiyum bilong TV One i winim televisen niusman awod. Katolina Lewatu bilong Redio Fiji i winim redio niusman awod bilong yia. Na Ofa Kaukimoce i winim awod long putim wantaim ol top redio program.


Long nait bilong kisim ol awod, dairekta bilong pablik prosekyusen, Nazhat Shameem i toktok long wok bilong ol niuspepa, redio na televisen. Em i tok sampela ripot long ol kot i no stret na i wansait.

Na i askim ol nius ogepaisesen long trenim gut ol niusman meri bilong ol long mekim ol kot ripot.

PACNEWS



• Sir Michael Somare ... givim moa pawa i go long Bogenvil na mekim provins i kamap olsem wanpela stet.



• Rijonal memba bilong Bogenvil, John Momis ... tingting bilong Sir Julius em i gutpela.



• Praim Minista Sir Julius Chan ... mi redi long traime dispela rot sapos pipel bilong PNG i redi long en.

# Sir Julius autim tingting bilong givim moa pawa long Bogenvil

OPOSISEN lida Roy Yaki i no wanbel long tingting bilong Praim Minista Sir Julius Chan. Dispela em long givim moa pawa i go long Bogenvil bilong ranim provins na pipel bilong em.

Mista Yaki i tok dispela tingting we gavman i laik givim long Bogenvil i no gutpela. Bikos em bai brukim Papua Niugini i go wanwan.

Na tu dispela kain tingting bai mekim BRA i tingting olsem ol i winim pinis dispela pait long Bogenvil ailan long independens.

Oposisen lida i tok dispela tingting i no gutpela long wanpela man tasol long mekim Na i singautim gavman long putim

dispela tingting bilong em long pfoa bilong Palamen. Na olgeta memba i ken givim tingting bilong ol long en. Na wanem tingting Palamen i kamap wantaim, gavman i ken bihainim, Mista Yaki i tok olsem.

"Kwesten bilong givim moa pawa (autonomi) i go long Bogenvil em i bikpela samting long pablik hia long kantri. Olsem na gavman i mas kirapim wanpela Palamen Sele Komiti long lukluk long dispela samting long kamap wantaim ol tingting we gavman na Palamen i ken glasim na bihainim," Mista Yaki i tok.

Em i tok strong tu long gavman bilong Sir Julius na Haiveta long noken yusim Bogenvil olsem politik toktok long apim nem bilong tupela long 1997 nesenel ileksen.

Long dispela wik Tunde, Sir Julius i bin tokim Seven Network televisen stesin bilong Ostrelia olsem gavman bilong em bai glasim na lukluk gut long givim moa pawa i go long Bogenvil. Dispela em long traime pinisim hevi we i go het long ailan long 8-pela yia nau.

"Mi redi long traime dispela rot olsem piksa sapos gavman na pipel bilong PNG i wanbel long en," Sir Julius i bin tok.


Gavana bilong Is Sepik na namba wan praime minista, Sir Michael Somare i bin tokim tu Seven Network olsem PNG gavman i mas glasim na senisim we em i lukim Bogenvil na hevi long hap. Na rot long stretim dispela hevi em long givim moa pawa i go long Bogenvil na mekim provins i kamap olsem wanpela stet i lukautim em yet wantaim ful pawa i go long en. Tasol Bogenvil i mas stap aninit yet long PNG. Eksampel em i givim em long Kuk Ailans wantaim Nu Silan. Na dispela i wok gut tru, Sir Michael i tok.

Rijonal memba bilong Bogenvil, John Momis i wanbel tu long tingting bilong Sir Julius.

Mista Momis i tok tingting bilong Sir Julius i gutpela. Bikos dispela em i wanpela rot tasol long traime daunim dispela hevi long Bogenvil.

Olsem na em i singautim ol pipel bilong PNG long sapotim gavman long dispela tingting bilong praime minista.

## Amnesti Intanesenel no wanbel long PNG gavman



• Kerry Brogan bilong Amnesti Intanesenel ... sapos grup bilong em i go long bikailan Bogenvil, em inap painimaut moa long planti pasin bilong bagarapim pipel na kilim man nating.

AMNESTI Intanesenel i tok gavman bilong Papua Niugini i mas larim ol humen rait grup i go insait long Bogenvil. Na lukluk long ol bagarap samting i kamap long laip na sindaun bilong ol pipel. Bikos em i bilip i gat ripot bilong sekyuriti fos, BRA na ol resisten paitman i no respektim rait na fridom bilong ol pipel long ailan.

Amnesti Intanesenel em grup we i save toktok strong long rait na fridom bilong ol pipel long wol.

Kerry Brogan, wanpela wokmeri bilong Amnesti Intanesenel i bin stap 11-pela de long Buka stat yet long Jun 15 i kam inap long namba 25 de long kisim ripot bilong ol bagarap we ol sekyuriti fos, ol resisten grup na ol BRA i kamapim long ol manmeri na

pikinini long Bogenvil.

Bikos long stap bilong em long Bogenvil i no orait na "Operesen High Speed" bilong ol sekyuriti fos i go het nau long ailan, ol atoriti i no bin larim Mis Brogan na arapela wanwok bilong em i go long bikailan Bogenvil long kisim ripot.

Tasol em na wanwok bilong em i wokhat na kisim sampela ripot long sait bilong ol birua grup olsem sekyuriti fos, ol resisten paitman na BRA long kilim indai man.

Sampela samting em Mis Brogan bai ripot long en em :

- Kilim dai man na ol man i lus. Long Buka Ailan, grup i bin painimaut olsem wanpela man i lus yet. Na plis i sutim nating na kamapim bagarap long ol man em ol i bilip i toktok wantaim BRA;

- Ol sekyuriti fos memba (plisman na soldia long ailan) i holim pasim ol man wantaim nogat gutpela as long rong ol i mekim. wanpela eksampel long dispela em long sekyuriti fos i bin holim pasim na putim long sel tupela bikman bilong Buka. Em long olupela Bogenvil edministreta, Sam Tulo na man i go pas long kamapim gutpela sindaun long ailan, James Togel long mun Epril bilong dispela yia; na

- Paitim nogut ol man o mekim nabaut long ol liklik asua olsem brukim kefiu aua o taim tambu, dringim hombru o bia em ol yet i wokim, na tu wokabout wantaim nogat tokorait pepa.

Wanpela eksampel Mis Brogan i bin tokaut long en em long ol sekyuriti fos i tokim sampela meri long swim o mekim nabaut long ol bikos ol no soim gutpela (muwmen pas) pepa bilong taim tambu.



## GOROKA SO 1996

Plen longwe yet long 1996 Goroka So: So bilong dispela yia bai bikpela moa na tu moa gutpela. Mipela bai bung wantaim long soim amamas bilong mipela long kalsa bilong mipela. Bai i gat tu ol gutpela komesel, agrikalsarel na indastriel samting i stap long ol pipel i ken lukim na kisim gutpela save. 1996 So Sosaiti i invaitim ol pipel long pablik long dispela bikpela impoten kalsarel bung, we i gat luksave i stap olsem i bikpela kalsarel so insait long PNG.

Goroka So i spesel na narakain bikos long ol samting i save kamap long so.

Dispela yia, Isten Hailans So Sosaiti bai selebretim namba 20 anivesari bilong Goroka So o 40 krismas bilong so long kamap na stap bihain long so i bin stat long 1956.

Long So bilong dispela yia, bai i gat Papua Niugini Kalsarel Nait long Septemba 15. Sampela samting we bai kamap long dispela taim em:

- \* Kaikai na daunim kanda Goroka EHP
- \* Asaro graunman bilong Goroka EHP
- \* Tolai Dukduk Danis bilong ENBP
- \* Baining Paia Danis bilong ENBP
- \* Nu Ailan Malagan Danis bilong NIP
- \* Mid Waghi Karim Lek
- \* Karuba Moro Ploa Danis bilong Lake Kutubu SHP
- \* Gogodala Danis bilong WP
- \* Hailans Tredisenel Initiesen
- \* Mis Nesenel De Isten Hailans
- \* Masta Nesenel De Isten Hailans
- \* Hailans Tredisenel Kaikai

Invaitesen i op long ol grup husat i gat laik long rejistaim singsing, kaikai stol, komesel stol na ben grup bilong ol.

Rejistresen bai pinis long Ogas 15, 1996. Ring o rait long: P O Box 984, Goroka, Telipon: 732 3366, Feks: 732 3365 o yu ken kam na lukim mipela long Invesmen na Turisim Opis long Goroka we i stap long olupela Talair Opis long Goroka ples balus.



# PNG LAIPSTAIL



□ Kanage em i wanpela man Sepik. Wanpela taim em i go lokol turis long Wabag. Na bungim wanpela man Wabag na tupela stori long rijon bilong tupela, Hailans na Momase.

Tupela stori i go na Kanage kirap askim poro Wabag ya: Yupela hailans i gat hamas provins? Wabag i bekim na tok: Mipela i gat 4-pela provins tasol. Na Kanage i bekim: Harim em i no inap. Mipela Momase i gat 5-pela provins. Em Morobe, Madang, Is Speik, Wes Sepik na Pasifik. Mipela i winim yupela, yu harim.

Poro Wabag i harim olsem na bekim isi tasol: O em i stret, mi lus tingting long Pasifik.

Kanage kirap na tingting tasol olsem, man mi giamanim poro long Wabag na em ting olsem Pasifik em i wanpela provins tu ya. Em smail isi tasol na go painim ol meri Wabag.

Luke Felix  
MT HAGEN

■ Kanage save makim stret wanpela yangpela wokmeri. Em save askim laik, tasol meri ya i no save tok yes long em. Tasol em i no wari, em save putim skin yet.

Mekim i go na wanpela de em raitim pas long meri ya. Na meri ya i lukim na sore tru long Kanage. Orait em bekim leta olsem tupela i ken boipren na gelpren.

kanage lukim dispela leta na lewa bilong em i pas olgeta. Bikos olgeta nait bipo long em i slip, em save beten olsem Bikman mas helpim bai em kisim meri ya.

Wanpela nait em painim hat stret long slip. Em tingting tasol long meri ya. Mekim na biknait em kirap sindaun na raitim pas long meri ya olsem: Darline, you just save my life because I nearly kill myself for you. If you marry to me, I will see that you are mine forever. Nothing will take you away from you.

I am not that handsome as your boyfriends. But I will take good care of you. Your kapupu will be a music, your susu will be my melody, and your mouth will be my bubble gum, because I do not chew buai.

John William  
MOSBI

□ Kanage i go raun long ples bilong ol nil pis (Nu Ailan). Boi nogut save put skin long wanpela meri NIPs. Meri i wankain olsem ol Kawas stret. Olsem na Kanage save paul long meri ya olsem em i bilong Buka o Kavieng.

Wanpela apinun Kanage wokabaut i go long stua na lukim meri ya wokabaut i kam. Taim meri ya kam abrusim em, Kanage tanim isi tasol na askim meri ya: Leva yu bilong we? Na meri ya i bekim: Nil pis! Na yu ting wanem hap?

Kanage holim gras na bekim long meri ya: Man mi save ting yu meri Kawas ya. Na meri NIPS givim gen long Kanage: Na wanem? bai yu stapim?

Man Kanage taim stret na wokabaut hariap hariap tasol i go long stua na lus nating long hap kona.

Ann Dota  
KAVIENG

LUKIM MOA TOK PILAI LONG PES 16

## Kasabwaibwaileta pilai drama stori long kamap bilong ol Milen Be pipel

JOE KANEKANE i raitim

SAPOS yu wanpela man o meri husat i laik save long we ol lain long Milen Be i bin kamap, ating em i gutpela long yu mas lukim dispela pilai drama em ol i kolim *Kasabwaibwaileta*.

Dispela pilai drama we i kamap nau long Mosbi siti bai stori gut long wanem rot tru, na ol pipel long Milen Be provins i bin kamap.

Dispela pilai drama i stori long dispela man *Kasabwaibwaileta* husat leg bilong em i nogut. Na em i no wanpela gutpela man.

Wanpela taim ol lain bilong em i laik go long wanpela ailan long painim wanpela bikipela sel, we ol i laik wokim ol sel.

Tasol long nait bipo long ol i go, mama bilong dispela leg nogut man i bin slip. Na em i dri-man olsem sampela gutpela dewel i bin givim em wanpela karamap.

Wantaim dispela karamap, dewel i givim em wanpela spesel prut bilong diwai.

Orait long moning, mama bilong dispela leg nogut man i kirap. Na givim dispela prut bilong diwai wantaim ol karamap long leg nogut pikinini man bilong em long kisim na go wantaim ol arapela man long ailan.

Olgeta man long ples i rere long kanu bilong ol. Na ol i go long hap we i gat dispela kain ol sel. Ol i wok long painim ol dispela kain sel i go na kisim olgeta sel.

Taim ol i go bek, ol i go kisim malolo long wanpela ailan. Long dispela ailan, ol i kamautim olgeta sel ol i kisim. Na i wok traim long painimaut husat man tru i bin kisim bikipela na planti em.

Trangu leg nogut man *Kasabwaibwaileta* i slip i stap. Em i no wari long ol arapela man i wok long glasim sel bilong ol.

Ol arapela man i wok long lukluk long ol yet long husat tru i bin gat bikipela na longpela sel. Orait ol i kirapim dispela leg nogut man.

Man, ! ol i bin kirap nogut tru long painimaut olsem em i gat bikipela na longpela sel stret. Ol i belhat tru long em. Na tingting long lusim em long dispela hap ailan. Na ol wanpela bai go bek long ples.

Ol giamanim em long wet i stap na ol i go long ples bilong painim wara long dring. Taim ol i kam bek, ol i askim em long go long dring wara na ol bai wetim em.

Ol giaman olsem na taim em i go long dring wara, kwiktai em ol i kalap long kanu na pul i go. Trangu leg nogut man ya em ol i lusim em wanpela i stap long ailan.



□ Ol lain Milen Be husat i bin kam long Mosbi las wik long putim dispela pilai *Kasabwaibwaileta*.

Em i kam bek na singaut long ol i kam bek na kisim em. Tasol ol wantok bilong em i go pinis.

Em krai i stap na i wok long singaut long sampela lain i kam helpim em.

Mun i harim krai bilong na kam daun. Tasol mun i no helpim em. Mun lusim em i stap na go.

Turangu i wok long krai moa yet i stap.

I no long taim nau na, sta bilong moning i kam daun. Sta i sore nogut tru long leg nogut man ya. Na stretim leg na han nogut, bilong dispela man. Bihain sta i maritim dispela leg nogut man. Na tupela i go bek long skai we tupela i stap na karim planti pikinini.

Wanpela taim, ol pikinini bilong tupela i pilai i stap na ol i lukim wanpela bikipela kram sel bilong solwara i stap klostu long hap we ol i stap long en.

Ol i lukim dispela sel na tingting blong ol i kirap nogut long painimaut wanem samting i wok long stap aninit long dispela sel.

Ol i wok long apim, tasol dispela samting i hevi tru. Na ol i

kisim taim tru long apim na wanpela bilong ol i lukstil aninit long sel long wanem samting i stap insait.

Taim ol i wokim olsem i stap, mama bilong ol i kam na em i paitim ol nogut tru na krosim ol. Mama i tokim ol long noken lukluk aninit long dispela sel gen.

Sem taim papa bilong ol i kam. Em lukim olsem na krosim mama bilong ol, Moning Sta.

Neks de, papa wantaim ol pikinini i go long sem hap sel i stap long en. Ol i apim dispela sel na ai bilong ol i op stret. Ol i kirap nogut long lukim ailan bilong papa bilong ol i stap aninit long dispela kram sel.

*Kasabwaibwaileta* i lukim ples bilong em na em i sori nogut tru. Tingting bilong em i kirap nau long go bek long ples.

Em i tok gutbai long ol pikinini man bilong em na em i go daun. Ol i pikinini sanap lukluk na papa i go daun long dispela longpela sel em bin painim long bipo.

Taim ol i mekim dispela i stap, mama bilong ol i kam na traim long pulim papa i go bek. Mekim na ol i pulim dispela hap sel i go

i kam na sel i bruk long namel. Na *Kasabwaibwaileta* i pun-daun i go daun long graun long ailan bilong em stret.

Na mama bilong em i kirap nogut tru wantaim ol brata na susa long lukim wanpela famili memba em ol i no bin lukim long longpela taim tru. Ol ting *Kasabwaibwaileta* i dai pinis.

Dispela de ol i wokim bikipela pati stret. Na amanasim kam bek bilogn *Kasabwaibwaileta*. Olgeta manmeri long ples i kam bung. Ol poroman bilong *Kasabwaibwaileta* tu i kam long dispela pati.

Tasol taim *Kasabwaibwaileta* i lukim ol poroman bilong em, bel bilong em i kaskas nogut tru. Long wanem ol poroman bilong em i bin lusim em bihain long narapela ailan.

Em belhat long dispela na senisim ol poroman bilong em i go kamap olsem ol pisin. Na ol dispela pisin i flai i go long wanwan hap bilong Milen Be olsem Nomanbi, Fegusen na Suau.

Dispela em stori bilong dispela pilai. Sapos yu lukim dispela pilai, bai yu sore nogut tru.





# Bik Bro

# REBO



REBO SALIM BAL IGO LONG DAVID...

DAVID, HIA!



DAVID KISIM BAL NA RON...



OL I HAI-TAKOL LONG EM...

OUF!!



WANTU REFERI I PENOLAISIM EM NA RAUSIM EM LONG FIL... "SENT-OFF"



OLAETA MAN-PAIR BIKMAUS LONG EM...

BOHO000!! RAUSIM EM!!



REBO KISIM BAL NA KIKIM IGO AUT LONG KLIAIM GRAIN...

ORAIT, BOS! STAP LONG POSISEN!

Igo moa Neks Wik!!



# SIPAK MAIK



BAI MI SUIM STET BIKOS OLI SUSPENIM MI LONG PALAMEN!



NAU EM RINGIAM LOYA BILONG EM...

HALO... PAIRAP LOYAS !!

YES, INAP MI TOKTOK KIAMTAIM JOE PAIRAP PLUS?!



SEKETERI PUTIM KOL BILONG MAIK IGO LONG LOYA...

GUT MONING, JOE PAIRAP HIA!!

HALO, KANGE! EM MI YAH SIPAKI MAIK... KAM BUNGIAM MI LONG GOLDEN BOWL RESTRON LONG BELO!



BELO NAU LOYA GO BUNGIAM MAIK LONG GOLDEN BOWL RESTRON...

EM NAU! KAM NA SINDAUN!

HALO MAIKY... LONG TAIM NO SEE...

PAIRAP LOYAS



MI LAIK KARIM STET IGO LONG KOT! MI LAIK SUIM OL LONG SASPENIM MI !!

UMN! NOKEN WARI TUMAS, BAI MI HELDIAI YU SANAP LONG DISPELA KOT!



BAI YUMI SUIM OL LONG "ER" HAFAMILION KINA!

Igo moa Neks Wik!!



# Laip long ples em i fri ya

Nem: Thomas Yandap  
 Krismas: 20  
 Adres: Gabensis Commercial Letters, Niugini Tablé Birds, PO Box 962, LAE.  
 Save Laikim: Mi laikim penpren wantaim ol yangpela manmeri bilong Papua Niugini. Ol samting mi save laikim long mekim em harim kainkain musik, ritim ol buk, limlimbur na lukim ol nupela ples, na mekim pren wantaim ol pipel.



## SAPE METTA i raitim

TUDE laip na sindaun long olgeta taun na siti eria i dia tumas. Bikos long taun na siti, olgeta manmeri i mas wokhat long sindaun gut.

Gutpela askim em lo ng wanem as na ol i mas wokhat? Ol i mas wokhat long painim mani long lukautim ol yet. Bikos laip na sindaun bilong ol taun na siti i strong long mani tasol. I gat mani bai sindaun i gutpela. Sapos i nogat mani, sore tumas em bai hat ya.

Mani em i wanpela bikpela samting we i save lukautim laip bilong yumi wanwan. Long painim mani, yumi mas strong na wokhat long painim.

Narapela samting em sindaun na laip long ol taun na siti i wok long kamap hat tru. Bikos sapos mipela lukluk long sait bilong baim kaikai na olgeta kain kain liklik samting long stua, olgeta prais bilong ol i go antap tru. Na i no long ol stua tasol. Ol arapela samting tu olsem baim ol bil bilong wara na pawa saplai, bil bilong rausim rausim pipia na bil bilong ol arapela pablik sevis tu olsem sapos yu yusim baket toilet, em nau yu mas baim ol wokman bilong rausim baket na senisim wantaim nupela.

Sapos husat i gat ka, rehim haus, telepon na kainkain ol arapela pawa masin, ol dispela samting bai yusim moa mani.

Na lukluk long helt sait long ol taun na siti i luk olsem planti kainkain sik nabaut i save kamap. Na bagarapim laip bilong planti manmeri na pikinini. Na tu i gat planti kainkain samting i stap we i ken sotim laip bilong ol man na meri hariap tru.

Long sait bilong lo na oda i gat bikpela hevi tru i save kamap long ol taun na siti eria long olgeta de. Kain hevi bilong kilim man, stil pasin, spak na bagarapim ol meri na pamuk pasin. Yumi ken kolim ol dispela kainkain rabis pasin olsem ol sik nogut bilong ol taun na siti.

Laipstail bilong taun na siti i ken kamap gut sapos prais bilong ol samting long stua na ol arapela samting i go daun. Na tu sapos ol manmeri i ken stapim ol rabis pasin bai sindaun i ken kamap gut.

### Kas bilong ples

Dispela em laipstail bilong taun na siti. Tasol lukluk i go bek long laipstail bilong ol haus lain na ples, laip long hap i isi. Na i no dia tumas olsem long ol taun na siti. Ol pipel long dispela ol haus lain, ples o rurel eria i luksave long laip bilong ol olsem em i isi.

Laipstail long ples na rurel eria i moa isi na i no dia tumas long wanem ol pipel i no wari long wokhat. Na painim mani long baim kaikai na kainkain liklik samting olsem bil bilong haus, wara saplai, fuel bilong ka na sampela moa. Ol dispela samting i fri ya.

Em i tru olsem wanpela o tupela taim insait long 6-pela mun, ol pipel long ples i ken rausim ol kaikai i redi long gaden. Na karim i go long maket long salim na kisim sampela



• Ol lain bilong Yasina Feta eria long ples Yagana i soim pig ya em ol i katim pinis, na redi long mumuim. Ol i pulap long kaikai. na i no save wari long baim olsem ol pipel bilong taun na siti.

mani. Planti pipel long ples i save mekim dispela.

Laip bilong ol manmeri na pikinini long i strong long gaden na bus wara ol i stap long en. I nogat narapela kain rot bilong ol long painim kaikai. Gaden na bus wantaim wara tasol em i laip bilong ol.

Ol pipel long ol ples long Hailans, Momase, Niugini Ailan na na sampela long Sauten rijon i i save gutpela long gaden bilong ol.

Mi tok sampela long Sauten rijon bikos sampela mun i go pinis mi bin go lukluk raun long siti bilong mipela Mosbi, we mi bin stap 4-pela mun olgeta long wanpela ples ol i kolim Gabi. Ples ya i stap hapsait tasol long ples Hanuabada, ausait long Mosbi siti.

Taim mi stap long ha,p mi lukim laipstail bilong ol long Gabi na Hanuabada i narakain liklik. Planti bilong ol i nogat gaden kaikai. Tasol ol i laki liklik. Long wanem ol i holim planti kainkain wok long siti. Na kisim foinait pe long lukautim ol yet.

Na long ol lain husat i no wok na i nogat gaden kaikai, ol i save painim sampela kain rot long pulim sampela mani long lukautim ol yet. Dispela rot em long painim pis long solwara. Na karim i go long maket long salim

na kisim mani. O i save mekim olsem long lukautim ol yet.

Taim mi stap long Gabi, planti taim i save go ausait long solwara wantaim poro bilong mi, Keni Sisia long dingi bilong em long painim pis. Mitupela save

Ken i bekim askim bilong mi na tok: Em i tru ol i nogat gaden kaikai. Na tu ol i no save wok long Mosbi siti. Tasol sindaun bilong ol long dispela ailan i gutpela. Bikos ol i save yusim solwara long painim pis olgeta de. Na karim i

Tupela wik i go pinis, mi lusim Mosbi na flai i kam antap long Goroka, Isten Hailans. Na ho lukluk raun long wanpela liklik ples ol i kolim Yagana. Ples ya i stap long sait bilong Okapa long Isten Hailans yet.

Long hap mi bungim tupela ples man. Nem bilong tupela em Titus Mosaru na Yasina Feta. Na askim tupela long mekim sampela stori long mi long sindaun bilong tupela long ples Yagana.

Tupela i tok, nau yet long ples i nogat planti pipel. Bikos ol i lusim asples na go sindaun long taun na siti. Long wanem ol i mas ting olsem laipstail bilong taun na siti i gutpela moa long ples. Ol i mekim olsem tasol ol i no luksave long kainkain hevi bilong taun na siti.

Titus na Yasina i tok sindaun long ples i no dia tumas na i namba wan. Bikos os olgeta kaikai samting bilong gaden i stap.

"Mipela i no wari long lusim mani long baim rais na tinpis. Rais na tinpis bilong mipela em kaukau na kumu long gaden," tupela i tok. "Em i tru olsem mipela bai laikim sampela samting long stua olsem ol klos bilong putim, sop bilong wasim klos na waswas, sol, tin gris, suga, tilip na kopi. Em ol liklik samting. Mipela i ken rausim sampela kaikai long gaden na karim i go saim long maket. Taim mipela kisim inap mani long baim ol dispela liklik samting, mipela save go bek long ples na stap isi tasol."

Titus na Yasina i tok long taun na siti ol manmeri i go i kam long mekim wok mani bilong ol. Na ol ples pipel tu i save i go i kam long mekim wok bilong ol long gaden.

Tupela tok ol taun na siti wokman meri save mekim planti hatwok. Na tu lusim planti mani long baim ol kaikai na ol kainkain samting. Tasol ol long ples i stap isi tasol na kaikai fri kaikai long gaden.

Nem: Alice Andisagu  
 Krismas: 16

Adres: c/- Alois Maimbi, Stores and Supplies, PO Box 423, Lae, Morobe Provinve.  
 Save Laikim: Raitim leta, pilai volibal, lukim televisen, harim musik, mekim fani wantaim ol pren, na ritim ol piksa buk.

Nem: Asi Kefoe (man)

Krismas: 19

Adres: PO Box 1191, Goroka, Eastern Highlands Province.

Save Laikim: Mi save laikim long pilai ragbi tas, raun wantaim ol pren, ritim buk, na tok pilai wantam ol pren. Mi promis long bekim olgeta pas em mi kisim.

Nem: Tom Award

Krismas: 20

Adres: c/-Robert Kukubu, SIL Aviation, PO Box 402, Ukurampa, via Lae.

Save Laikim: Mi save laikim stret long mekim penpren wantaim ol yangpela manmeri bilong arapela provins long Papua Niugini. Ol spot mi save laikim long pilai em ragbi lig, volibal na basketbal. Ol arapela samting mi laikim long mekim long fri taim bilong mi em go long lotu, na harim musik.

Nem: Kalak Samuel (meri)

Krismas: 12

Adres: Upper Baiune Power Station, PO Box 88, Bulolo, Morobe Province.

Save Laikim: Go long lotu, pilai basketbal na ritim niuspepa.

Nem: Kaiks Samule (man)

Krismas: 18

Adres: Upper Baiune Power Station, PO Box 88, Bulolo, Morobe Province.

Save Laikim: Pilai soka, harim musik, go long lotu, tok pilai wantaim ol pren na raitim pas long ol penpren.

Nem: Ludwick Uainde (man)

Krismas: 23

Adres: PO Box 1028, Mt Hagen, Western Highlands Province.

Save Laikim: Lukim ragbi lig gem, go long lotu, mekim penpren na painim meri long marit. Mi promis long bekim olgeta pas em mi kisim.

Nem: Yang John Kowi

Adres: Moramora Technical School, PO Box 23, Hoskins, West New Britian Province.

Save Laikim: Givim presen long ol pren, bungim wantok na stori wantaim ol, ritim buk, go waswas long nambis, tok pilai wantaim ol pren, na go lukim nupela ples.

Nem: Rachael Kapari (meri)

Krismas: 15

Adres: St Ignatius High School, PO Box 41, Aitape, Sandaun Province.

Save Laikim: Mi wanpela gred 8 studen. Ol samting mi save laikim long mekim em pilai kainkain gem, ritim ol buk o niuspepa.

Nem: Agnes Saupui

Krismas: 16

Adres: St Patrick Primary School, PO Box 682, Wewak, East Sepik Province.

Save Laikim: Raitim pas long ol penpren, pilai ova na anda gem, na go long danis. Mi wet tasol long bekim ol pas em mi kisim.

### TOKSAVE KAM LONG EDITA:

Wantok i prinim nau leta bilong ol manmeri wantaim poto we i soim kila pes bilong yupela. Olsem na yupela ken salim tu poto bilong yupela i kam long dispela adres: Painim Penpren, Wantok, P. O. Box 1982, Boroko, National Capital District.

• Ol mangi bilong ples Tase i waswas long Komopi Haia wara klostu long ples Yagana, insait long Okapa eria.

ron i go long Fisamens ailan. Na save tromol huk long hukim ol pis. Long Fisamens ailan, mitukim wanpela bikpela haus lain long hap. Na wantaim taim mi askim Keni: Mi ken lukim bikpela hauslain na planti manmeri na pikinini i stap long dispela ailan. Tasol mi lukim olsem i nogat gaden kaikai long dispelan ailan. Ol lain long dispela ailan i save sindaun gut olsem wanem tru?

go salim long Koki maket long kisim mani.

Ken i tok moa olsem planti pipel husat i stap long ol ples arere long solwara na i no wok long Mosbi siti. Ol i save mekim wok bilong painim pis na salim long ol maket long siti. Na mani ol i kisim i save lukautim ol na famili bilong ol.

Ken i yet i stap nating. Olsem na em save painim pis long solwara long lukautim em yet wantaim famili bilong em.





• Ol bikman meri husat i bin kamap long woksop bilong Katolik Komisen bilong Jastis, Pina Developmen. Woksop ya i bin kamap long Mosbi long las wik. Na i autim kempen bilong skulim ol manmeri long votim gutpela gavman long 1997 ileksen. Lukim stori long pes 7.



• Olpela gavana bilong Madang, Peter Barter (lephan) wantaim Ruel Plis Komanda, Inspekta Joseph Noah i lukim 12-pela han em ol raskol yet wokim na yusim long hensapim pipel na stil.

## Kanai i redi long kam aut wantaim "Nilpis bilong Dust"

**JAMES KILA** i raitim

NEK bilong wanpela man husat i save winim lewa bilong planti manmeri long PNG long ol kain stail singsing bilong Barike olsem "Wan Kantri" na ol narapela gutpela song olsem Ringe Maue, Abot na Rowena em Kanai Pineri.

Dispela musikman bilong ples Tavui long Is Nu Briten i redi pinis long kamaut wantaim wanpela stail kaset em i kolim "Nilpis bilong Dust" Dispela kaset em i namba-4 solo kaset bilong dispela singa husat i sanap olsem lid singa bilong Barike na Shutdown ben.

Planti manmeri i ken tingim Kanai Pineri tu sapos ol lukim ol vidio-klip bilong Barike ben olsem, Balus i Sikelim kako, Iau Rabiavi, Freedom na Rowena. Ol i ken lukim Kanai i singim tu song ya Manam Ailan wantaim Shutdown ben

Kanai i nogat ol fens long PNG tasol, bagaros ya i bin brukim lewa bilong planti

manmeri long Vanuatu na Solomon Ailan, taim Barike ben i bin go pilai long hap.

Taim Barike ben i bin laik kambek, Kanai i bin singim dispela song Wan Kantri. we i katim lewa bilong planti manmeri long hap na tu ol dispela lain PNG i stap long hap. Planti i bin sore na aiwara i pundaun long dispela taim.

Stori bilong dispela yangpela man bilong Tavui i olsem, em i no bin go long wanpela musik skul, nogat, em i pinisim gret 6 tasol. Bihain em i bin stap nating long ples i go inap 1986 taim em wantaim ol brata bilong em Douglas na Ramsay i bin statim dispela ben Shutdown na i save pilai nabaut long Rabaul na ol narapela ples. Sampela yia bihain narapela ol memba olsem Kabu Rita na Patti Doi i bin joinim ol. Dispela ben bilong ol i bin go pilai long ol provins olsem Madang long 1990 Maborasa Festival na long Is Sepik. Provinsal So long Wewak.

Taitol bilong dispela

nupela kaset bilong Kanai "Nilpis bilong Dust" i stori long taim bilong bikpela maunten paia na bagarap i kamap long ples long Rabaul.

Song ya i stori long ol sampela yangpela meri, husat i save giman olsem ol i save go wok. Tasol, samting tru ol i save go paul na bihain ol i save kambek na gimanim papamama bilong olsem ol i go wok.

Narapela song Kanai em i raitim Bogenvil, we i stori long wanpela liklik pikinini i kra i na askim papa bilong husat i stap long bus long lusim pait na kambek long femili. Dispela song i gat gutpela na tru mining we planti ol meri na pikinini long Bogenvil i wok long painim insait long dispela birua nau i stap yet long hap.

Wanpela gutpela samting tu em Kanai i bin kisim liklik kandere bilong em Neville Sam long singim dispela song Bogenvil.

Kanai i tokim Wantok olsem, em i save raitim ol song bilong em long stori

bilong laip na wanem samting i kamap na tu wanem samting em yet i lukim.

Em i tok olsem em i no save laik raitim stori bilong ol meri tumas, bikos dispela i no gutpela tumas bikos ol pipel i laik harim song we i gat gutpela mining

Kanai i maritim wanpela meri Manus nem bilong Rachel na ol i gat tupela pikinini em Randal na Benedyne. Turangu Kanai i bin lusim tupela pikinini bilong em, wanpela em Jefferey na Raylene, husat i bin dai.

Long dispela kaset Kanai i laik tok tenkyu long poroman bilong em Patti Doi, husat i bin wok hat long dispela kaset na ol femili bilong em long Rabaul. Em i salim gritings tu i go long papamama bilong em, brata bilong em Douglas, Ramsay na Danny Pineri long ples Tavui na tu griting long Enos Pulumen na femili bilong em long Namatanai. Em i tingim tu ol planti fens bilong em long PNG, Solomon Ailan na Vanuatu.



• Kanai Pineri



• Lephan: Sir Michael Somare na biknem redio anaunsa, Roger Hau'ofa i stailim sanap long Madang wantaim waitman na misi. Dispela em long taim olpela Madang gavana, Peter Barter i holim namba wan ruel tokbek progrem long redio long mun Jun.

• Raithan: Bos bilong Invesmen Promosen Atoriti, Misis Tauvasa i kisim bilum long Karkar meri lida, olsem presen bilong em. Dispela em long taim Misis Tauvasa i go lukluk raun long Madang.







■ Kanage i lusim Mosbi siti na i go wiken limlimbur long ples bilong Tok Pisin na buai (Wewak).

Long Sarere moning sampela perendo bilong em i kisim em na ol i go sasaitim ai long Wewak taun i stap. Ol i tromoi tromoi i go na lek i sotwin na ol i go malolo ausait long wanpela Saina. Na ol i wok long kaikai buai na Tok Pisin i stap.

Ol i sindaun i stap na wanpela arapela poroman bilong Kanage i wokabaut i go na lukim Kanage na i tok: Kanage, sampela lain i wok long painim yu ya.

Kanage smail na askim: Em bai husat gen nau ya?

Poroman bilong Kanage kirap na tokim Kanage: Yu save pinis, em ples ya. Maski yu lusim ples na i go stap longwe, tingting na wari i save stap oltaim oltaim.

Ol perendo bilong Kanage lap na tokim em: Em yu yet nau.

Ol i tok olsem na Kanage i tokim ol: Mi ting olsem tingting na wari bilong bipo i bilong bipo. Tasol nogat, yupela ol Sepik i save holim yet long album bilong yupela.

**The Perendo KIMBE**

□ Kanage telipon i go long wanpela gavman opis long Wewak. Na wanpela moning glori i ansaim telipon na Kanage i askim: Lewa, inap yu tokim mi namba bilong fainens opis?

Meri ya i no wanbel long dispela hap Tok Pisin "lewa" Kanage i yusim. Na i askim Kanage: Na yu husat?

Kanage i lap na tok: Mi ya, Kanage.

Taim Kanage i kolim nem bilong em, meri ya i no bilip olsem em i toktok long Kanage. Olsem na em i askim gen: Yu tok tru olsem yu Kanage?

Kanage isi tasol askim meri ya: Yu pilim bodi bilong yu i hot o kol o wara wara?

Meri ya i bekim: Tripela wantaim.

Taim moning glori ya i tok olsem, Kanage i tokim em: Sapos tripela wantaim, em yu yet nau, bikos Kanage i save laikim hot o kol o wara wara.

Meri ya paul na askim Kanage: Em yu min wanem?

Kanage lap pinis na tokim moning glori ya: Leva, sapos Adam na Eva i lusim liklik buk we i gat dispela tumbuna stori, we ken tokim mi. Tasol tupela i kisim i go wantaim tupela.

**Papa Kanage WEWAK**

■ Kanage i go wan spin long Waigani maket long wanpela Sande na lukim ol manmeri i bung long hap kona. Na i wok long toktok na singaut nabaut.

Em nau Kanage i wokabaut i go long sekim wanem samting tru i kamap na ol manmeri bung na toktok na singaut. Kanage wokabaut i go na askim wanpela man na man ya i tokim em olsem tupela meri i pait. Bikos wanpela i paulim man bilong arapela.

Man ya i tokim Kanage na Kanage i sanap lukluk i stap na wanpela meri wokabaut i go na tasim Kanage long beksait. Taim Kanage i tanim long lukim husat i tasim em, meri ya i askim Kanage: Hei brata, tupela meri ya i pait long wanem ya?

Kanage lap na tokim meri ya: Tupela i sut han bikos wanpela i stilim samting bilong arapela.

Ansa Kanage i tok olsem na meri ya i askim gen: Wanpela i stilim wanem samting bilong arapela?

Kanage i no wanbel long meri ya i askim em long tok klia gut. Na em i bikmaus na tokim meri ya: Wanem samting gen, em ya namba 6 gia bilong helikota ya.

**Comrade Kanage MOSBI**

□ Kanage em i wanpela pater. Olgeta taim em i save tokpilai wantaim ol poroman bilong em long peris em i stap na mekim wok.

Bipo long 1995 Nu Yia i kamap, em i tokim ol poroman bilong em long stop long kaikai buai, smok, painim meri na tok nogut. Em i tokim ol tu olsem em bai mekim wanpela promis. Tasol em i no tokim ol long promis em bai mekim.

Long Nu Yia stret na ol poroman i go long tokim em ol promis ol i mekim. Ol i go tokim em long ol promis ol i mekim. Pinis nau ol i askim em long promis bilong em.

Pater Kanage lukluk long ol na tokim ol: Mi mekim promis olsem mi bai stop long tokpilai wantaim yupela.

Em i tok olsem na ol poroman bilong em i lap indai. Na wanpela i kirap na tok: Mipela i ting olsem yu bai mekim promis long stop long kaikai kumunio long haus lotu.

Kanage harim olsem na kirap tokim ol poroman bilong em: Satang, em bai mi mekim bikipela sin stret long misinari laip bilong mi ya.

**Funny Master KIUNGA**

# Ol kaikai bilong tude kamap olsem wanem

BIPO, bipo tru, husat man i bin stap long dispela graun, em i bin gat tupela pikinini man.

Wanpela taim nau brata bilong man ya i bin mekim bikipela kaikai. Long dispela taim ol man i save kaikai pikinini bilong ol wel diwal.

Orait, tupela pikinini bilong dispela man ya i go long dispela bikipela pati. Taim i laik go bek long ples bilong tupela, brata bilong man ya i no givim sampela kaikai long kisim i go bek long ples long soim papamama bilong tupela olsem tupela i kam long wanpela pati.

Olsem na brata bilong man ya i kros nogut tru na i tokim tupela pikinini ya long tumora bai ol i go long bus long moning taim tru. Orait, long moning taim tru ol i kirap na ol i go long bus. Papa bilong tupela manki ya i kaikai buai na i spetim ol mambu na ol i wokim wanpela rot. Ol i go na kamap long wanpela maunten na man ya i tokim tupela pikinini bilong em: "Yutupela katim ol bus na kliaim bus long hia.

Ol i stap long wanpela maunten. Ol i klinim bus pinis na man ya i go na kisim ol hap stik na i taitem wantaim inap olsem 20 liklik stik i stap long wanpela mekpas.

Nau em i tokim tupela pikinini olsem: Long 20 de, taim wanpela stik tasol i stap long makim dispela de, yutupela i mas kam bek long dispela hap bus. Em i tokim tupela olsem wanpela stik em i makim nau em i tokim tupela pikinini bilong em olsem. Katim mi nau. Tasol tupela manki tok: Bilong

wanem bai mipela i katim yu. Papa bilong tupela i tok. Brata bilong mi i gat kros long yumi olsem na mi laik mekim yutupela i amamas. Olsem na mi askim yupela long katim mi.

Tupela pikinini i harim em na ol i mekim olsem papa bilong tupela i laikim tupela long mekim. Tupela i katim em na bhain tupela i krai long em. Tupela i lusim dispela hap ples ol i klinim pinis na larim hap hap bodi bilong papa bilong tupela i stap na tupela i go long ples ol mambu i stap long en. Na tupela i wok long katim nambu olgeta de. Tupela i no inap long go ausait long wanem tupela i tingting long papa bilong tupela. Mama bilong tupela tu em i no save long wanem samting i wok long kamap long lain bilong em.

Long namba tu de nau tupela i go bek gen long bus tupela i klinim long en na tupela i mekim paia na kukim dispela hap ples. Taim tupela i go bek long ples bilong tupela, tupela i go insait long haus na stap insait tasol. Long namba 20 de gen tupela i go bek gen long dispela hap ples tupela i kukim pinis. Na taim tupela i kamap long ol mambu, bikipela brata i kaikai buai na spetim mambu na tupela i go insait. Taim tupela i kamap long ples tupela i klinim bipo, antap long maunten, tupela i lukim

kainkain kaikai i kamap long dispela hap we tupela i no bin lukim bipo.

Tupela i kisim wanwan long olgeta kain kaikai na ol i traim. Long apinun tupela i kisim sampela i go long mama bilong tupela long haus. Taim mama bilong tupela i traim ol dispela kaikai, em i kirap nogut tru olsem em ol gutpela kaikai tru. Taim em i askim tupela long olsem wanem tupela i painim ol dispela kaikai, tupela i stori long mama bilong tupela long wanem samting i bin kamap na olsem wanem tupela i kilim papa bilong tupela na

katim em long wanpela maunten.

Narapela de tupela i go wantaim mama bilong tupela long dispela hap bus. Bikipela brata i kaikai buai na spetim ol mambu na ol i go insait. Ol i kisim olgeta samting bilong ol tu i go wantaim. Taim ol i go insait pinis, ol mambu i pasim gen rot.

Orait, ol i stat long kirapim wanpela liklik ples bilong ol long dispela hap. Ol i wokim haus. Taim ol i katim wanpela diwai, olgeta diwai i pundaun nating olsem ol man i katim ol. Taim tupela brata ya i katim wanpela pos, olgeta pos i redi pinis olsem ol man i redim ol. Tupela i karim wanpela diwai i go long ples, tasol

olgeta diwai tu i go kamap pinis long ples. Taim tupela i dikim wanpela hol, olgeta hol bilong planim ol pos i redi pinis. Ol i mekim olsem tasol na dispela haus bilong ol i pinis long wanpela de tasol.

Orait, long nait ol i singsing Kigul, ol i paitim garamut na ol manmeri long bikiples i harim na planti bilong ol i aksim dispela garamut i krai long wanem hap tru. Ol i mekim olsem tasol i go na wanpela taim wanpela kusai man bilong dispela ples i go raun long solwara long kanu bilong em na em i lukim paia long maunten na i signaut i go long tupela brata ya wantaim mama bilong tupela long rot bilong go antap i stap we.

Bikipela brata i tromoi liklik ston i go daun na rot i kamap. Kusai man i go antap na ol i givim em kainkain kaikai. Ol i tokim em olsem tumora em i mas tokim ol man long bikiples long kam singsing. Na ol meri long ples tu i mas kam wantaim ol man bilong ol. Hetmeri bilong ples na susa bilong em tu i go wantaim. Long moning taim ol i tilim ol kaikai na ol man i go bek long ples. Tasol hetmeri wantaim susa bilong em i stap long liklik ples ya. Na tupela i maritim tupela brata ya. Bikipela brata i maritim hetmeri na liklik brata i maritim liklik susa bilong em. Long dispela rot tasol nau yumi gat kokonas kaukau, banana, na ol kainkain kaikai yumi save kaikai tude.

**Marcel Topenia  
Hutjena Hal Skul NSP**

# Watpo mi save pret na stap mi yet?

*Dia Laiplain,*

*Maski mi stap insait long siti long planti yia, mi save traim long abrusim long toktok wantaim ol lain mi no save long ol. Mi save painim hat tru long raun o toktok wantaim ol arapela pipel. Na mi save les long ol arapela lain i mekim kainkain toktok long mi.*

*Mi save les long ron long pablik transpot mi yet. Bikos mi save pret nogut ol raskol man i mekim nabaut long mi na stilim ol samting bilong mi.*

*Watpo na mi save i gat dispela wari?*

**RESTRICTED**

**Dia pren,**

I luk olsem bikipela hevi bilong yu em yu nogat bilip long yu yet. Yu mas traim long mekim bilip bilong yu long yu yet i kamap moa bikipela. Tasol long wanem rot yu bai mekim dispela samting?

Namba wan samting olsem sapos wanpela man/meri i laik mekim wanpela astingting bilong em long kamap trupela, disisen na tingting bilong mekim dispela samting i stap long em yet. Olgeta samting i stap long laikna tingting bilong wanwan. Sapos wanpela man o meri i laikim olsem samting em i save driman i kisim o i gat i kamap trupela, em i mas wokhat long kisim o i gat dispela samting. Sapos em i sindaunna toktok tasol, samting em i driman long en bai no inap kam kamap long em. Em i mas yusim ol samting o risos em i gat long mekim driman bilong em i kamap trupela. Long wokhat long mekim driman i karim trupela kaikai i stap long pasin bilong wanwan man na meri. Sapos em i gat strongpela tingting em bai win na sapos em i nogat strongpela tingting em bai no inap win.

Long win, wanpela man o meri i mas wokim disisen insait long em yet olsem em bai win, maski dispela i min olsem em bai traim planti taim na lus. Tasol em bai go het yet inap em i kamapim dispela win em i laikim. Sapos wanpela man o



meri i gat tupela tingting, em bai no inap long kisim o kamapim samting em i laikim.

Wanpela hap tok ol i save tok olsem: "Nogat wanpela samting i save kamapim win olsem win". Dispela i min olsem sapos wanpela man o meri i wokhat na win, em bai go het yet long win. Bikos win i save mekim wanpela man o meri long i gat strongpela bilip long em yet. Na dispela i save givim strong long wanpela man o meri long tingting bilong em olsem em bai win yet.

Bikipela samting i olsem wanpela man o meri i mas groim bilip long em yet isi isi. Ol pipel husat i gat bilip long ol yet, ol i no save kisim dispela samting long wanpela nait. Nogat. Ol i save kisim bilip long ol yet aninit long ol wokhat bilong ol na ol win na lus ol i save kisim long wokhat bilong ol. Olsem na sapos yu laik kamapim wankain samting, yu mas stat long wokhat long yu yet. Yu mas stat long ol liklik samting na noken larim ol lus yu kisim i daunim tingting na strong bilong yu. Lus em i wanpela samting we bai mekim yu luksave long ol samting na wankain taim strongim yu long sanap strong.

Arapela samting i olsem sapos wanpela man o meri i gat inap risoses long mekim samting, em bai i gat bikipela sans long win. Man o meri husat i gat moa o inap risoses long mekim driman bilong em i kaikai bai win long man o meri husat i nogat inap risoses long mekim driman bilong em i karim kaikai. Mobeta yu mas mekim ol sans bilong yu long win aninit long pasin bilong developim yu yet.

Yu mas luksave olsem i no yu tasol husat i gat dispela hevi. Planti pipel i gat wankain tingting olsem yu gat long bungim hevi wantaim ol raskol.

I tru olsem planti yangpela pipel i save sanap nating long ol ples olsem long fran bilong ol stua, long bas stop na maket we ol i ken mekim kainkain pasin nogut long ol gutpela pipel long pablik husat i wok i go i kam long mekim wok bilong ol.

Tasol bikipela samting i olsem wanpela man o meri i mas was long em yet na ol samting bilong em-eksampel-mani. Na tu wanpela man o meri i mas traim long noken go long ol eria we em bai bungim hevi-eksampel-ol ples o eria we planti pipel i bung.

Nau long dispela taim, olgeta pipel i mas traim long was gut long ol yet-wanpela gutpela tingting em long noken yu wanpela tasol i go long ol ples we yu ting hevi bai kamap. Em i moa gutpela long wokabaut raun long grup wantaim ol arapela lain.

Mipela i tokim yu pinis long sampela samting na rot we yu mas bhainim rausim dispela tingting we yu nogat bilip long yu yet. Tasol mipela bai tok tu olsem wanpela man o meri i nidim spirituel helpim long rausim tingting bilong pret long ol arapela pipel. Mipela i bilip olsem yu bai lusim dispela pasin o tingting bilong pret we i stap insait long yu. Ol Kristen manmeri i save ekspiriansim dispela kain fridom aninit long bilip. Dispela em long developim rilesensip wantaim God. Wanpela trupela Kristen man o meri i no save pret long bungim ol sans i kamap long laip bilong em.

Kristen bilip i olsem wanpela bikipela step we i nidim strongpela tingting. Tasol isi long mekim sapos wanpela man o meri i luksave olsem God i redi tasol long givim helpim na sapot na tu long givim progivnes na save. Long save na ekspiriansim luv, helpim na marimari bilong God aninit long Jisas, i save givim strongpela tingting na bilip long bungim olgeta samting wantaim luv na bilip long yu yet na i no long i gat pasin bilong pret.

*Laiplain*



# Welkam hom Steven Warapen

BIKNEM Sepik raskolman, Steven Warapen, bilong ples Urip long Dagua eria insait long Is Sepik provins, i pinisim long Boram haus kalabus long las wik. Fonde, bihain long em i spenim 30 krismas long mekim raskol pasin na tu kalabus. Hia ol poto bilong FUZO PAUL long Wewak i soim sampela samting i kamap taim Steven Warapen i pinis long kalabus las wik Fonde.



A



B

Poto A: • Ol yangpela man na manki na sampela arapela lain i bung long geit bilong Boram haus kalabus long welkamim Steven Warapen.

Poto B: • Sampela yangpela man i toktok na lukluk long ol tumbuna bilas bilong Steven Warapen ausait long geit bilong Boram haus kalabus bihain long em i ka ausait.

Poto C: • Sampela yangpela man i bung na harim toktok bilong Steven Warapen (putim kep na sindaun namel) long Wewak Hil arere long win haus bilong Wewak Hotel.



C



D


Poto D: • Tupela gutpela poroman bilong Steven i aigris long bilas bilong em.

Poto E: • Ol yangpela i pulap long wanpela bikpela ka na wetim Steven ausait long haus kalabus.

Poto F: • Ol gavman opisa i bung long Wewak volibal graun na welkamim Steven Warapen.



E



F

Ol yangpela bilong Is Sepik provins i paitim toktok na pasim tok pinis long holim wanpela bikpela bung wantaim olgeta nesanel memba bilong provins. Tasol i gat luksave i stap olsem ol i no makim wanpela stretpela taim long holim dispela bikpela bung wantaim ol nesanel memba bilong ol.

Tasol *Wantok* i kisim ripot olsem ol i gat tingting long holim dispela bikpela bung bihain long samting olsem tupela wik. Astingting long holim dispela bung em long toktok na tokaut long ol memba bilong ol long wanem kain ol hevi ol yut bilong provins i gat. Na tu wanem samting ol yut i laikim i mas kamap long provins long helpim ol na ol bai no inap long tingting long mekim ol raskol na bikhet pasin.



## Sande em de bilong malolo

**Dia Edita,**

Mi wanpela Mendi tasol nau mi stap long Hagen. Mi gat wanpela belhevi. Olsem na mi laik autim long niuspepa.

Kantri bilong mipela Papua Niugini em mipela i kolim wanpela kristen kantri. Tasol mi lukim olsem ol bisnis wok long kantri i no tingim dispela. Na save bihainim kristen pasin long wok bisnis bilong ol. I gat tripela ti plantasin long hailans husat i save tokim wokman meri bilong ol long wok long Sande. Nem bilong ol dispela plantasin em Kindeng, Aniam na Kudjip.

Mi lukim olsem dispela em i no gutpela tumas. Bikos Papua Niugini em i wanpela Kristen kantri. Na mipela i mas bihainim na rispektim las de bilong God papa, em long Sande, we mipela mas stap malolo. Na noken mekim wanpela wok. Sol bilong man em i bikpela samting. Olsem na mi askim gavman long lukluk i go insait long ol kain kampani. Na stopim ol long wok bisnis long Sande.

**Paul Ep  
MT HAGEN**

## Kisim ol gred 6 dropaut long joinim PNGDF

**Dia Edita,**

Mi wanpela mangi husat i save laikim tru long ritim Wantok niuspepa na harim nius long radio. Nau mi rait long sapotim pas bilong brata Steven Abal na Johnny Leggy. Pas bilong tupela i bin kamap long dispela niuspepa bilong Mei 2, 1996.

Brata Steven i bin tok long gavman i mas kisim ol gred6 sumatin long kamap olsem ol soldia. Mi askim nau nesenel na provinsal politisen long lukluk na glasim gut dispela askim. Mi bilip em i wanpela gutpela askim. Na kisim ol dispela kain mangi long wok. Bikos dispela bai helpim long daunim bikhet pasin long kantri.

Pait i no samting we ol gred 10 na 12 tasol inap mekim nogat. Ol grasrut tu na ol gred 6 dropaut i ken holim gan.

Long tingting bilong mi, mi lukim olsem mipela i no save long wanem taim bai ol birua bilong narapela kantri i kam salensim PNG. Olsem na nau em i taim bilong kisim ol mangi long joinim PNG Difens Fos.

**Mathew Wamahau  
WEWAK**

# Gavman i no go long stretpela rot

**Dia Edita,**

Mi laik toksave nau long ol pipel olsem kantri bilong mipela Papua Niugini i no moa go long stretpela rot. Mipela ol pipel i kism taim nau.

Lukim prais bilong ol kaikai wantaim klos laplap long stua i go antap pinis. Na tu ol pablik haus sik i sasim mipela moa pe nau. Pe bilong wanpela nesenel balus tasol bilong mipela, Air Niugini tu i go antap pinis. Sem taim mipela i baim moa skul fi nau long ol pikinini bilong mipela, winim taim i nogat fri skul sabsidi.

Raskol pasin i kamap bikpela yet, maski gavman tok namba bilong raskol pasin i go daun. Bultit bilong yupela.

Askim mipela ol grasrut pipel, na bai mipela tokim yupela.

Mipela i no save wokabaut fri long rot wantaim nogat pret, wankain olsem mipela sindaun o slip long haus bilong mipela.

Yupela ol bikman i raun long ka tasol wantaim bodi gad na i no save tu long laip na sindaun bilong ol pipel. Yupela no moa stap wantaim pipel bai yupela save long ol, na makim ol tru long Palamen.

Ol sampela samting moa em hevi long Bogenvil ailan em wanwan gavman i promis long pinisim i stap yet. Hevi ya i winim yia nau.

I no longtaim i go pinis, Deputy Praim Minista na lida bilong Pangu Pati, Chris Haiveta i tok sapos em i winim 1997 nesenel ileksen, wanpela bikpela wok bilong em, em long pinisim Bogenvil hevi.

Maski givim bikpela bultit long mipela ol pipel. Bogenvil hevi em bipo yu na Sir Julius i tok gavman bilong yutupela bai putim moa wok long stretim dispela hevi, taim yutupela fomim gavman.

Kwiktaim yutupela holim ol kankain kibung long Ostrelia, Solomon Ailan, Nu Silan na long Buka ailan, tasol hevi i stap yet.

Olpela praim minista, Paais Wingti tu i bin mekim wankain toktok. Tasol hevi i stap yet.

Mipela ol pipel i nogat bilip tru long yupela ol saveman bilong PNG husat i stap politisian nau. Em i taim nau bilong ol nupela pes olgeta i kisim Palamen.

**Leo Mathew  
MOSBI**

## Olgeta nupela memba mas kisim Palamen long 1997

**Dia Edita,**

Mi laik tokim olgeta grasrut pipel bilong Papua Niugini olsem 1997 nesenel ileksen i kam klostu nau. Olsem na mipela mas tingting gut tru. Na votim ol kendidet.

Sapos yupela save belpen long wanwan memba bilong yupela husat i no tingim yupela, em i taim nau bilong mipela i senisim ol. Mipela mas soim ol olsem pawa i stap long han bilong ol pipel. Na ol memba i noken pilai kaskas long mipela.

Mi bilip olsem olgeta memba long Palamen, em mipela mas rausim ol. Olgeta i no mekim wanpela gutpela wok long mipela ol pipel.

Ol i pait hat long Palamen long apim tasol pe bilong ol. Na mipela ol pipel i kisim taim na stap isi.

Lukim prais bilong ol kaikai wantaim klos laplap long stua i go antap pinis. Na tu ol pablik haus sik i sasim mipela moa pe nau. Pe bilong wanpela nesenel balus tasol bilong mipela, Air Niugini tu i go antap pinis. Sem taim mipela i baim moa skul fi nau long ol pikinini bilong mipela, winim taim i nogat fri skul sabsidi.

Raskol pasin i kamap bikpela yet, maski gavman tok namba bilong raskol pasin i go daun. Bultit bilong yupela.

**Tuk Mata Situm  
LAE**

## Tekwie mekim gutpela wok long Sandaun

**Dia Edita,**

Mi gat wanpela wari we mi laik autim long Wantok niuspepa long pablik i lukim na givim tingting bilong ol long en.

Planti bilong mipela long Sandaun provins i save laik senisim ol lida klostu klostu. Na dispela i no gutpela tumas long ai na tingting bilong mi.

Taim nesenel ileksen long neks yia i kam klostu, mi lukim olsem planti man i wok long mekim ol kankain toktok long gavana bilong mipela long Sandaun, John Tekwie.

Long lukluk bilong mi, mi lukim olsem Mista Tekwie em i mekim kamap ol wok we em bin plen yet long wokim. I gat planti wok we em bin tingting long kamapim long provins bilong yumi long Sandaun.

Olsem na yumi ol pipel bilong Sandaun i mas traim na sensim tingting bilong yumi long dispela samting.

Sampela bilong yumi i ting olsem yumi ol gutpela man bilong toktok. Tasol bai mi tokim yupela olgeta olsem yupela husat kendidet i gat laik long resis, yupela i no hangre long kamapim ples, nogat.

Planti bilong mipela i lukim olsem sampela i laik kisim biknem na pawa tasol na sanap long ileksen. Olsem na mi askim yupela ol pipel long glasim ol man na makim ol gutpela man husat bai givim gutpela helpim long yupela.

**Paul Litbagi  
SANDAUN**

## Plis stretim Timbunke rot

**Dia Edita**

Mi wanpela man bilong Timbunke insait long Is Sepik provins. Na mi laik autim wari bilong mi.

Wari bilong mi i olsem Timbunke rot i bagarap pinis. Na mipela ol pipel i bungim hevi long rot i bagarap. Bikos long dispela, mi laik askim ol bikman bilong gavman na ol arapela atoriti insait long provins sapos ol i gat sampela gutpela tingting long stretim rot bilong mipela ol pipel.

Rot i wanpela bikpela sevis we i save helpim ol pipel. Tasol dispela sevis i no inap long helpim ol pipel sapos gavman i wokim rot na i no tingting long stretim taim rot i bagarap. Mipela ol pipel i traim long lukautim tasol wok bilong stretim rot i no kamap. Mobeta ol lida bilong mipela i mas opim ai bilong ol na lukluk long olgeta sait na kona. Ol i noken lukluk long wanpela sait i kona tasol. Bikos dispela bai kamapim hevi long ol arapela sait.

Mi askim nai provinsal gavman bilong Is Sepik long lukluk na stretim Timbunke rot long helpim mipela ol pipel bilong dispela hap.

**Jackson Kungun  
WEWAK**

## Save stap long wanwan

**Dia Edita,**

Mi laik komplem long memba bilong mipela long Maprik Open, Sir Peter Lus. Tasol pastaim mi laik autim toktok i go long ol pipel bilong Maprik olsem yupela i mas lukluk na opim ai, taim yupela i givim vot bilong yupela long husat man i laik sanap makim yupela long nesenel ileksen bilong neks yia.

Orait, long komplem bilong mi long Sir Peter Lus, mi laik autim olsem em i sanap planti yia pinis long Palamen. Tasol ilektoret bilong em na Is Sepik i provins i no senis liklik. Olsem na mi laik tokim ol Maprik pipel long glasim gut ol man bipo long ol i givim vot bilong ol i go long ol.

Mi no pusim yupela long noken votim Sir Pita. Em i laik bilong wanwan manmeri long dispela. Tasol mi laik bai yupela mas glasim gut ol

kendidet pastaim. Na bihain tromoi vot bilong yupela.

Mi givim tok piksa long ol memba bilong sampela ol arapela provins. Orait, long lukluk bilong mi, ol memba bilong Kimbe o Rabaul i save givim gutpela helpim i go long ol pipel bilong ol.

Ol i save helpim ol long rot, skul na ed pos wantaim tu ol arapela helpim we ol i askim long en. Tasol long Maprik, stap na sindaun em i olsem long bipo yet.

Rot i go long Maprik taun i bagarap na pulap long hul. Na planti ol arapela samting long ilektoret i no stret long sait bilong kamapim developmen na moa.

Em tasol na save o stap long yupela wanwan. Olsem tok mipela ol Sepik isave tok, "mipela olgeta em ol saveman". Olsem na yupela wanwan skelim.

**John Maka**

## Makham maunten pipel no lukim gavman sevis

**Dia Edita**

Mi rait long sapotim na strongim pas bilong brata Wanam Tauf i bin kamap long Wantok niuspepa long las mun (Jun 14) long dispela yia.

Em i tru olsem mipela ol pipel bilong maunten Makham i no bin kisim sampela helpim o sevis i kam long ol memba we mipela i givim vot lon gol. Na ol i win long ileksen na go insait long bikpela haus Tambaran (nesenel palamen) long Mosbi.

Ol bikpela sevis mipela i laikim em rot bilong ka, skul, et pos na sampela bris bilong wokabaut i no bin kamap long helpim mipela.

Olgeta taim ol sevis bai kam na stop tasol long veli na kunai. Mipelai save harim tasol stori bilong ol dispela sevis. Nogat wanpela bilong ol dispela sevis i kam kamap long mipela. Nogat tru ya.

Mipela i save stap wantaim hevi na wari. Bikos memba bilong mipela i no save wokabaut i go antap long ol maunten long lukim mipela. Na em bai luksave long wanem kain ol sevis mipela i laikim o nidim long helpim mipela.

Mi askim ol pipel bilong maunten eria long Makham long lukluk gut long nesenel ileksen long 1997. Na makim wanpela gutpela man we em bai givim sevis o helpim mipela olgeta pipel bilong Makham na i no wanpela o sampela eria tasol.

Mi askim tu ol maunten pipel long Makham long noken seksek long ol samting we i wok long kamap nau. Bikos ileksen i kam klostu pinis na kankain gris pasim na gris samting bai kamap long grisim ol pipel.

**Gipsen Kendy  
KAIAPIT**

### TOKSAVE:

Sapos yu salim OL PAS bilong yu, salim long dispela adres:

P O BOX 1982, BOROKO,  
NATIONAL CAPITAL DISTRICT

• Yu mas putim trupela nem bilong yu long ol pas bilong yu.

## Makim gen Barter long 1997

**Dia Edita**

Mi raitim dispela pas long autim liklik toktok na tingting bilong mi long ol pipel bilong Madang long olpela gavana bilong ol na nau nupela Helt Minista Peter Barter.

Long tingting na luksave bilong mi, mi ting olsem Mista Barter em i wanpela gutpela na stretpela memba long sait bilong mekim wok olsem wanpela nesenel memba long helpim ol pipel. Mi ting olsem em i winim tru ol olpela nesenel memba bilong Madang provins.

Taim Mista Barter i kamap gavana bilong Madang provins aninit long nupela rifom sistem, em i mekim bikpela wok long helpim ol pipel bilong em. Em i soim tru tru olsem em i rijonol memba bilong ol.

Taim em i stap olsem gavana, em i no sindaun tasol long opis o stap tasol long Madang taun. Nogat. Em i yusim helikopta bilong em long go insait long ol rurel eria long luksave long wanem kain hevi ol pipel i gat o long luksave long wanem kain sevis ol pipel i nidim.

Em i mekim bikpela wok long stretim edukesen na helt sistem insait long Madang provins. Em i mekim bikpela wok long skulim ol pipel bilong em long save long nupela rifom sistem.

Mi laik tokim ol pipel bilong Madang olsem ol i gat wanpela gutpela rijonol memba. Bikos ol samting na wok em i mekim i soim trupela piksa we wanpela rijonol memba i mas mekim.

Mi askim ol pipel bilong Madang long lusim tingting long kankain gris pasin na ol arapela samting. Na taim 1997 nesenel ileksen i kamap, ol i mas votim gen Mista Barter olsem rijonol memba bilong ol.

**Jerry Jacob  
MADANG**



# Ol maritman save giamanim ol singel meri

**Dia Edita,**  
Mi laik autim wanpela wari bilong mi long pablik i ken lukim na givim tingting bilong ol long en.

Mi no amamas long pasin we planti maritman i save mekim long ol yangpela singel meri. Nau yet planti maritman i save giamanim ol singel meri

olsem ol i no marit. Na bai prenim ol dispela yangpela meri. Tasol taim ol meri i gat bel, ol man i save lusim ol.

Mi lukim planti meri i karim nating ol pikinini long pren wantaim ol maritman.

Kain pasin olsem i save kamap long planti wokman. Ol i save lusim meri pikinini long

ples na go wok long narapela hap.

Tasol askim bilong mi long ol dispela man em plis, yupela i stap isi na bihainim gut ol lo na stap isi tasol. Dispela pasin i no stret long tingting bilong mi.

Olsem na mi putim tingting bilong mi long Wantok niuspepa, bai maritman i ken ritim

na save. Na senisim pasin bilong yupela.

Husat manmeri i gat sampela toktok long mekim long dispela, autim tingting bilong yu long dispela namba wan niuspepa. Na mi bai amamas tasol long ritim.

**Freda Ben LAE**

## Ol Bogenvil noken votim ol "maus pas" lida

**Dia Edita,**  
Mi rait long sapotim pas bilong Joseph Koike bilong Bogenvil. Pas bilong em i bin kamap long Wantok niuspepa long Mei 30, 1996.

Joseph i tok long pas bilong em olsem sampela nesanel Memba bilong Bogenvil i save mauswara tasol long Palamen.

Mi tu mi lukim olsem ol memba i no wok long sait bilong helpim ol pipel bilong ol long Bogenvil. Ol i wok olsem ol bikman bilong tok "yes" tasol long ol biknem lida olsem Paais Wingti na Sir Julius Chan.

Tru ol dispela i bin kamap taim ol bin vot long rausim pawa we ol Bogenvil pipel i bin pait hat long en long 1975 i kam inap long 1976.

Tupela memba bilong Bogenvil i bin putim han i go antap long Palamen. Na i bin tok ol i no laikim tru ol Bogenvil pipel i kisim moa pawa.

Ol Bogenvil pipel i save kolim tupela memba long tok inglis olsem ol "silence MP's" Long tok pisin dispela i min olsem ol memba bilong pasim maus tasol.

Mi askim ol pipel long skelim gut ol man bipo long ol i givim vot bilong ol long 1997 ileksen. Noken votim moa ol man husat bai no inap mekim mipela gut ol Palamen.

Em tasol toktok bilong mi.

**Aloysius Koike Amum NOT SOLOMONS**

# Ol memba na lida mas bekim leta bilong ol rita

**Dia Edita,**  
Mi no amamas long pasin we ol bikman long gavman, olsem ol ministra na ol arapela Palamen Memba bilong mipela i mekim long i no bekim ol askim we planti grasrut pipel long kantri i save putim i go long dispela pas pes bilong Wantok niuspepa.

Askim bilong mi em bilong wanem as tru na ol bikman ya i no save bekim ol askim bilong mipela.

Mi wanpela man we mi save laikim tumas Wantok niuspepa. Na ritim ol pas long dispela pes long olgeta wik. Bikos dispela ol pas i save givim sampela gutpela tingting long ol samting i kamap long sosaiti, komyuniti, kantri na wol.

Antap long ol arapela nius, ol toktok bilong gavman i save

kamap long Wantok niuspepa tu.

Planti ol kwesiton long pas i save sut i go long ol ministra na ol arapela bikman. Tasol i kam inap long tude, mi no lukim yet bekim i kam long wanpela gavman ministra, memba o lida.

Long wanem samting we ol memba na gavman i save mekim taim ol i raun long ol ovasis kantri, na i no stret o ol kain samting olsem, mipela ol Wantok rita i save rait long autim tingting, belhevi na wari bilong mipela long en.

Dispela tokpisin niuspepa i makim moa long 60 pesen bilong ol pipel bilong dispela kantri, husat i save ritim. Planti bilong ol dispela pipel i stap long ol rureleria, na ol i nogat bikpela save. Tasol ol i holim pawa long taim

bilong vot olsem long 1997 nesanel ileksen.

Em i tru olsem Wantok niuspepa i putim ol pas bilong mipela. Tasol mipela i no lukim yet bekim bilong ol ministra, memba o lida. Dispela tasol i mekim na mi no amamas. Mi bilip planti tausen rita bilong dispela askim bilong mi.

Mi laik tok olsem ol pipel bilong PNG i no longlong, ol i gat tingting, ai na yau. Yu wanpela memba nau long Palamen, tasol bai yu kam bek yet long ples we yu save stap long en long bipo. Na mipela olgeta bai wankain.

Em tasol na tenkyu tru.

**Steven Gurare KIMBE**

# Ol ples mangi mas helpim plis

**Dia Edita,**  
Mi wanpela mangi Mendi husat i stap nau long Hagen. Mi laik salim bikpela tok tenkyu long wok ol plisman i mekim nau long Westen Hailans provins.

Planti raskol pasin i bin kamap long provins. Tasol plis i kisim planti mangi long ples long helpim wok bilong ol plisman.

Olsem na raskol pasin i go daun nau. Bikos ol dispela mangi em ol as bilong raskol pasin. Gutpela long plis i luksave long dispela. Na givim sampela kain wok long ol mangi husat istap nating long mekim.

Mi laik askim ol arapela provins bilong Papua Niugini long lukim wanem senis i kamap nau long Westen Hailans. Na bihainim long provins bilong ol. Kisim ol ples mangi long helpim ol plisman daunim hevi bilong lo na oda. Dispela em i wanpela gutpela rot bilong mekim PNG i kamap gutpela ples bilong mipela olgeta pipel.

Gavman noken westim taim long kisim olsaveman. Ol dispela saveman i no save mekim gut wok bilong lukautim lo na oda. Ol i save paulim tumas gavman ka, yusim gavman ka long mekim praivet wok olsem go spak, paulim meri na planti moa pasin nogut.

Dispela em strongpela toktok mi tromoi long ol plisman, we mi save olsem ol i no inap amamas long mi. Tasol mi ken tok olsem planti pipel bai sapotim mi. Bikos mipela ol pipel i no aipas bilong ol saveman we ol bai mekim nabaut na mipela bai stap longlong.

Planti save tok wanwan plisman i mekim dispela, na olgeta plisman i kisim nem nogut. Mi bai tok olsem planti plisman i mekim dispela, na wanwan gutpela plisman i kisim nem nogut.

**Paul Nande MT HAGEN**

## Solomon Ailans gavman mas tingting gut

**Dia Edita,**  
Mi laik autim wanpela wari bilong mi i go long gavman i ken lukim na mekim sampela samting long en. Wari bilong mi i go olsem.

Long Wantok niuspepa bilong Jun 14 1996, mi bin ritim stori bilong wanpela BRA bot opereta, Thomas Pinau.

Em i givim ful ripot long ol samting we i bin kamap long en long taim em i wok long karim ol BRA na husat moa i go na i kam namel long Bogenvil na Solomon Ailans.

Long ripot bilong em, em bin tok olsem ol BRA paitman i save kisim saplai long ol samting bilong pait long Solomon Ailans. Dispela em ol saplai olsem gan, katres, sut marasin, kaikai na plan-

ti ol arapela samting moa.

Olsem na gavman bilong yumi long PNG i noken aipas na poinim pinga i go i kam. Sapos gavman i gat ai, em bai luksave olsem Solomon Ailans gavman i stap insait long go hetim hevi long Bogenvil.

Sapos dispela toktok bilong Pinau em i tru, mi laik autim tingting bilong mi olsem Solomon Ailans i mas tingting gut na sapotim BRA. Long wanem planti PNG lain i dai long dispela hevi we Solomon Ailans i stap insait tu long en.

Mi laik askim olsem gavman bilong Solomon Ailans i gat wanem kain birua wantaim Papua Niugini.

**Muksie Lota MT HAGEN**

## Rausim ol "bia pes" bos long Wewak

**Dia Edita,**  
Mi wanpela mangi long Wewak taun, Is Sepik provins. Mi no amamas long wanpela pasin sampela bosman long opis i save mekim. Dispela em long grisim ol wokman long baim bia bilong ol.

Sapos yu wanpela wokman na yu no baim bia long wanpela bos olsem em i askim yu, dispela bosman bai was gut long yu. Na sapos yu mekim wanpela liklik rong o yu no toksave na go long sampela hap we wanpela hevi i kamap, bosman ya bai katim pe bilong yu. Mi lukim olsem dispela kain pasin i no gutpela tumas.

Mi laik tok olsem yu wanpela bosman em yu wok mani bilong yu.

Na i no gutpela long yu mekim olsem long ol wokman bilong yu.

Mi laikim edministreta na gavana long lukluk i go insait long dispela. Na rausim ol dispela kain bos.

Sampela bosman em ol "bia pes" tumas.

**Kenny Wangs, WEWAK**

## Nupela man mas resis long Tari-Pori ilektoret

**Dia Edita,**  
Mi wanpela mangi bilong ples long Tari eria bilong Sauten Hailans provins. Mi laik autim wanpela tingting bilong mi.

Mi harim olsem long neks yia 1977, nesanel ileksen bai kamap. Na planti man i toktok pinis long sanap long Tari/Pori ilektoret.

Wanpela tingting bilong mi tasol em mi no laik bai ol olpela memba husat i bin stap long olpela Tari/Pori provinsal gavman i sanap long ileksen bilong neks yia.

Mi mekim dispela toktok bikos dispela ol man i gat sans bilong ol pinis. Na i no mekim gutpela wok tumas. Na dispela ol ples i no kisim gutpela helpim i kam liklik long gavman.

## Isi liklik long wel sanda

**Dia Edita,**  
Mi laik autim tingting bilong mi. Dispela em long wanpela samting we mi lukim i no go daun stret long bel bilong mi. Dispela em long bilas bilong ol meri long Papua Niugini.

Ol susa, mi no gat kros long bilas bilong yupela. Tasol yupela i ting bai yupela i bihainim wanem rot tru?

Mi no wanbel long rot we sampela meri i save bilas. Bikos sampela bilong yupela i save laik daunim olgeta man. Tasol mi laik

i gutpela sapos ol nupela man i sanap resis long dispela sia.

Mipela i save olsem planti long yupela ol saveman i save laik kisim bikpela mani na go lukim ol ovasis kantri. Na tu amamas long baim ol gutpela samting bilong yupela long siti.

Mipela ol grasrut long ples i save long pasin bilong pilai politik nau. Bikos mipela i putim vot bilong mipela planti taim nau. Na mipela i save long wanem samting dispela mak bilong mipela long vot i sut long en. Na noken ting olsem mipela bai tromoi vot nating long gris toktok na mani.

Dispela em i taim bilong bipo. Nau yupela kam na traim. Sore tumas long yupela.

**Hari Etako TARI**

tokim yupela olsem long ai bilong God, yumi olgeta i wankain.

God i save long bel bilong yumi wanwan. Dispela bodi we yumi lukautim gut wantaim marasin na ol kain bilas, klos na sanda na pauda we i dia tumas bai i go insait long graun. Plis ol susa, tingim dispela na noken so op tumas long bilasim skin bilong yupela. Em i orait, laik bilong yupela wanwan. Olsem mipela laik givim sampela tok stia tasol.

**Pure Yasi na Bui-Yebi MENDI**

## Boi Sigri painim susa Rebecca

**Dia Edita,**  
Mi painim susa bilong mi nau. Dispela susa i bin lusim mi long 1988 taim em i go long Mosbi siti. Stat long dispela taim i kam inap nau, em i no save rait i kam liklik o

ringim mi long telipon. Nem bilong susa ya em Rebecca Caina Mek. Ples bilong mitupela em long Sigri insait long Westen Hailans provins. Mi askim nau ol Wantok niuspepa rita husat i save long

Rebecca long rait long mi. Hia em adres bilong mi:

Joseph Yasi, New Apostolic Church, Kundiawa, Simbu Province.

Telipon namba bilong em em : 52-2461. Na eks namba em 52-3668.

**Joseph Yasi KUNDIAWA**

## Stap isi na kisim royelti

**Dia Edita**  
Mi wanpela manki Talsea long Wes Nu Briten provins. Mi no save amamas long pasin ol pipel bilong Kombe i save mekim.

Taim mi stap long Silovuti na wok long wanpela kampani bilong Korea, mi save lukim ol pasin bilong ol asples Kombe. Na mi no save amamas tumas long kain pasin bilong ol.

Pasin ol i save mekim i olsem taim ol man long arapela provins o ples i laik kam na wok long dispela kampani, ol asples Kombe i save jeles nating long ol na tu sampela taim i save paitim ol lain bilong ol arapela provins na ples. Na tu ol bai go na toktok planti long ol bos long ol yet i mas wok.

Mi no klia tumas. Ating gavman i save larim ol ovasis kampani long kam na wok long wanwan eria insait long PNG na kampani bai kisim ol wokmanmeri bilong en long dispela eria tasol o olsem wanem?

Mi lukim dispela pasin bilong ol asples Kombe i go na mi no amamas tumas. Bikos dispela em i no gutpela pasin. Kampani i gat rait long kisim wanem ol manmeri ol i ting i gutpela long wok o i gat save long mekim wok. Disisen i stap long kampani na i no long ol asples pipel.

Mi askim ol asples Kombe pipel long lusim dispela pasin bilong ol. Na ol i mas stap isi tasol na larim ol pipel bilong ol arapela provins i mekim wok. Na ol (asples pipel) i ken stap isi tasol na kisim royelti mani.

**Bunng Mark Don KIMBE**





# WANTOK PABLIK NOTIS

Sapo yu laik advertais, telepon 325 2500 na askim long

Miri Aiori Ext. 214  
Jeffrey Maliou Ext. 215  
Jack Mahuru Ext. 217

**CAC**  
Papua New Guinea

## Konsuma Afeas Kaunsil

### PABLIK NOTIS

Dispela toksave i go long ol pipel long pablik olsem Rijnol Opis bilong Konsuma Afeas Kaunsil long Hailans Rijnol i no moa stap long Goroka olsem bipo. Rijnol Opis bilong Konsuma Afeas Kaunsil i stap nau long Maun Hagen.

Hia em edres, telipon na feks namba bilong opis:

Consumer Affairs Council  
Highlands Regional Office  
P O Box 1787  
MT HAGEN  
Western Highlands Province

Telephone: 542 3001  
Fax: 542 2316

Opis i stap long we: Kapal Haus

Sapos yupela i gat komplem long sampela samting o sevis we yupela i baim o kisim, plis noken pret long toksave long ol opisa bilong mipela long edres, telipon na feks namba i stap antap.

Daniel Y. Kapi  
Eksekutiv Dairekta

# MIPELA I SALIM

## THE Independent



**BAIM WANPELA KOPI  
TETE NA LUKIM OL  
NIUS BILONG PNG,  
WOL NA KAIN  
KAIN NIUS  
BILONG  
SPOT TU.**

*Pepa  
bilong yumi  
stret!*

# BAIM NA RITIM!



## Pres Stetmen

Julai 05, 1996

### Yaki askim Gavman long rausim 'USER-PAY' polisi



Oposiesen Lida i tok olsem protes mas we ol tesian sumatin insait long kantri i putim kamap long gavman i mas rausim USER-PAY polisi i soim olsem ol pipel i no inap moa long spenim mani long kisim o yusim ol samting na sevis nau long dispela taim we kantri i gat bikpela hevi long ekonomi we gavman yet i kamapim. Protes mas ol sumatin i holim i min olsem gavman i mas rausim olgeta dispela polisi.

Wanem samting ol sumatin i mekim i bihainim ol toktok mi bin wok long toktok we ol polisi Wol Benk i putim kamap long kantri long bihainim i no givim ol kamapim sampela gutpela samting long ol hevi we planti famili i wok long i gat o bungim nau long dispela taim nogut bilong ekonomi bilong kantri. Pastaim long dispela protes mas ol sumatin i holim, sampela tesian institusen, sumatin representativ kaunsil, ol papamama na ol arapela pipel long pablik i tokaut olsem ol i no amamas long ol nupela skul fil we gavman i putim kamap long ol long baim aninit long dispela USER-PAY polisi. Gavman i mas luksave olsem ol papamama bilong dispela kantri i painim hat tru long baim ol dispela fi.

Ol pipel bilong dispela kantri i no inap long bihainim dispela polisi. Olsem gavman bilong ol pipel, gavman i no inap long go het wantaim wanpela polisi we ol bai painim hat long bihainim taim gavman i sapos long kamapim sampela gutpela samting long namba wan taim long mekim isi long ol long kisim gutpela mani. Bikos dispela bai mekim ol pipel long tok yes na ol bai amamas long kain polisi olsem.

Dispela USE-PAY polisi i kamap long taim we ol pipel i mas putim han i go insait tru long poket bilong ol long sevim gavman bilong nau yet long bungim bikpela hevi. Ol pipel i bin larim tok na bihainim stat long taim gavman bilong nau yet i kisim opis long 1994. Prais bilong ol samting na sevis i go antap tru long dispela taim bilong hevi. Gavman i wok long askim na tokim yet ol pipel bilong dispela kantri long sakrifais moa moa yet.

Watpo? Praim Minista i tokaut olsem mipela bai i gat planti mani. Namba wan 6-pela mun bilong 1996 i go pinis. Olgeta pipel bilong dispela kantri i wok long sakrifais yet. Gavman i nogat mani yet. Prais bilong ol samting na sevis i wok long surik i go antap yet wantaim nogat gutpela kontrol. I nogat sain o mak yet bilong mipela bai i gat planti mani. No man i save long wanem taim ol pipel bai stop long sakrifais. Gavman i go het yet long stil long supafan kontribusen bilong ol pipel. Na lista i go moa moa yet.

Gavman i no stretim gut ol astingting bilong en pastaim long putim kamap dispela USER-PAY polisi. Gavman i daunim strong na velyu bilong kina taim em i wokim disisen long divelyuim na floting kina. Gavman i pinisim Prais Sapot Skim we i bin wok long helpim ol ruel pipel bilong dispela kantri. Gavman i rausim planti milien kina kontribusen bilong ol liklik pipel long ol supafan long fandim ol invesmen we i no gutpela. Gavman i no fandim gut rifom sistem insait long kantri. Gavman i no kamapim sampela gutpela samting na wok long helpim ol pipel long kisim inap o gutpela mani long yusim dispela USER-PAY polisi.

Long nau yet i nogat gutpela polisi i stap long kirapim tingting bilong ol pipel long go insait long kirapim ol kes ekonomi wok o dikim graun bilong ol, PNG kopi, kokonas, kakao, raba na welpam groas i no wankain olsem ol groa bilong ol arapela kantri we ol i wok long yusim ol nupela samting we i moa gutpela long ol samting ol fama insait long ol ples long PNG i wok long yusim.


I nogat wanpela gutpela samting gavman bilong nau yet i putim kamap long mekim ol pipel i surik i go antap long gutpela level we ol i ken kisim dispela USER-PAY polisi wantaim belisi na wanbel. Laik na tingting ol pipel i gat long surik i go antap na wok i go het i kalabus o stap insait long banis pinis aninit long ol hevi we kantri i wok long i gat o bungim nau long dispela taim.

Krai na askim bilong ol sumatin, i no skul fi bilong ol tasol, i mas kisim gutpela luksave i kam long gavman. Na bihainim dispela, gavman i mas rausim dispela USER-PAY polisi. Planti milien kina go lus nating bihainim ol pasin nogut na disisen nogut we i no kamapim gutpela invesmen. Mani i go long divelopim ol pipel em mani i go long gutpela na stretpela invesmen. Gavman i noken ranawe long dispela wok.

Olsem na mi laik tok gen olsem dispela USER-PAY polisi we Wol Benk i putim antap long gavman bilong PNG i no gutpela long tupela bikpela sosel sevis eria bilong Helt na Edukesen. Planti pipel bilong mipela i no inap long baim ol dispela sevis. I moa gutpela long yusim dispela USER-PAY polisi long ol eria olsem Poreporena Friwe taim olgeta wok i pinis o ol bikpela haiwe insait long kantri. Tasol i no long edukesen na helt sekta long dispela taim.

Mi lukim olsem sapos gavman i no rausim dispela USER-PAY polisi, edukesen sistem bilong mipela, bikpela tru long ol tesian institusen, bai bungim bikpela hevi tru. Ol saveman na meri bilong bihain taim bilong kantri bai bungim hevi aninit long gavman bilong nau yet.

Gavman i tokorait pinis long askim bilong ol sumatin long baim skul fi bilong ol long namba taim long dispela yia i soim olsem dispela USER-PAY polisi bilong en i no inap wok. Gavman i wok long soim olsem dispela polisi i wanpela polisi nogut. Dispela i soim ples klia olsem gavman i bin kisim na putim kamap wanpela polisi we i no gutpela.

  
HON ROY YAKI, LLB MP  
Lida bilong Oposisen





# PNG NESENEL CIS OSH SENTA

## Dipaten bilong Industri Rilesen



I laikim ol nominesen bilong Sefti Awod bilong 1996 long tripela grup o seksen:

1. Gutpela sefti wokman bilong 1996 long wanwan industri.
2. Gutpela sefti praktisina bilong 1996 long wanwan industri.
3. Gutpela kampani husat winim planti milien aua bilong wok wantaim nogat taim i lus o bagarap i dai i kamap long ol wokmanmeri long wanwan industri.

### Astingting:

1. Long givim luksave long ol institusen/oganaisesen husat i givim luksave na bihainim ol lo bilong sefti na helt.
2. Long mekim ol industri institusen i luksave long sefti program na ol i mas traime long abrusim ol birua long kamap long ol wokmanmeri.
3. Long kirapim tingting bilong ol industri institusen na ol wokmanmeri long sait bilong sefti na helt na long kamapim gutpela wokbung namel ol institusen long kamapim gutpela na helti wok envairomen.
4. Long kamapim grup wokbung long kamapim ol wok ples we i helti na nogat birua.

### APLIKESAN FOM

Katim dispela fom na salim long:

Sonia Obara, Acting Director  
Awards Committee  
PNG National CIS OSH Centre  
Department of Industrial Relations  
P O Box 5308, Boroko

#### A.

Nem bilong kampani: \_\_\_\_\_  
Edres : \_\_\_\_\_  
Telipon No. : \_\_\_\_\_  
Feks No. : \_\_\_\_\_  
Industri Klasifikesen : \_\_\_\_\_  
Industri Asosiesen : \_\_\_\_\_  
Wok o sevis kampani save provaidim: \_\_\_\_\_

#### B.

1. Husat i salim aplikesen: \_\_\_\_\_  
Posisen : \_\_\_\_\_  
Telipon No. : \_\_\_\_\_  
Feks No. : \_\_\_\_\_  
Siknesa : \_\_\_\_\_

2. Nem bilong sief eksekutiv opisa/menesing dairekta: \_\_\_\_\_  
Siknesa: \_\_\_\_\_

Mipela bai selektim ol kendidet aninit long ol dispela grup:

1. Agrikalsa na Fising
2. Konstraksen
3. Forestri na Loging
4. Transpot na Storage
5. Manufekturing
6. Maining
7. Hoisel/Titail
8. Ilektrisiti na Ges
9. Mes midia na Komyunikesen
10. Resturen na ol Hotel
11. Fainens Insurens na Ril Estet
12. Pablik Edmin na Difens
13. Seniteri na ol wankain Sevis
14. Pesenel Haushol
15. Wara Woks na Saplai
16. Sosel

Seleksen kraiteria bilong ol kampani:

#### 1. Sefti Polisi

I gat polisi ol i raitim na ol bos i mas tok klia long dispela polisi long ol wokmanmeri. Taim yu salim aplikesen, salim tu sefti polisi bilong kampani na wanem rot kampani i save mekim ol wokmanmeri i luksave long dispela polisi.

#### 2. Sefti na Helt oganaisesen

I mas i gat gutpela rot bilong mekim ol wokmanmeri i luksave long sefti stat long ol menesa i go daun long ol supavaisa. Ol menesa na supavaisa i mas

mekim wok long lukim olsem ol wokmanmeri i luksave long helt na sefti bilong ol. Dispela i min olsem ol menesa na supavaisa i mas kontrolim na lukautim sefti na helt bilong ol wokmanmeri.

Plis taim yu salim dispela, yu mas salim tu oganaisesenel chart bilong kampani wantaim wok bilong wanwan bos i save mekim long lukim olsem ol wokmanmeri i gat sefti na helt long wok bilong ol.

#### 3. Sefti Program

Kampani mas i gat wanpela gutpela sefti program we i soim ol rot bilong mekim wok aninit long astingting bilong sefti na helt. Na tu i mas i gat baset bilong lukautim dispela tupela samting. Top menesmen i mas lukluk na rivyuim program olgeta taim.

Salim tu sefti program bilong kampani na baset bilong wanwan yia bilong ol sefti wok na samting.

#### 4. Sefti na Helt Komiti

Sefti na Helt Komiti i mas holim bung klostu klostu. Na ol minit bilong miting i mas go long PNG Nesenel CIS OSH Senta, Dipaten bilong Industri Rilesen.

Salim tu Sefti na Helt Oganaisesen na ol minit bilong miting.

#### 5. Sefti Trening

##### (a) Ol menesa/supavaisa Sefti Trening

Ol menesa/supavaisa i kisim ol sefti kos na spesel sefti kos long ol spesel eria.

##### (b) Wokas Sefti Orientesen

Olgeta wokmanmeri i kisim fomal sefti orientesen kos na ol sefti samting we ol i raitim long en.

Tokaut long wanem kain ol sefti trening kampani i save givim. Tokaut tu long hamas wokmanmeri i kisim wanem kain ol trening.

#### 6. Sefti Promosenel Wok

(a) Kampani i save putim kamap ol promosenel samting na ol menesa na wokmanmeri i save stap insait long winim prais long mekim gutpela wok. (Tokaut long wanem kain ol promosenel samting kampani i save putim kamap)

#### 7. Self-Regulesen bilong Sefti

##### (a) Sefti Inspeksen

Ol supavaisa na sefti komiti memba i save karim aut sefti inspeksen. I mas i gat ol inspeksen gaidlain na ol arapela samting.

(Tokaut long ol rot bilong karim aut inspeksen na ol arapela samting)

##### (b) Ol Sefti Lo

Ol gutpela na stretpela sefti lo i mas go aut long wanwan wokman na wokmeri. Na i mas i gat gutpela lo long lukim olsem olgeta wokmanmeri i mas givim luksave na bihainim ol dispela lo.

##### (c) Sef Opereting Prosida (SOPs)

Olgeta operesen we i ken kamapim hevi na birua i gat dispela hap tok SOPs. Na ol rot bilong bihainim i save go aut long olgeta wok lokesen. (Sapos i gat, orait salim ol sefti lo na sefti operesen prosida)

#### 8. Birua

##### (a) Wok Sekap long ol Birua

Wok sekap i mas kamap longol birua i kamap. Dispela wok sekap i mas givim sampela rot long abrusim wankain birua long bihain taim. Ol ripot bilong wok sekap i mas go long Opis bilong Wokas Kompensesen na Leba Edmin Divisen long Dipaten bilong Industri Rilesen.

##### (b) Namba bilong ol Birua

1. Gutpela long yusim namba bilong ol birua i bin kamap long traime na kamapim ol lo na program long stopim kain ol hevi long kamap gen.
2. Gutpela long yusim namba bilongol birua i kamap long lukluk na stretim ol samting na wok. Menesmen i mas rivyuim ol dispela samting.

#### Namb bilong ol birua i kamap

1995 1996

Namba bilong ol birua i go long luksave bilong OWC, L.A.


Olgeta man-Ol de i lus

Olgeta man-ol aua ol i wok

Frikwensi Reit

Severiti Reit

Opisa i tokorait long dispela edvaismen:

  
GEORGE R VASO  
EKTING SIEF KOMISINA





• PMSA soka eksen long tupela wik i go pinis. Pilai ya i bin kamap namel long Blue Kumuls na Guria. Blue Kumuls i bin winim dispela pilai.



• Ol Tarangau sapota bilong Murray Intanesenel Praimeri Skul. Ol i bin sapot long taim ol skul mangi i holim spots kanivel bilong ol.

# OL LAS WIKEN EKSEN POTO





• Kas nogut ya bilong Keezang i kaikai tit wantaim na i laik kikim bal. Dispela em pilai namel long Keezang na Illimo.



• ANTAP: Wanpela junia tim bilong ol skul bois soka resis long Mosbi. Ol yangpela ya i save hatim skin long olgeta Sarere monin.

• LEPHAN: Kas nogut ya bilong Keezang i kaikai tit wantaim na i laik kikim bal. Dispela em pilai namel long Keezang na Illimo






• ANTAP: Ragbi lig eksen bilong Pot Mosbi Ragbi lig las wiken. Pilai i kamap namel long ol Souths na Defence.  
 • LEPHAN: Netbal i on gen, Netbal resis long Mosbi i stat pinis na save gat planti sapot tru long ol pablik.



• PNG Wimens Bowling Asosiesen i kisim K2,640,10 helpim i kam long Trukai las wik.



• Lahanis na Kumul fulbek David Buko husat i pilai liklik taim tasol wantaim Magani long PRL resis.




• Netbal eksen long Rita Flynn kot.



• Wanpela Defence palaia i redi long daunim wanpela Souths pilaia long Mosbi lig resis.





**LUKAUT...** • Dispela tim em i wanpela nupela tim bilong Tarangau husat i resis insait long divisen 2 bilong Mosbi soka resis. Tim ya i wanpela nupela tim we i save soim strong bilong en long pilai soka. Ol pilaia long baksait, lephan i go long raithan, em: Tikio Piska (kosa), Benny Sokara, Issac Himsen, Andrew Fred na Jonathan Serupi. Namel - Alex Naituk, Eugene Wamaingu, Daniel Jarang, Ronald Yabubi na Stanley Morris. Fran - Kenneth Piska, Uli Wibi, Kone Agavi, Rex Tara na Issac Yanuwe. *Poto: Robert Kanabote.*

## SPOTS NIUS BILONG DISPELA WIK

### PNGFA bai kisim K1 i kam long FIFA

PAPUA Niugini Futbal Asosiesen (PNGFA) presiden Peter Mommers i kam bek wantaim gutpela nius bilong soka long Federesen Intanesenel Futbal Asosiesen (FIFA) Kongres long Zurich, Switzerland.

Na bihainim dispela miting, Mommers i tokaut olsem FIFA bai givim K1 milien i go logn PNGFA long redim tim bilong pilai long wol kap soka resis long yia 2002. Dispela mani em PNG bai kisim long yia 1998 long redi long dispela bikpela pilai.

FIFA tu i tokaut olsem Papua Niugini bai joinim narapela 9-pela kantri insait long wol long pilai long Olimpik Geims long Sidni long yia 2000..

Mommers i tokaut olsem bihain tasol long Wol Kap resis long 1998, FIFA bai lusim dispela mani i go aut long PNG.

Dispela Mommers i tokaut olsem i gutpela long PNG long wanem FIFA i luksave long Osenia eria na PNG i wanpela bilong dispela hap we FIFA i givim bikpela sapot tru i kam.

FIFA i bin tokaut olsem PNG i joinim 197 soka kantri husat bai kisim dispela mani inaplong K1 milien bihain tasol long 1998 Wol Kap resis long helpim long sait bilong administresen na teknikel sait.

### Defence helpim pilaia bilong em yet

DEFENCE Soka Klab insait long Pot Mosbi Soka Asosiesen i helpim goli bilong ol Robert N'dramoi wanpela sampela liklik

helpim we em i ken sapotim em yet long stap insait long trening kem long Lae.

Presiden bilong Defence Soka Klab Parkop Komet i bin presentim wanpela soka su na K100 poket mani i go long pilaia bilong em na i mekim bikpela singaut olsem ol narapela klab husat i gat ol pilaia i stap long trening kem i mas mekim wankain pasin long sapotim ol pilaia bilong ol.

### PNG Volibal kisim moa nem nogut

VOLIBAL insait long Papua Niugini i wok long kisim nem nogut nau bihain long Nesenel kapital Distrik Skul Volibal developmen skwat i no nap kamap long Osenia sempionsip long Melben long dispela wik. Presiden bilong Volibal Australia Barry Couzner long wanpela pas em i salim long Peter Miliken man husat i ronim junia voliba i tok olsem "Mi kalap nogut tru long painim aut olsem yupela i no nap long salim tim i kam long dispela tonamen long wanem yupela i no bungim deitlain bilong dispela resis. Dispela i kamapim planti hevi long volibal Victoria olsem ogenaisa na i no gutpela stret.

Ol mangi ya i sapos long flai aut long Fraide tasol long i nogat inap mani na ol i stap gen na i no kamap long dispela tonamen.

### Nondugl mekim tupela win gen

MOROBE Country Ragbi Lig tim i no nap mekim wanpela moa win taim ol lain nogut bilong Nondugl i winim ol gen long las wik Sarere.

Nondugl i winim ol lain Morobe 34-17 long namba tu raun pilai bilong ol long we i kisim

tokorait bilong Pot Mosbi Ragbi Futbal Lig (PRL).

Nondugl Ragbi Lig i bin kamapim tupela tim em Reds na Green long pilai egensim ol Morobe. Dispela bikpela pilai em ol lain bilong PRL em namba tu siaman Ben Diau, Vipers Kwinslen Menesa Rob Cochrane na siaman bilong PRL selekta Peter Banaga i bin kamap.

### PNGSF kisim helpim bilong BHP

BIKPELA maining kampani BHP PNG Pty Ltd i helpim Papua Niugini Sports Federation wantaim mani inap long K50,000 bilong wanpela yia olgeta. Na dispela mani em PNGSF seketeri jenerel John Dawanincura i tokaut olsem bai i go long helpim ol PNGSF long redi long Operesen Gol bilong ol long yia 1997.

Toktok long taim bilong kisim dispela mani, Pablik Relesen Eksekutiv bilong BHP Yeihura Herewazi i tok olsem BHP i amamas tru long sapotim spots insait long PNG long wanem em i wanpela rot bilong mekim ol man i stap helti na stap longpela taim moa.

### Kundiawa Warriors bosim Inta Siti Poin lata

KUNDIAWA Warriors ragbi lig tim bilong inta siti kap resis i bosim yet poin lata bihain long ol i bin mekim bikpela win stret egensim ol Mendi Muruks long las wiken. Warriors i go pas olgeta long poin lata nau wantaim 9 poin Olgeta. Bihainim ol em Mendi Muruks 7 poin, Lahanis, Cowboys, na Eagles 6 poin, Bombers na Guria 5 poin na Globetrotters 2 poin.

## PMSA skwat seleksen wansait

*i kam long pes 24*

Long dispela seleksen sait, Koima i tok em i bilip olsem tim bilong em Momase i sapos long gat 4-pela pilaia insait long dispela skwat. Bikos ol dispela pilaia i soim ol yet olsem ol i gutpela tru long ol posisen bilong ol.

"Long sait bilong Momase, mi bilip olsem goli bilong mipela wantaim swipa tupela i mas stap insait long dispela tim. Tasol ol selekta i no makim ol na mi lukim olsem dispela seleksen i no gutpela na i wansait olgeta," presiden bilong Momase soka klab i tok.

Long nau yet, PMSA i tokaut pinis long skwat bilong en long go long dispela nesanel sempionsip. Tasol ol i no tokaut olsem husat tru bai kosim dispela tim bilong PMSA.


Narapela samting tu Koima i askim em wanem taim tru bai PMSA i mekim presentesen bilong 1995 sisen. Na givim aut ol tropi long ol klab na ol pilaia bilong ol.

Operesen bilong PMSA i no stap gut nau bikos Wantok i traim long kisim toktok bilong ol tasol i nogat wanpela bekim i kam bek.

Long dispela as tasol na planti klab opisal tu i paul nabaut long ol poin lata. Long wanem i gat tupela moa pilai i stap yet bipo long PMSA i go insait long raun namba 2



# WANTOK SPOT



# Bebi: Kumul tim mas gat planti yangpela pilaia

SIAMAN bilong ol nesenel selekta bilong PNG Kumuls ragbi lig tim, Peter Bebi i laikim olsem planti yangpela pilaia i mas stap insait long Kumul tim.

Bebi i tok em i laikim planti yangpela pilaia long tim bikos planti yangpela pilaia i soim olsem gem bilong ol i paia lait moa. Na ol i gat gutpela sans long pilai long ol yia i kam bhain.

## JOE KANEKANE i raitim

Toktok blong Bebi i bhainim tasol kain stail bilong sampela yangpela pilaia husat i bin pilai long gem wantaim Nu Silan na Tonga.

"Mipela i gat bikipela plen bilong ol yangpela pilaia," em i tok.

Em i tok taim ol i bin makim em olsem siaman blong ol nesenel selekta, namba wan

tingting bilong em i bilong givim sans long ol yangpela pilaia long pilai insait long ol nesenel tim.

Em i tok wanpela bikipela samting tru em i bin wokim em long rausim planti olupela Kumul pilaia long Wol Kap tim las yia na putim ol nupela pilaia i go insait long tim.

"Planti man i bin egensim mipela na i tok mipela bai lus nogut tru. Tasol mipela i soim olsem disisen bilong mipela i bin kamap gut. Bikos ol pilaia i bin pilai gut tru", Bebi i tok.

Bebi i tok tu olsem long Wol 9 salens long Fiji, em wantaim ol selekta bilong em i makim wanpela nupela sait we ol i lusim planti olupela pilaia na dispela tim i kamap namba tu.

Bebi i skruim tok moa olsem taim em i bin kisim opis, em i bin statim dispela tingting bilong glasim pilai bilong ol yangpela pilaia na traim long givim sans long ol long stap insait long ol tes tim.

"We bilong glasim ol pilaia taim ol i yangpela yet i gutpela. Long wanem ol selekta i ken i gat ol kain aidia sapos i gat sampela senis long stail bilong pilai bilong

ol yangpela pilaia o nogat", em i tok.

Kumul tim bai i gat tupela tes gem long dispela yia-wanpela long namba 9 mun (Septemba) wantaim tim blong Inglen na arapela em Kumul tim bai go long Nu Silan.

Kumul tim i bin stap insait long wanpela trening program long Australia aninit long olupela trena bilong

Brisbane Broncos, Kelvin Giles, husat i tok em i hamamas tru long we sampela pilaia i bin stap aninit long trening program bilong em.

Bebi i tok insait long dispela wanpela wik, ol pilaia i bin lainim planti samting tru. Na tu gem plen we ol i yusim i bin kamap gut tru na em i gat bilip olsem long taim bilong ol bikipela gem, ol bai pilai gut.

## PORT MORESBY SOCCER ASSOCIATION WEEKEND SOCCER DRAW

Saturday July 13, 1996.

Time Oval Division Fixtures

02.30 S/JG 1 U/19 Rapatona vs Sunam  
03.45 S/JG 1 Reserve Rapatona vs Sunam  
02.30 S/JG 2 U/19 Uni vs GFC  
03.45 S/JG 2 Reserve Uni vs GFC

08.00 Bisini 1 D2 Tawala vs H.W. Haus  
09.15 Bisini 1 D2 Cyclone vs Ilimo Bombers  
10.30 Bisini 1 W2 Yellow Pages vs Ilimo Bombers  
11.45 Bisini 1 W1 Telikom vs K/Andra  
13.00 Bisini 1 D1 Kuminindo vs Buresong  
14.15 Bisini 1 D1 Kenmore vs Keweh  
16.00 Bisini 1 P Ela United vs Momase

08.00 Bisini 2 D2 Tarangau vs Nomads  
09.15 Bisini 2 Dw City Kings vs Bell United  
10.30 Bisini 2 W2 Blue Kumuls vs Tawala  
11.45 Bisini 2 W1 Uni vs Sobou  
13.00 Bisini 2 D1 Eastenders vs Sobou  
14.15 Bisini 2 D1 Tarangau vs Wanzesi  
16.00 Bisini 2 P Rapatona vs Sunam

Sunday July 14, 1996.

09.00 S/JG 1 U/19 Ela United vs Momase  
10.30 S/JG 1 P/R Ela United vs Momase  
12.00 S/JG 1 U/19 Telikom vs Babaka  
01.30 S/JG 1 W2 Rapatona vs Kutu  
03.00 S/JG 1 P/R Telikom vs Babaka

09.00 S/JG 2 U/19 Guria vs Blue Kumuls  
10.30 S/JG 2 P/R Guria vs Blue Kumuls  
12.00 S/JG 2 W2 PS Ruts vs Ilimo Bombers  
01.30 S/JG 2 W2 Keweh vs Momase  
03.00 S/JG 2 U/19 Defence vs K/Andra  
04.30 S/JG 2 P/R Defence vs K/Andra  
08.00 Bisini 1 D2 Kenmore vs Nomads  
09.15 Bisini 1 Dw YellowPages vs H.W.Haus  
10.30 Bisini 1 W1 Nomads vs Sunam  
11.45 Bisini 1 W1 Defence vs GFC  
13.00 Bisini 1 D1 Sains vs Ilimo Bombers  
14.15 Bisini 1 P Uni vs GFC  
16.00 Bisini 1 P Telikom vs Babaka

08.00 Bisini 2 D2 Kutu vs Ilim Bombers  
09.15 Bisini 2 W2 Murat vs Tarangau  
10.30 Bisini 2 W1 Guria vs Wanzesi  
11.45 Bisini 2 D1 Sobou vs Kenmore  
13.00 Bisini 2 D1 Murat vs Nomads  
14.15 Bisini 2 P PS Ruts vs B/Kumuls  
16.00 Bisini 2 P Defence vs K/Andra  
Byes Premier: Hoods vs Guria - (Deferred)  
all divisions  
Byes W2: City Kings



**Nogat nau...** Dispela em Elcom basketbal tim bilong ol meri long PS Kantri (Wewak). Hevi nau i olsem ol i no moa soim stail na we bilong ol long pilai basketbal. Bikos Wewak Basketbal Asosiesen i no baim rental fi na papagraun bilong hap graun we ol i save pilai i stopim ol long pilai. Olsem na nogat nau, ol i stap nating.

## PMSA skwat seleksen wansait-Momase presiden

SELEKSEN bilong Pot Mosbi Soka Asosiesen (PMSA) skwat bilong ol man long go pilai long Wabag long nesenel sempionsip i kisim planti toktok egensim dispela seleksen bilong skwat.

Dispela long wanem sampela klab we ol i pilim olsem ol

### RODNEY KAMUS i raitim

i mas i gat moa pilaia insait long dispela skwat i no amamas tumas.

Presiden bilong Momase Soka Klab PMSA, Simon Koima, i tokaut olsem dispela seleksen i no gutpela na i wan-

sait. Bikos em i tok ol selekta i no makim gut ol pilaia bilong PMSA sait.

Koima i mekim dispela toktok bikos em i painim aut olsem tim bilong em, Momase, husat i bin kamap primia tim bilong PMSA long las yia i nogat moa pilaia ol selekta i

makim long stap insait long nesenel sempionsip skwat.


"Mi lukim olsem dispela seleksen i no gutpela tumas. Long wanem klab bilong mi i primia tim na i mas gat 4-pela o moa pilaia insait long dispela skwat bilong PMSA," Koima i tok. *I go moa long pes 23*

# 8-pes Ragbi Lig Nius insait





## Bikpela pait long ol Kumul jesi



**Strongpela man...** Kumul fowat Nander Yer bai pait hat tru wantaim ol kain lain olsem David Westley, Max Tiri, Cedric Kengi, Simon Kundi na David Reeka long tupela seken row posisen bilong ol Kumuls.

### RODNEY KAMUS i raitim

KOSA bilong Papua Niugini Kumuls tim Bob Bennett i tokaut olsem, ol posisen bilong Kumuls tim bilong pilai egensim ol Great Britian long mun Oktoba i gat bikpela resis long em nau bihain long ol Kumuls i bin bagarapim stret sindaun bilong ol Tonga long las wiken.

Bennett i bin tokaut long dispela bihain long ol Kumuls em ol pilaia bilong Inta Siti resis i winim ol Tonga 56-10 na brukim rekot bilong wanpela win bilong ol Kumuls long bikpela skoa stret.

Em i tok olsem i hat tru nau long mekim seleksen bilong ol pilaia long wanem, ol pilaia husat i stap long ovasis i tokaut olsem ol tu bai stap long dispela seleksen bilong ol Kumuls long pilai egensim ol Great Britian long mun Oktoba.

Lukluk long Kumuls tim stat long fulbek i go antap, bai i gat bikpela salens tru i kamap namel long David Buko na Robert Sio. Buko i no bin kisim seleksen long wanem i nogat gutpela toktok i kamap long wanem senta em bai joinim. Tasol Sio bai i gat moa sans long wanem em i holim strong tru nau long dispela posisen bilong em.

Seleksen bilong winga em bai i no nap hat long wanem Bennett i ken pilaim wanpela bilong ol 4-pela senta bilong Kumuls insait long dispela tupela posisen. Tasol i luk olsem James Kops i holim wanpela strong tru nau.

Long senta posisen, em bai bikpela pait tru i kamap namel long David Gomia, John Okul, Marcus Bai na Obert Batia. Tasol sapos Bai wantaim Okul i kisim dispela tupela posisen, Gomia wantaim Batia i ken surik i go long wing.

Hapbek posisen em wanpela posisen we planti man olsem Vickey Moses, David Glipu, Stanley Gene na Adrain Lam bai pait. Tasol i luk olsem dispela posisen em bai stap stret logn han bilong Adrian Lam.

Fiav-eit em i luk olsem Stanley Gene, Vickey Moses na Robert Tela gen bai pait long dispela posisen. Tasol lukluk long sait bilong ekspiriens, i luk olsem Gene bai kisim dispela posisen.

Huka posisen em nogat moa toktok i stap long Elias Paiyo husat i bin go pas long ol Kumuls long Wol 9,s resis na tu long pilai bilong ol long Pasifik Kap.

Long sait bilong ol fowats, bai i gat bikpela pait long seken row posisen. I gat tupela posisen tasol. David Westley, Cedric Kengi, Simon Kundi, Max Tiri na David Reeka bai pait long dispela tupela posisen. I luk olsem sapos ol selekta i makim gut, David Westley na Simon Kundi bai kisim tupela posisen ya. Lok fowat em bai posisen bilong Bruce Mamando husat i soim stail bilong em pinis long las yia wol kap resis.

Prop posisen em tupela na i luk olsem Max Tiri bai kisim wanpela wantaim strongpela pilaia Nander Yer.

Tim Bilong Wantok Ragbi Lig em:

- Fullbek: Robert Sio
- Winga: James Kops, Obert Batia
- Senta: Marcus Bai, John Okul
- Faiv-eit: Stanley Gene
- Hapbek: Adrian Lam
- Prop: Max Tiri, Nander Yer
- Lok: Bruce Mamando
- Seken Row: David Westley, Simon Kundi
- Huka: Elias Paiyo

Risev: Robert Tela, Vickey Moses, David Reeka na Cedric Kengi





# Ol Vipers i gat sans long pilai semi fainel

## RODNEY KAMUS i raitim

SANS bilong Pot Mosbi Vipers ragbi lig tim long stap insait long fainels bilong Kwinslen Channel 9 Kap resis i kamap moa gutpela nau bihain long ol i wok long surik isi isi i go antap long poin lata long top 8.

Dispela em i bihainim win bilong ol long las wiken egensim ol Cairns Cyclone long Mosbi we ol Vipers i win long 29-22.

Long dispela pilai tu, winga bilong Mosbi Vipers Seko Pae i kamap tu olsem namba wan trai skora long dispela resis wantaim 13 trai olgeta bihain long man em i resis wantaim em long las wiken i no bin skorim wanpela trai liklik.

Seko Pae em i wanpela spit man tru na trai bilong em long las wiken i bin helpim gut tru ol Vipers long winim dispela bikpela pilai bilong ol.

Tasol gutpela pilai tru i bin kamap long olpela Kumul faiv-eit na Vipers faiv-eit nau Tuksy Karu husat i putim tupela trai, kikim 4-pela gol na wanpela fil gol long helpim ol Vipers long winim dispela pilai olgeta.

Karu i bin masterim gut tru olgeta lain brek bilong ol Vipers na ol strongpela kik bilong em i holim ol Cairns long eria bilong ol yet.

Long dispela kain pilai bilong ol Vipers, ol i gat moa sans long kamap antap long top 8 eria long poin lata na pilai insait long semi fainels.

Long wanem ol tim em ol bai pilai egensim ol em ol tim i stap aninit long poin lata na dispela em bai bikpela sans bilong ol Vipers tru long winim ol na go insait long top 8 eria na mekim i go long grenfainel.

Long dispela wiken, em ol Vipers bai pilaim hom geim namba tu taim gen egensim ol Ipswich Jets husat i stap aninit long poin lata bilong dispela resis.

Ol lain ya bai salensim ol Ipswich Jets long asgraun bilong ol Vipers yet em long Lyold Robson pilai graun. Na dispela em sans stret bilong ol Vipers long bagarapim sindaun bilong ol lain Ipswich Jets long dispela pilai na kisim moa points long helpim ol i go antap long poin lata.

I luk olsem ol Vipers bai i gat moa sans long winim ol narapela tim long wanem dispela ol tim em ol i no strongpela tumas olsem ol narapela.

Nau yet opl Vipers i sindaun namba 9 long poin lata na sapos ol i winim olgeta tripela pilaia bilong ol em i stap yet, ol i gat sans long go insait long ol fainels. Tupela pilai bilong ol Vipers em long hia yet na laspela em bai long Kwinslens.

## Ol yangpela Kumul i soim rot



Second Chance  
wantaim  
JOE KANEKANE

na em i putim tupela trai.

Vicky Moses, maski em liklik man, long sais blong em, em i soim olsem em i wanpela pilaia husait i gat bikpela sans long stap long Kumul sait long ol youa em i kam bihain.

Olgeta taim em i holim bal, em i painim spes, na surukim ol Tonga i go bek moa long sait blong ol.

Sapos em i bung wantaim Adrian Lam, ating bai ol beklain blong Kumul i bai painim plenti spes long ron.

Simon Kundi, Em i putim nam-bawan trai blong PNG. Ol Kumul i mas gat dispela kain fowet, husait i ken pasim bal long tupela han wantaim, o setim ol narapela fowet. Kundi tu, i longpela man na em i gat spid, we em i surukim ol birua na winim sampela spes, pastaim long ol i takolim em.

Nau yet olgeta nesenol tim blong ol arapela kauntri save yusim kain pilaia olsem.

Cedric Kengi, Em i yanpela mangi long dispela Kumul tim, tasol em i soim olsem em i gat moa stail na pawa i stap yet we em i ken pilai long plenti yia bihain.

Long sotpela taim em i kam insait, em i pilai gut tru, na winim ol olpela Kumul fowet, na em i mas stap insait long tim.

Wei blong em long pasim bal, na pilai olsem wanpela raning fowet i stap, na i luk olsem em i stap insait long tim yet.

Tru, ol seleka i gat fainel toktok long wokim tasol long tingting blong mi, dispela ol pilai i mas stap.

Ol olpela pilaia i i gat ol birua long skil blong ol, olsem na taim i mas senis long ol i go aut, na ol nupela i mas stap insait long nesenol tim blong yumi.

MI GAT strongpela bilip olsem bai Kosa blong Kumul Bob Bennett i bai pikim ol yangpela pilaia long stap insait long nesenol tim taim ol pilai wantaim Inglen long septemba.

Mi tok dispela long wanem, lukim stail blong ol nupela pes long Kumul tim ol i pilai wantaim ol wansolwara blong yumi, Tonga.

Mi kirap nogut tru long lukim ol i paiya lait tru long dispela geim namel long tupela kauntri, na long tingting blong mi, kain stail na ol pilai olsem i mas stap long olgeta nesenol tim blong yumi.

Long wanem long dispela taim bai ol pilaia blong yumi husait i wok long pilai long ol ovasis kauntri i bai kam bek long stap wantaim yumi long dispela taim.

Plenti pilaia i pilai gut tru long dispela taim tasol, long lukluk blong mi, foapela pilaia i pilai sap tru, na mi bilip olsem ol seleka i bai pikim ol long stap long Kumul sait.

James Kops, i mas stap olsem wanpela senta/winga long wanem em i bin pilai olsem wanpela ekspiriense pilaia.

Em i ritim geim gut tru, brukum banis blong ol Tonga, painim spes



• Wanpela Tonga fowet i nogat rot long go egensim ol Kumuls long Osenia Kap resis las wiken.

## Kumuls bagarapim sindaun bilong ol Tonga

PAPUA Niugini Kumuls tim i bin kam bek strong tru long pilai bilong ol egensim ol Tonga long las wiken na winim ol 56-10. Na long dispela pilai, ol Kumuls i putim 11-pela trai olgeta egensim ol Tonga husat i putim tupela trai tasol.

Dispela tupela trai bilong ol Tonga i kamap long namba wan hap bilong pilai bihain long ol Kumuls i no strongim difens bilong ol tumas.

Insait long namba wan hap bilong pilai, ol Tonga i bin putim namba wan trai bilong dispela pilai. Ol Tonga i bin kamapim gutpela wok namel long ol fowet bilong ol yet na salim Kui Latuhoi i go insait long skorim namba wna trai bilong ol. Tasol dispela lid bilong ol i no stap longpela

taim olgeta bihain long bikpela fowet bilong Kumuls Simon Kundi i mekim wanpela strongpela ron tru i go i putim wanpela trai. Tasol olpela huka bilong ol Kiwis Duann Mann i kamap wanpela gutpela liklik brek na salim Mo 'ale Tonga i go insait long putim narapela moa trai bilong ol Tonga na ol Tonga i go pas olgeta long 10-4.

Tasol dispela i mekim na ol Kumuls i pilai strong tru insait long namba wan hap moa. Na taim bilong haptaim skoa i bin sanap olsem ol Kumuls 18, na Tonga 10.

Insait long seken hap bilong pilai, olgeta difens long olgeta hap bilong ol Kumuls i strong nogut tru.

Ol Tonga i nogat wanpela sans

bilong skoa. Na taim nupela Kumul pilaia Vicky Moses i go insait long pilai, man em i mekim plenti ol gutpela liklik brek na trai bilong ol Kumuls i ron olsem wara.

Skoa bilong ol Tonga i bin stap wankain tasol long 10 points i go inap long dispela pilai i pinis.

Taim Moses i go insait, em i mekim tupela gutpela liklik brek we wanpela trai Elias Paiyo i putim na narapela em i setim long senta Obert Batia long skoarim.

Dispela tupela trai i mekim na ol Tonga i nogat wanpela sans olgeta long holim ol Kumuls taim ol Kumuls i putim moa trai i go antap long bod long bringim skoa bilong ol i go antap long 56-10 long fultaim.



# Goroka Lahanis selebretim narapela hom graun win

GOROKA lahanis intasiti tim i selebretim yet narapela 24-16 win bihain long ol i daunim sempion Lae Bombers las wiken long hom graun bilong ol long Danny Leahy pilai graun long Goroka.

Dispela win i givim ol boi Lahanis klinpela rekot long winim olgeta 3-pela hom graun inta-siti pilai.

Namba wan taim bilong ol long winim pilai long hom graun bilong ol em ol i nekim NCDC Cowboys long fes raun taim inta-siti kompetisen i bin kik-op na namba tu win bilong ol em ol i bagarapim sindaun bilong Madang Globetrotters long namba 3 raun na las wiken long raun 6 ol i daunim gut tru sempion tim Lae Bombers.

Lahnais i bin lusim tupela aut-sait pilai long han-bilong Mendi Muruks long Mendi (raun 2) na long raun 4 ol i bin kisim taim stret long Kundiawa Warriors.

Long raun 5 taim ol i go aut long provins bilong ol na pilaim Mt Hagen Eagles long Mt Hagen ol i pilai strong tru na daunim Eagles.

Nau yet bihain long Lahanis i rausim trausis bilong Bombers las wiken, ol i surik liklik i go antap long kompetisen poin lata wantaim 8 poin bihainim Kundiawa Warriors husat i bosom nau inta-siti poin lata wantaim 9 poin na Mendi Muruks i sindaun long namba 3 ples wantaim 7 poin bihain long Warriors i nekim ol wansait long Kundiawa las Sande.

Pastaim long dispela bikipela pilai namel long Lahanis na Bombers, tim menesa bilong Lahanis, Marco Corrigan i bin tok em bai yusim dispela sem lain-ap we i bin dastim Eagles na ol boi bilong em bai pilaim strongpela futbol agensim sempion tim Bombers taim ol i kam antap long Goroka long salensim Lahanis.

Toktok bilong menesa Corrigan i karim kaikai na kamapim gutpela risal taim ol mangi long kol-ples i go insait long pilai graun long Sande apinun na kamapim wanpela gutpela pilai agensim ol mangi long Wopa Kantri.

Wantaim bikipela sapot i kam long sapotas bilong ol long

## SAPE METTA i raitim

Goroka, Lahanis skorim 5-pela trai na kikim tupela gol na kamaut wantaim 26 koa i bin win. Na long sait bilong Bombers, ol i skoarim 3-pela trai na kikim wanpela gol we i bringim totel skoa bilong ol i kamap long 14.

Lahanis inap kamaut wantaim bikipela skoa-line tasol 5-pela gutpela trai bilong ol repri bilong Madang Saea Kavora i no givim long ol bikos ol dispela 5-pela trai i kamap long fowat pas. Long kik-op tupela tim wantaim i mekim save long pilai strong tru long ronim bal na takel. Bihain long 5-pela minit bilong pilai Lahanis i tromoi bal i go - i kam na salim senta Maino Wari i go insait na skoarim trai long kona, tasol refri Kavora i no wanbel long dispela trai bikos em i luksave olsem dispela trai i kamap long fowat pas.

Bihain long 10-pela minit long wankain stail bilong ol Lahanis i lukim Wari bihain long wanpela gutpela beklain muv we liklik sais beklain generel Sam Karara i kamapim long skoarim fes 4 poin bilong dispela pilai. Winga Ferdinand Nongkas i misim gol kik tasol dispela i no stapim Lahanis long i go pas wantaim 4-0 soka lain. Bombers i luksave olsem Lahanis i minim tru bisnis tasol ol i no givap na paia bek yusim ol beklain bilong ol long skoa. Faiv et Billy Kinsim i kikim gut konvesen na bringim Bombers i go pas 6-4.

Tanim bek Lahanis i senisim gia i go long 4 wil na wil-wilim ol Bombers i go bek klostu long trai lain bilong ol na kamap wantaim narapela trai em fulbek Oliver John i skoarim na Nongkas i kikim gol long bringim Lahanis i go antap 10-6 stret long hap-taim.

Bihain long sampela strongpela toktok long kosa Leva Tete ol mangi long kolples i go bek insait long pilai graun wantaim moa pawa na bihain long 2-pela minit long kik-op bilong sekenhap bikipela fowat bilong Lahanis David Sari i brukim difens bilong mangi Wopa Kantri na putim narapela trai bilong Lahanis na srukim poin bilong ol i go antap 14-6.

Em nau stat long dispela taim presa bilong pilai i kamap strong namel long tupela tim wantaim na sans bilong skoa tu i kamap hat tru bikos tupela tim wantaim i sanapim strong banis bilong tupela.

Taim Lahanis i ranim bai Bombers i putim ap strongpela difens na taim Bombers i ranim bal, Lahanis i taitim difens lain bilong ol. Ol i mekim olsem i go i go na taim Lahanis i ranim bal, kepten John Markham i luksave long sampela slek difens lain bilong Bombers na mekim wanpela gutpela brek na tanim bek em i lukim Uti Divilake i flai olsem wanpela smok balus i kam bihain long bekim em ap. Isi tasol kepten Markham i salim bal i go long em na em i kukim stret i go na isi tasol putim bal i go daun namel long tupela pos. Nongkas isi tasol kikim bal i go insait na Lahanis i go pas 20-6.

Lukluk long skoa lain i no daunim strong bilong ol Bombers. Ol i kamapim sampela stail bilong ol long pilai futbol na insait long spes bilong 10-pela minit ol i putim tupela kwik trai na i kamap klostu long holimpasim Lahanis tasol taim i abrusim ol. Laspela konveted trai bilong Lahanis em faiv/et na man-of-the-match Fatty Buka i skoarim stret long fultaim na bringim Lahanis i kam aut wantaim 16-14 viktori.

Long hom graun long Goroka, Lae Bombers i go daun na olsem wanem long ol Islands Guria long Dispela wiken? Sapos ol Lahanis i ken holim strong gutpela rekot bilong ol win long hom graun bilong ol yet, Guria bai i ken ekspektim bikipela bagarap taim ol i lusim ailen hom bilong ol na flai i kam antap long kol-ples long bungim Lahnais long Goroka dispela wiken.

Wantaim bikipela sapot bilong ol sapotas long Goroka, i luk olsem Lahanis bai nekim Guria wansait. Sem lain-ap bilong Lahanis we i bin bagarapim sindaun bilong Mt Hagen Eagles long Mt Hagen tupela wik i go pinis na gen bomim Lae Bombers i go daun long Goroka las wiken bai kamap gen long pilai agensim Guria long dispela Sande.

Kepten John Markham ba i go pas long ol fowat, David Sari, Nathan James, James Koronam, Michael Tom na Sam Karara. Patty Buka, Kairo Makeso, Ivan Mosoca, Oscar Zugu, Maino Wari, Ferdinand Nongkas na Oliver John bai lukautim beklain. Sapos sampela bagarap i kamap long taim bilong pilai i gat ol risev pilais olsem Agi Tete, Kuks Poto, Paul Joshua and Uti Divilake long i go aut na kisim ples long pilai. Long sait long Guria, ol i no wanpela netbal tim we ol bai i kam antap long Goroka long pilai netbal, nogat, ol i kam antap antap olsem wanpela inta-siti ragbi lig tim bilong salensim Lahanis.

Las wiken ol i wilwilim na memeim stret Globetrotters long Rabaul. Na dispela i soim olsem ol tu i wanpela strongpela tim. Yumi i no save. Long taim bilong pilai tasol bai yumi lukim strong bilong ol. Nogut ol i kamapim bikipela apset long dispela wiken sapos ol i pilai strong na stapim Lahanis long winim gem.

Ol i gat ol nem pilais olsem Peter Dunn, August Joseph, Solbat Lucas, Rodney Ongugu na Normyle Eremas long i go pas long lain-ap bilong Guria.

Sapos Lahanis i no was gut long ol dispela Guria pilais, ol i ken kamapim bikipela het-pen na tu kamapim sans bilong soka na winim gem.

Sans bilong Lahanis long i go antap na bosim inta-siti poin lata em sapos ol i winim dispela pilai agensim Guria. Kundiawa Warriors husat i go pas nau long inta-siti kompetisen poin lata b ai salensim Madang Globetrotters dispela wiken long Madang. Wantaim sapot bilong ol Madang sapotas, Globetrotters bai i ken i gat sans long daunim Warriors.

Sapos ol i daunim Warriors na sapos Lahanis i winim gem agensim Guria, Lahnis bai i ken i gat dispela sans bilong kalap i go antap na bosim poin lata.

Long ol arapela inta-siti pilai, tupela bikipela pisin, Mt Hagen Eagles na Mendi Muruks bai kirapim das long Mt Hagen na long Lae NCDC Cowboys bai traim bun bilong ol Lae Bombers. Dispela em i raun 7 bilong SP inta siti kap resis.



## Port Moresby Rugby League Queensland Channel 9 Cup Coca-Cola Vipers 1996

### TOP POINT SCORER

	Tries	Goals	Pts
1. Seko Pae	6		24
4. T. Karu	1	8	20
2. R. Volu	4		16
3. S. Haru	4		16
4. L. Waldiat	2	3	14
5. David Mune		5	10

### TOP TRY SCORER

	Tries	Pts
1. Seko Pae	6	24
2. R. Volu	4	16
3. S. Haru	4	16
4. M. Mondo	2	8
5. P. Komboi	1	4
6. O. Wale	1	4

### TOP GOAL KICKER

	Goals	Pts
1. Tuksy Karu	8	16
2. David Mune	5	10
3. L. Waldiat	3	6
4. M. Morea	2	4

## Husat i skoa, long wanem hap ba taim

OL Coca-Cola Mosbi Vipers i soim stret olsem ol i gat moa save long pilaim gutpela atek futbol bihain long ol i soim stail bilong ol egensim ol Bunderburg yangpela long las wiken.

Ol Vipers i laki tru long ranawe i go na winim dispela pilai long 26-20 na dispela em namba tri win bilong ol long Mosbi. Ol lain Bunderburg we i nogat planti i gat eksperiens long tupela taim i nogat sans long pinisim tupela gutpela trai-tasol sapos ol i mekim, em bai namba 4 lus bilong ol Vipers long 6-pela pilai.

Vipers bihain long namba wan 20 minits bilong pilai long fes hap i kontrolim bal gut tru na long narapela 20 minit, ol i tanim bek na mekim planti asua tumas. Bunderburg i kisim dispela sans na skorim tupela trai egensim ol. Tasol dispela i no nap yet long wanem ol Vipers i gat gutpela atek na ol i winim dispela pilai.

Skipa Stanley Haru i skorim wanpela gutpela trai bihain long em yet i mekim wok na Seko Pae husat i no save les long skorim trai i putim wanpela. Dispela em namba 6 trai bilong em insait long 6-pela pilai olgeta bihain long em i ron 60 mita olgeta long skoa.

Seko i go pas yet long skorim ol trai wantaim 24 poin na faiv-elt Tuksy Karu i bihainim em wantaim 20 poin wantaim wanpela trai long namba wan hap bilong pilai na tu em i kikim tripela gol. Stanley Haru na Robert Volu i smelim tupela man ya long 16 poin.

## Nondugl lig i gat sapot bilong PRL

### JAMES SAKUL i raitim

PRESIDEN bilong Nondugi ragbi lig, Mista Hani Siwi i no man bilong toktok planti tasol wanpela sotpela strongpela toktok em i tokim Wantok olsem em i amamas tasol olsem em i mekim raitpela disisen tru long afilietim Nondugal lig i go insait long Pot Mosbi ragbi lig (PRL).

Long strongim dispela toktok bilong Mista Hani Siwi namba siama bilong PRL, Mista Ben Diau husait i bin kamap long Nondugal wantiam ol arapela bikman las wik Sarare i tokim klostu long samting olsem 6 taunsen manner pilias na sapatos olsem PRL bai tromoi olgeta sapot bilong em long strongim na lukautim Nondugl Lig.

Mista Ben Diau i tokaut olsem as tingting bilong wanem PRL i bruk lusim Papua Niugini ragbi lig (PNGRL) i bikos ol i no save tingting long afeas bilong ol pilais na tu sapotim na developim ragbi lig long ol liklik taun na rurel eria bilong kantri. Em i tok klostu 20-pela krismas i go nau PNGRFL save lukluk long gutpela moni i kamap long en.

Mista Ben Diau i tok moa olsem PRL i gat bikipela tingting tru long kamapim na strongim ol liklik rurel erias, ol i tingting long developim sampela pilais long dispela kain liklik sentas. Em i tok PRL i tingting tu long mekim ragbi lig i kamap wanpela Nesanel spot tru tru long gras rut level i go antap long ol taun na bikipela siti. Long dispela as tingting tasol em i tok PRL bai lukautim Nondugl lig gut tru tru bilong wanem ol i ples lain tu long joinim ol taim PRL i lusim PNGRL. Long dispela taim yet em i tok, olsem wanpela rot em long bringim ol sampela bikipela pilai i go long ol liklik sentas olsem na em i promisim ol pipel bilong Nondugal olsem PRL bai traim, na kamapim wanpela bikipela pilai namel long Vipers na tim bilong ol waitman long Nondugl lig graun insait long dispela yia yet.

Long dispela taim yet husait ol arapela bikman husait i kamap long Nondugl lig graun em Mista Rob Cochrane bilong Kwinslens ragbi ling (QRL) Mista Peter

Banaga siaman bilong ol selek tas bilong PRL na Mista Roy Mirungke Presiden bilong Morobe Ragbi Lig.

Ol bikman hia i bin kamap long Nondugl long witnessim wanpela pilai i kamap namel long Nondugl na Morobe lig. Dispela tupela lig i stap wantaim PRL long dispela taim yet wanpela sait bilong Gumine lig long Simbu provins i bin pilai wantaim Nondugl tim. Gumine lig i gat tingting na ol i tokaut olsem ol bai joinim PRL neks yia.


Nondugl Rds o tim i i strong moa na rausim trausin bilong bois bilong Morobe 36-16 wan sait tru. Olpela Kumul winga Goi Waine kamapim gutpela pilai tru wantaim gutpela sapot i kamap long ol man olsem Bernard Awal, Nelson Akis, Thomas Awi, Raka Nants, Luks Yomba and John Ambane long kamapim dispela bikipela win.

Nondugl lig i gat plant ol gutpela pilais stret. Nau yet Nondugl lig i gat pinis tripela pilais husait insait nau long PRL Ansett kaptim. Ol pilais hai em Ravian Kapals, Masa Kumiye na Karpal Poing.


**Winfield League**  
...simply the best!




# Sans yah,... Kam na kisim!




10mm s/spd Drill  
sku 08701016  
Prais **K109.99**




135 mm Orbital Sander  
sku 08701027  
Prais **K129.99**



180 mm Circular saw  
sku 08701035  
Prais **K299.99**



82 mm Planer  
sku 08701031  
Prais **K199.00**



4.8V Cordless Drill  
sku 08701023  
Prais **K99.00**

## Nambawan PAWA tuls



**Steamships HARDWARE**

**Long olgeta stua nesenwaid**


Baim wanpela  
Circular Saw  
na kisim  
Cordless Drill  
fri.

Baim Orbital  
Sander na  
82mm Planer  
na kisim wan-  
pela 13 mm  
drill kit fri.




13mm Rev,  
Hammer  
Drill Kit  
sku  
08701019  
Prais  
**K184.99**






• Wapela Vipers pilaia i holim pasim pinis wapela pilai bilong Cairns Cyclone long pilai bilong Channel 9 Kap resis long Mosbi las wiken. Vipers i winim ol Cairns 29-22.

**Ol Intanesenel pilai long las wiken long Mosbi . . . Ol Poto: IVAN BAYAGAU**



• Raithan: Vipers fulbek Steve Tarum i laik abrusim takel bilong tupela Cairns pilaia tasol ino inap.


• Lephon: Big Foot Ben Bire i stop long difens bilong ol Tonga las wiken.



• Kumul fowat Michael Angra i kisim taim long han bilong ol Tonga fowat las wiken. Kumuls i winim ol Tonga 56-10 na putim nupela rekot bilong ol.



• Kumul winga James Kops i ranawe long takel bilong tupela Tonga pilaia. Kops i skorim tupela trai long dispela 56-10 win bilong ol Kumuls . . . Raithan: Vipers faiv-eit Tuksy Karu i kisim plasta long het bilong em long han bilong tok dokta Dr. Gideon Kendino. Karu i skorim tupela trai, kikim tripela gol na wapela fil gol long helpim ol Vipers i winim ol Cairns 29-22.





## LAE PEPSI LEAGUE: ROUND 12 DRAWS

Saturday July 13, 1996.

## Outside Ground

09.00am U/19 Panthers vs Spiders

10.00am U/19 Tigers vs Brothers

11.00am U/19 Royals vs Magani

12.00noon U/19 Defence vs Tarangau

## Inside Ground

09.00am B Royals vs Magani

10.20am B Defence vs Tarangau

11.40pm B Panthers vs Spiders

01.00pm B Tigers vs Brothers

02.30pm A Panthers vs Spiders

04.00pm A Tigers vs Brothers

## Gate Fees

Adults K1.00

Kids .50t

Sunday July 14, 1996.

## Outside Ground

09.00am U/17 Panthers vs Spiders

09.00am U/17 Tigers vs Brothers

10.00am U/17 Royals vs Magani

11.00am U/17 Defence vs Tarangau

12.00pm A Royals vs Magani

01.30pm A Defence Tarangau

03.30pm A Bombers vs Cowboys

## Gate Fees

Adults K5.00

Kids K2.00

## POINTS TABLE AFTER ROUND 11

Club	Played	Won	Draw	Lost	Points For	Points Against	Percentage	Points
<b>A Grade</b>								
Panthers	11	7	1	3	297	222	134%	15
Spiders	11	7	1	3	258	220	117%	15
Magani	11	6	1	4	253	261	97%	13
Defence	11	6		5	318	173	184%	12
Brothers	11	6		6	248	329	75%	12
Tarangau	11	4	1	6	281	215	130%	9
Royals	11	2	2	7	228	318	72%	6
Tigers	11	2		9	159	343	46%	4

Note: Brothers Round Four win over Royals forfeited as Brothers played unregistered player Royals also registered a forfeit for not completing the match. Hence two points difference and points against 40 higher.

## Reserve Grade

Tarangau	11	7		4	227	156	146%	14
Tigers	11	7		4	166	156	106%	14
Brothers	11	6	1	4	186	183	102%	13
Spiders	11	6	1	4	199	148	134%	13
Panthers	11	6		5	231	210	110%	12
Royals	11	4	1	6	162	180	90%	9
Magani	11	4		7	185	189	98%	8
Defence	11	2	1	8	142	276	51%	5

## Under 19

Tigers	11	8	1	2	145	82	177%	17
Brothers	11	7	1	3	100	78	128%	16
Tarangau	11	7		4	134	76	176%	14
Magani	11	6	1	4	105	92	114%	13
Spiders	11	5	1	5	87	70	124%	11
Panthers	11	4	1	6	94	99	95%	9
Royals	11	3	1	7	103	108	95%	7
Defence	11	1		10	46	209	22%	2

## Under 17

Spiders	11	9		2	112	40	280%	18
Tigers	11	6	1	4	92	75	123%	13
Defence	11	6		5	102	63	123%	12
Magani	11	5	1	5	113	96	118%	11
Royals	11	5		6	103	116	89%	10
Panthers	11	4	2	5	76	86	88%	10
Brothers	11	5		6	55	75	73%	10
Tarangau	11			11	24	146	16%	0

Note: Round One Magani and Tarangau double forfeit Round Two Brothers and Tarangau double forfeit hence four points of difference and points against 40 higher.

## PORT MORESBY RUGBY FOOTBALL LEAGUE

## ROUND 2 GAME 7 DRAWS

Saturday 13/7/96

VENUE: Lloyd Robson Oval

Time	Grade	Fixture
9am	U/21	Souths v Royals
10.05am	U/21	Tarangau v Wests
12.00pm	Res	Post Puma v Kone
1.20	A	Tarangau v Wests
2.45	A	Post Puma v Kone
4.15	A	Souths v Royals

Sunday 14/7/96 - Round 15

Time	Grade	Fixture
9am	U/21	Hawks v Magani
10	Res	Souths v Royals
11.15	A	Hawks v Magani
12.45	A	Brothers v Paga
3pm	QRL	Vipers v Ipswich

Lloyd Robson II

9.00	U/17	Royals v Gabi
9.00	U/17	Souths v Moitaka
10.00	U/17	Kone v Paga
0.00	U/17	Magani v Koki
11.00	U/17	Wests v Defence
1.00	U/17	Hawks v Buria

Ground	Time	Grade	Fixture
LRO II	12.00	U/17	Brothers v DCA
LRO II	12.00	U/17	Post Puma v

LRO II	1.00	U/19	Tarangau Hawks v Buria
LRO III	1.00	U/19	Post Puma v Tarangau
LRO II	2.00	U/19	Brothers v DCA
LRO III	2.00	U/19	Wests v Defence

Sunday 14/7/96 Juniors round 15

Ground	Time	Grade	Fixture
LRO11	9.00	U/19	Kone v Paga
LRO111	9.00	U/19	Magani v Koki
LRO 11	10.00	U/19	Souths v Moitaka
LRO 111	10.00	U/19	Royals v Gabi
LRO 11	11.00	U/21	Brothers v Paga
LRO 111	11.00	U/21	Kone v Post Puma
LRO 11	12.00	Res	Brothers v Paga
LRO 111	12.00	Res	Tarangau v Wests
LRO 11	1.20	Res	Hawks v Magani

## Teams for round 15 matches of the Australian Rugby League premiership on July 13, 14 and 15.

## SATURDAY:

## CANBERRA v CRONULLA at Bruce Stadium (2.40pm)

RAIDERS: Brett Mullins, Ken Nagas, David Boyle, Ruben Wiki, Noa Nadruku, Laurie Daley (c), Jason Ferris, Ben Kennedy, David Furner, Brett Hetherington, Luke Davico, Steve Walters, Quentin Pongia. res: David Westley, Steve Collins, Steve Stone, Jason Burnham.

SHARKS: David Peachey, Mat Rogers, Andrew Ettingshausen (c), Paul Donaghy, Richard Barnett, Mitch Healey, Paul Green, Tawera Nikau, Nathan Long, Craig Greenhill, Les Davidson, Dean Treister, Danny Lee. res: Andrew Pierce, David Boughton, Adam Dykes, Allan Bateman.

## GOLD COAST v AUCKLAND at Carrara Stadium (7.40pm)

CHARGERS: Dave Watson (c), Lee Oudenryn, Henry Suluvala, Kris Currie, Jeff Orford, Shane Kenward, Chris Orr, Jeremy Schloss, Brendan Hurst, Tony Durham, Damian Driscoll, Jamie Goddard, Robert Campbell. res: Gavin Whittaker, Tim Fuller, Doug Evans, David Baidon.

WARRIORS: Phil Blake, Sean Hoppe, Tea Ropati, Anthony Swann, John Kirwan, Gene Ngamu, Stacey Jones, Mark Horo, Tony Tatupu, Steve Kearney (c), Joe Vagana, Syd Eru, Andy Platt. res: Marc Ellis, Mark Carter, Brady Malam.

## CANTERBURY v TIGERS at Belmore Sports Ground (7.40pm)

BULLDOGS: Rod Silva, Damien Ford, John Timu, Steven Hughes, Daryl Halligan, Terry Lamb, Craig Polla-Mounter, Glen Hughes, Steve Reardon, Robert Relf, Robert Tocco, Jason Hetherington, Darren Britt (c). res: Mitch Newton, Steven Price, Jason Lidden.

TIGERS: Tim Brasher, Gary Edwards, William Kennedy, Mike Dorreen, Ian Herron, Ellery Hanley, Michael Gillett, Glen Morrison, Darren Senter, Mark Stimson, Paul Sironen (c), David Bayssari, Corey Pearson. res: Mark O'Neill, Shane Walker, Dan Stains, Wes Patten.

## SUNDAY:

## MANLY v PARRAMATTA at Brookvale Oval (3pm)

SEA EAGLES: Matthew Ridge, Danny Moore, Craig Innes, Terry Hill, Jack Elsegood, John Hopoate, Cliff Lyons, Geoff Toovey (c), Des Hasler, Nik Kosef, Daniel Gartner, Steve Menzies, Mark

Carroll, Jim Serdaris, Owen Cunningham, Neil Tierney (three to be omitted). res: David Gillespie, Solomon Haumono.

EELS: Rod Maybion, Scott Mahon, Jarrod McCracken (c), David Woods, Chris Lawler, Keith Blackett, Gary Freeman, Jim Dymock, Justin Morgan, Jason Smith, Marty McKenzie, Troy Campbell, Peter Johnston. res: Matthew Spence, Nathan Barnes, Russell Wyer, Anthony Bonus.

## ST GEORGE v PENRITH at Kogarah Oval (2.30pm)

DRAGONS: Dean Raper, Ricky Walford, Mark Coyne (c), Mark Bell, Adrian Brunner, Anthony Mundine, Noel Goldthorpe, Wayne Bartrim, David Barnhill, Kevin Campton, Luke Felsch, Jeff Hardy, Troy Stone. res: Lance Thompson, Colin Ward, Nathan Brown.

PANTHERS: Bobby Thompson, Jason Williams, Ryan Girdler, Scott Pethybridge, Robbie Beckett, Steve Carter, Garen Casey, Morvin Edwards, Matt Adamson, Carl MacNamara, John Cartwright (c), Danny Farrar, Phil Adamson. res: Jody Gall, Dave Alexander, Brett Boyd, Craig Gower.

## ILLAWARRA v WESTERN REDS at Steelers Stadium (2.30pm)

STEELERS: Brett Rodwell, Rod Wishart, Paul McGregor (c) Shaun Timmins, Paul Carige, Glen Air, Josh White, Neil Piccinelli, John Cross (c), Brad Mackay, Darrien Doherty, Dean Callaway, David Walsh. res: Darren Fritz, Wayne Richards, Brendon Reeves.

REDS: Julian O'Neill, Chris Ryan, Chris Dever, Barrie-Jon Mather, Greg Fleming, Scott Wilson, Matt Rodwell, Dale Fritz, Peter Shiels, Mark Geyer (c), David Boyd, Matt Fuller, Robbie Kearns. res: Jon Grieve, Jon Grieve, Cameron Blair, Jason Eade, Darren Higgins, Mick Potter (one to be omitted).

## NORTH SYDNEY v SYDNEY CITY at North Sydney Oval (2.30pm)

BEARS: Matt Seers, Brett Dallas, Ben Ikin, Greg Florimo, Nigel Roy, Michael Buettner, Jason Taylor (c), Chris Caruana, David Fairleigh, Billy Moore, Steve Trindall, Mark Soden, Gary Larson. res: Josh Stuart, David Hall, Danny Williams, Craig Wilson.

ROOSTERS: Ivan Cleary, Darren Junea, Matt Sing, Peter Clarke, Peter Jorgensen, Andrew Walker, Adrian Lam, Brad Fittler, Tony Iro, Scott Logan, Paul Dunn, Sean Garlick (c), Jason Lowrie. res:

James Smith, Terry Hermansson, Michael Ostini, Nathan Wood.

## WESTERN SUBURBS v NORTH QUEENSLAND at Campbelltown Sports Ground at (2.30pm)

MAGPIES: Andrew Leeds, Darren Willis, Ken McGuinness, Brandon Pearson, Kevin McGuinness, Steve Georgallis, Craig Coleman, Paul Langmack (c), Jason Bengo, Damian Kennedy, Andrew Hick, Cherry Meschia, John Skandalis. res: Justin Dooley, Bill Dunn.

COWBOYS: Damian Gibson, Marshall Miller, Josh Hannay, Paul Bowman, Justin Loomans, Andrew Dunemann, Ian Dunemann, Adrian Vowles (c), Peter Jones, Michael Coorey, Martin Locke, Jason Death, Steve Edmed. res: Graham White, Reggie Cressbrook, John Buttigieg, Wayne Sing, Willie Poching (one to be omitted).

## SOUTH SYDNEY v SOUTH QUEENSLAND at Redfern Oval (2.30pm)

RABBITHS: David Penna, Shane Wilson, Marty Moore, Phil Howlett, Paul Mellor, Jason Bell, Craig Field, Paul Quinn, Jason Tassell, Tyran Smith, Martin Masella, Geordi Peats, Craig Salvatori (c). res: Adam McEwen, Peter Driscoll, Ian Rubin, Will Robinson. CRUSHERS: Travis Norton, Craig Weston, Nigel Gaffey, Jason Hudson, Jason Wendt, Kerry Carmichael, Gary Jarrett, Phil Lee, Brett Horsnell, Trevor Gillmeister (c), Grant Young, Craig Teevan, John Jones. res: Brett Horsnell, Clinton O'Brien, Dale Shearer, Mark Protheroe.

## MONDAY:

## BRISBANE v NEWCASTLE at ANZ STADIUM (7.30pm)


BRONCOS: Willie Carne, Michael Hancock, Steve Renouf, Darren Smith, Robbie Ross, Kevin Walters, Allan Langer (c), Peter Ryan, Shane Webcke, Brad Thorn, Andrew Gee, Kerrod Walters, Glenn Lazarus. res: Darren Lockyer, John Plath, Ben Walker, Brett Green, Chris Johns (one to be omitted).

KNIGHTS: Robbie O'Davis, Brett Grogan, Brad Godden, Jamie Ainscough, Keith Beauchamp, Matthew Johns, Andrew Johns, Marc Gianville, Adam Muir, Paul Marquet, Paul Harragon (c), Lee Jackson, Anthony Butterfield. res: Bill Peden, Glen Grief, Matthew Gidley, Darren Treacy or Troy Fletcher.





# Ragbi Lig Nius



berra's David Boyle and Jason Ferris as things get willing last Friday

# ROOSTERS GURIA!

LONG sanap long sait bilong referi Kelvin Jeffes, bos bilong ol referi Mick Stone i sutim toktok long ol Sidni Siti pilaia na Canberra pilaia long kamapim kros namel long ol yet taim tupela tim ya i bung long Bruce Stadium tupela wik i go pinis.

Jeffes wanpela man husat i kamapim planti kros long dispela bikpela pilai i kisim tru sapot bilong bos bilong em.

"Mi lukim ol Kelvin i bin gat wanpela strongpela pilai tru," Stone i tok. "Em i gat wanpela strongpela pilai tru long wanem dispela tupela sait husat i pilai long nait ya i no save laikim ol yet, tupela kosa husat i no save laikim ol yet (Tim Sheens na Phil Gould) na tupela grup bilong ol sapota husat i no laikim ol yet."

"Kevin Neil (Sief eksekutiv bilong ol Raiders) i putim em yet long rekot long wanem em i tok olsem bilong wanem na Canberra i go long Supa Lig em East i laik traim stilim ol pilaia bilong em.

"Long las wik Fraide nait taim dispela tupela tim i bung i soim stret ol i gat belhat. Na dispela em wanem samting i kamap

long namba wan hap bilong pilai - ol i no laik pilai futbol.

"Ol i laik stap long rak eria -ol i laik mekim olgeta samting na i no tingting long pilai gutpela futbol. Long wanem na em i kamap wanpela gutpela pilai em i nogat samting long mekim wantaim Kelvin Jeffes."

Jeffes i mekim wanpela hatpela disisen tru long dispela pilai long salim tripela pilaia i go long sin bin, na rausim wanpela (Terry Hermanson) na mekim tupela bikpela tok lukaut long ol pilai.

Stone i sanap stret long sait bilong Jeffes long salim kepten bilogn Australia Brad Fitter long las 10 minit bilong pilai - i go long sin bin.

"Wanpela man i tokim mi long radio olsem disisen bilong Jeffes i tanim pilai,

*"Ol Yet i kros" na bos bilong ol ref i joinim*

"Stone i tok. "Tasol i tru em disisen bilong Brad Fitter long silip antap long pilai na i no harim toktok bilong referi long sanap op sait na takelim Quentin Pongia, dispela i tanim pilai.

"Em i disisen bilong Fitter long mekim wanem samting em i mekim pinis. Mi bilip Jeffes i nogat narapela moa tingting tasol salim em i go aut. Na i gat planti ol pipel husat bai wik nogut tru long mekim dispela kain disisen.

"Em i wanpela strongpela disisen tru na wanpela gutpela sain em i mekim long dispela pilai. Em i wanpela referi husat i les long harim tok bilong ol buli boi long dispela nait."

Stone i sevim ol strongpela toktok bilong em long bos bilong ol Canberra Kevin Neil, husat i tok olsem nogat gutpela disisen

bilong referi i save mekim na moa long 5000 ol sapota i no save kamap long lukim pilai. Neil i bin mekim toktok long wanpela niuspepa olsem dispela referi long nau yet i no gutpela olgeta.

"Mi bai mekim toktok bilong mi long bekim i go long Neil nogut bai ol man i ting em i wanpela bikman- tasol nogat olgeta."

"Em i wanpela man long stat bilong sisen namel long 8-9 wik i tokim ol man olsem ol pilaia bilong em i no laik pilai - na em i no promotim pilai bilong em yet."

"Nau em i toktok long ol sapota i no kamap long Bruce Stadium. Man em i mas lukim em dispela man em i lukim long glas long moning taim em i laik rausim maus gras bilong em."

Stone i tokaut moa olsem bai i gat moa referi disisen i no gutpela i kamap long bihain taim.

"Mipela i trai hat long mekim ol stretpela disisen tasol mipela i no nap kamap long hap hariap tru," Em i tok.

-Rugby League Week





# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.